

DEPUTY SPEAKER : Mi suaksualte remruat anga awm ngai lova, Mi sualte kawng pawha ding ngai lova, Hmusitute thutphah pawha thu nga lo michu a eng a thawle.

SAM 1:1

Awle, Question kan la nghal ang a, starred question 241 na zawt turin member zahawm tak Pu Lalduhoma ilo sawm ang.

PU LALDUHOMA : Deputy Speaker ka starred question no.241 na Minister zahawm tak Finance Department changtu chhan atan a) 2007-2008 chung hian Department tana sum ruahman tawh sa, thildang atana lak kir sak a awm em? b) A awm chuan eng Department te nge an nih? Engzatnge laksak an nih? tih a ni e.

DEPUTY SPEAKER : Awle, a chhang turin a changtu Minister Pu Zoramthanga a awm loh avangin Pu Tawnluia Minister ilo sawm ang.

PU TAWNLUIA MINISTER : Pu Speaker, member zahawm tak Ratu bialtu zawhna chhanna - a) Awm e. b) Plan sum nei Department te anni a, an divisible outlay an ear mark fund atanga chhut a 5% laksak anni tlangpui. c) P.H.E Department hnuaiah maintenance leh operational cost leh optional water supply atan sum indaihloh puhruk nan leh thildang atan te a ni.

PU LALDUHOMA : Pu Deputy Speaker, hemi financial year chung hian Aieng leina tih ang chite pawh kha Budget Provision ah hian a awmlo niin alang a. Chuti chung chuan vaibelchhe engemaw zat man kha lei ani tho si a, khang ang chi a tira ruahman sa nilo Department sum eng engemaw han pawh ang chi kha eng engte nge ni? Enge a chhan, engzatnge tih kha chiang lehzualin kan hrechiang duh a. Tin, 5% han pawh te kha enge a tulna chhan? Eng thila hman nge tih ani a. Tin, hei Finance Minister in a review siam kan dawn hun hi a tlai em em mai a. Kumtira helaia kan pass ang hian thil a kal nge kal lo, diversion a tam nge tam lo hre tur leh tun kan Session chhunga han sawi ve hman tur chuan a copy te hi dawn hma a ngai em em a. Hengte hi rang deuh hlekin kan dawng thei angem tih ka zawt duh bawk a ni.

Tin, a tawpna ber atan chuan Transaction of Business Rules-ah hian Finance Department hianin Department tintena sum ruahman sa ang kalh zawnga sum hman an duh chuan engemaw serious Financial regularity te a awm dawn chuan Finance Department ah hian an thlen zel ang a, an phalna an la tur a ni tih hi a awm a, 34-naah hian. Chumi rual rual chuan Cabinet in emaw Chief Minister in emaw chutiang thil chu a lo pawmpui chuan Rules engpawh relax anga ngaih a ni ang tih hi a in zia k baw k a.

Tin, chutiang deuh baw k chuanin Supplementary 56-naah hianin Council of Minister emaw Chief Minister emaw hian State tan leh Public tana that zawkna tur a awm a nih chuan Rules a relax thei ang tih hi a chuang leh baw k a. Tunhmaa kan hruaitu hmasa Pu Ch. Chhunga te, Brig.T. Sailova te hunah kha chuan hetiang Rules relax theihna hi Council of Ministers ah chauh a awm thin a. A hnu lamah hian Chief Minister mimalin he thuncihna hi an rawn nei chho ta a. Khatianga Chief Minister, thuneihna sang tak nei, rules reng reng ama thua relax thei neih hi kan ram tan hian a tha loin ka hria a, thil tha lo tih nan an hman ka tihna lam ni lovin, thlemna a sang a, hman mai theih a ni tlat a ni. Chuvang chuan neih loh hi a tha zawkin ka hria a. Tunhmaa a awmdan ang khan Rules relax theihna hi Chief Minister-ah hian dah let leh theih a ni ang em? Tih ka zawt a ni.

PU LALCHHANDAMA : Pu Deputy Speaker, hmanni deuh khan kan Finance Minister kha zawhna pakhat ka zawh a Supplementary - ah khan Buarpui bialtu MLA zahawm tak nen zawh dun kha kan nei a. 1993-1998 chhungin Treasury khar a awm em tihah khan an ni engemaw remchang a awm em tih kha kan Buarpui bialtu khan a rawn zawt tel a. Kan Chief Minister in assurance min pek angin in lamah lehkha kan dawn avangin lawmthu kan sawi a. Tum nga zet mai hun hmasa lamah khar a nih thu kan dawn kha. Khatianga assurance kan hmuh kha lawmthu ka sawi hmasa duh a.

Kumthar 2008-2009 kan lo hman chho dawn ta a. Treasury a sum pek chhuah theih chin hi a tlem tawh mah mah e kan ti a. Kumthar ah hian budget lo pung chho zelah hian treasury a sum pek chhuah thin a hi tih pun tumna a awm em? Pahnihna ah chuan Financial Year a tawp ta a, hmanni khan K- deposit a kan neih zat kha kan zawt a. K- deposit ah khan engzat nge tunah chiah hian kan neih? Kan neih pun belh ta viau em? tih ka zawh belh e.

PU LALRINLIANA SAILO : Pu Speaker, zawh belh na. Hei kan Finance Minister zahawm tak a awm lova. Mizoram ah sum leh pai tam zia leh central atanga a lo luan luh tam tur zia a sawi thin a, chutih rualin mipui ah, thingtlang ah te mipui ah mi harsa tan a vang hle mai a. Chuvangin tawngkam chauh mai hmui chauh mai a tam. Tunlai hla in "A tha anka nem chu taw k rawh se" tih hi kan hla tur niin a lang ta a. Chu mi kan zawh duh na ber chu Central atang hian CSS a chi te tam tak a lo kal a. Health Department a ni emaw, PWD ani emaw, Industry a ni emaw, Right to Information Act hnuai ah kan la chhuak a. Agriculture emaw, Horticulture emaw, Department tam tak a ni. Hei hi Finance Department ah hian a lut em? Finance Department in a luah a, ngun taka an lo thlir a, Department a Section balance tha tak

fel tak a awm theih na tur atana, allocation fel tak an siam leh an lo thli zui theihna turin Finance Department ah hian a lut thap thin em? Tin lut lo se, luh tir tumna a awm em? tih ka zawt e.

PU LALHMINGTHANGA : Pu Deputy Speaker, Finance thil kha an zawt a, mahse a chhang tu hi vanneihthlak takin PHE changtu a ni hlah mai a. Tin, khami Plan Fund 5% vel han lak a tulna chhan pawh kha, Water Pumping Operational Cost atan ani a. Engatinge kan operational cost hi a san em em tih kha kan zawt duh a. A figure exact chuan ka sawi thei lova. Mahse, a tlangpuiin kumtin hian operational cost atan hian crore 13 hman a ni ta. Phase II hian a capacity tuna an run lai mek ah hian kan Minister in a sawi naah pawh 12 MLB alo ni a. Tin, Phase-I khan tunah hian engzat chiah nge a deliver ka sawi thiam lo a. A hlui deuh tawh a, reivation plan an buatsaih tih te a sawi a. Phase-I ah hian a daily deliverance capacity engzat nge ni? Khatiang a nih chuan entirnan 12 MLB ve ve pawh lo nise bucket khat kan leina hi Rs 40/- aia sang ni awm takin a operational cost atang chuan a lang thei a ni. Hei hi tih hniam theih dan a awm em? Sorkar in heti taka a senso a, mi plan budget atang pawhin 5% ang te hnuh a ngai fo dawn a nilo chuan burden lian tak ani a. Privatise zawng deuh a tih te pawh hian a cost hi tih hniam dan deuh a awm lawm ni? Entirnan Sericulture te hi 5 lakhs an han laksak a. Khami ring nghal khan an plan kha a ngai chiah ah an dah leh a. 5 lakhs increase na kha kumin atan te khan ngaihsak anni ta mai mai a. Thil a ti buai viau niin alang a. Chulai chu min chhang thei em tih kan Minister kha ka zawt a ni.

PU SAIKAPTHIANGA : Pu Deputy Speaker, tun tum kan Session hi zawhna a rei thei ang reng a. Tlem zawh hmain a vel ka sawi duh a. Session in thla khat vel kan Buai tawh a. Session zawh veleh hian kan bialte theuh tam buaipui in kan buai nasa mai dawn a. A bikin Tlawng thlang tai ching ho phei hi chu an thar loh ang ang pawhin tam hi chu October thla tir atanga kal tawh kha ani a, a rei tawh bik a, an buai lehzuol dawn a. Chuta zawhbelhna pawimawh tak chu NREGS Scheme hnuai a inhlawhna pawisa hi budget session zawh atang hian kan tan mai thei dawn em? Pawisa hi hman tan mai tur a ni dawn em? Pahnihna ah chuan MLA ten kan bial theuha kan hman tur local area development fund hi session zawh atang hian a hman nghal mai theih dawn em? A theih loh deuh a nih pawhin engtik atanga hman tan theih nge kan in beisei? Tih ka zawhbelh e.

DEPUTY SPEAKER : Relevent chiah lo te pawh a awm Nual in ka hria. A theih ang ang te chhang turin Minister Pu Tawnluia i lo sawm ang.

PU TAWNLUIA MINISTER : Pu Deputy Speaker, a changtu nih loh bakah zawhna te kha a kahpah

ang reng hlawm khawp a. Kan in hrethiam tlang tura ngaiin an rawn Zawt ni turah ka ngai a. Member te puitling tak tak vek anni a, beisei dan tawh hre turah ka ngai a. Kan main question ah khan Department engzat atangin nge khami pawisa, kan sum neih atangte khan lak tih kha - Hei, Department hrang hrang atangin lakkhawm ani a, avai hi chuanin cheng nuai 2054/- 5% an cut hi chuan tling khawm tura ngaih anih lain a tak tak a Planning ina a lakkhawm a hi chu nuai Rs 1780/- ani a. P.H.E maintenance leh operation atan ani e tih kha chu a hlawm kal lian tamna anih avangin a hming tumtu a ni a. P.H.E ah khanin maintenance leh operational course atan khan nuai Rs 1250/- a balance.

Tin, a dang leh ah chuanin hemi kan han pawhkhawm a kha abik takin kan M.N.F returnee te in-sakna atan khan LIC atanga loan nei P.W.D atangin nuai 113, P.H.E atangin nuai 82, Police Housing atangin nuai 35, L.A.D atangin nuai 100, kha kha kan MNF returnee te in-sakna atana LIC loan an neih atanga pawhkhawm ani, kha kha kan hriat atan kan sawi duh a. Tichuan, nuai 330, Department 4 atanga LIC loan an neih atanga paehkhawm a hi nuai 300 a kha MNF returnee te in - sakna atan khan a kala, nuai 30 kha chu Common Cemetery, District Headquarters Champhai te, Kolasib te, Aizawl te, khang atan khan hman ani a. Tin, Bilkhawthlir-ah K.T.P. General conference a awm a, chung atan te pawh chuan tanpuina engemaw zat kha a kal ve a ni tih kha ka sawi duh a ni. Kha sum kan lakkhawm a kha PHE chauh ni lovin a dangah pawh khan man a ni e, a hming tumtu ber chu nimahse PHE lovah pawh khan hman a ni e, tih kha vawiihah ka sawi tel duh a.

Tin, hetiang anga plan sum emaw, plan lo pawh sorkar-in a tulzual bikna alo awm thar chuan han siksawi thin a ni a, kan hre theuh a, supplementary demand tepawh kan pass a, kan pass zingah pawh heng hi tel vek tawh kha a ni hlawm a, kha kha chu sawi tam a ngaiin ka ringlo a ni.

Tin, Financial Report pek pah theih thin a ni em tih hi keipawh ka ngaihtuah thin a, hei kan hre theuh a, helaiah dawhkanah an rawn lay a eng engemaw audit Report hetiang hi ava tlai thin em, an ti a. Kan Ministry a dintirh term hmasa pawh khanin hetah Congress Ministry a ni a, kum hnih kumthum hmalam a mi daih tekha heti hian alo kal chho a, heng hi chu a tlai deuh thin mang e, ka ti a. Keimahni State bik in-a kan tih theih erawh chu keimahni in a hma thei ang a kan tih kha chu kan zavai atan a tha hrim hrim ang tih ka ring a ni.

Tin, Transaction of Business Rules a, Rules relaxation, Council of Minister - ah hian tih nise tih akha Pu Deputy Speaker, ka in rin loh lampang anih bakah kha kha chu a technical deuh hlek a. Engpawh niselangin khang kha sawi ang khanin hetah Cabinet Chief Minister han tih khan in Chief Minister ina relaxation amah mai ina a tih ni lovin, ka rin danin Council of Ministers ah a pharh thovin rinna ka nei a. Engpawh nise, kha kha chu lo enchain tlak chu ani hrim hrimin ka hria a.

Tin, Pu Chhantea. Tlungvel bialtu ina a'n zwhnaah khanin kumte a lo thar a, Treasury te pawh hi tlemin payment nitin a an pek chhuah theihte a pung theihte a pung thei deuh em le tihah khan chuanin, tunhma -ah kha chuan a tlangpuiin nuai 215 hi Zoram pumpuia han chawhrual khan nitina kan pek chhuah a kha ani a. Tun March ni 20 atanga 31 -ah pheih kha chuanin nitin nuai 1400/- pek chhuah ani a. Tin, April ni 1 atangin hetiang ang hian pek chhuah turin ruahmanna pawh han siam thar ani a. Aizawl South leh North hi chu nuai 50 ve ve ani a. Hei chu a la ngai a. Lunglei pawh nuai 25 ani a, a la ngai a. A dang zawng Saiha, Champhai, Serchhip, Kolasib, Mamit, Lawngtlai te hi a hma - in nuai 15 nitin pek chhuah theih anni a. Tun April ni 1, 2008 atang erawh hi chuan heng District kan lam tak te kha nitin nuai 20 pek chhuah theih turin kan ti tawh a. Tunah hian nimin atang kha chuan nitin nuai 245 Treasury in Mizoram pumpuia pe chhuak thei tur angin kan in ruahman ani a. Tin, khatah khanin a hma a kan han pek chhuah theih ai kha chuanin nuai engemaw zat khan a pung ta e nitinin tih kha kan han sawi nisela.

Tin, K - Deposit chung chang kha hmanni ah khan Chief Minister zahawm takin a wind up naah pawh khanin K. Deposit hi tih loh hram hram pawh kan han tum a. Kan han tang a, a last figure 4pawh kha a sawi a. Tun Financial Year thar, nimin April 1, 2008 atang kha chuan K. Deposit hi NIL a ni e tih kha Pu Deputy Speaker, kan sawi duh bawh ani. Heng hi kan Ministry a Finance Minister hianin Financial Management hi tha takin an handle ani tih a ti chiang hle in ka hria ani.

Tin, Pu Rina, Khawihai bialtu ina a rawn zawhna CSS Fund, Finance Department ah a lut vek em tih kha chu lut vek lo. A chhan chu Society anga direct a local hi a tam em em mai a. Finance in a an tih dan erawh chu ka hre lova. Mahse, hei a General ah chuan rawn zawhna, chhannaah kha chuan a vai hian lut lo chi kha a awm ve hrim hrim ani tih kha kan sawi ni ta selangin a tha ang e. Tin, Lunglei South bialtu ina helai kan Greater Aizawl Water Supply Scheme maintenance cost a va sang ve. Phase I pawh kha engnge ni? tih kha. Tunah hian Phase -I pawh hi renovate tum ani a. JNUWRM atang hianin vaibelchhe 16 zet hi approval kan nei tawh a, vaibelchhe 3 zet min rawn sanction tawh a, an rawn release tawh a. Chuvang chuan, Aizawl Greater Supply Scheme Phase -II hi tiang khan kan renovate ang a. Tichuan, a khawlte hi kan thlak ang a, tichuan side by side a Phase -II nena thawk tho si khan hemi kan operation a kha chawl chiah si lo khan atih dan awm dawnin kan hria a, tunah hian a discharge -tui a pek chhuah theih zat kha chu Pu Deputy Speaker, a figure lam ani a. Engpawh nisela, khawl hi a hlui tawh em avangin tun hmaa a pekchhuah theih zat hmun thum a thena hmun hnih bak hi pekchhuakah kan ngai tawh lo. Tiang chu a kalphung ani a. Tin, a operation hi privatize a tha lawm ni? Tihah khanin keini pawhin kan tum reng - helai hi engtiangin nge kan tih theih ang aw? Privatisation hi- hemi maintenance hrim hrim hi chu hetah Department a tih loh theih loh chin ani a tih kha kan rilruah a awm ani a.

Chuvangin, kan han ngaihtuahin PHE pawh kha hetiang hian han sawi ta ila - Kan telh ta melh melh bawh a. Nimina member zahawm takin Bethlehem Veng ah emaw Tui Bill pek chungchang te a rawn sawia, nimirah khan enchhuah vek ani a. General deuh a ka han sawi duh mai a

chu kan Water Tariff a kha amendment ani a. Chutah chuan, metre vuah lai te a lo chhia a, defect anih loh a, an operation a damage emaw loss emaw eng emaw a lo nih chuanin a flat rate a cheng 100 thlatin la mai lo khan cheng 100 emaw a nih loh leh thla thum, a hnunglam a mite a chhiat hma a mi hisapa a average khan lak tur ani ang tih kha tun March thla atang khan implement ani a. Tunah hian a list pawh ka nei vek a. Pu Deputy Speaker, Bethlehem Veng kha hei damage tih ani a. Tin, lehlamah chuan flat rate a pek theih anih avangin metre vuah lo kha chuanin a lo ziaawm deuh nge ni, thil hi a mak khawp a, chungte chu a kalphung ani a. Hei, Pu Deputy Speaker, enfiah vek ani e.

R. LALZIRLIANA

:

An enfiah vek a, kan sawi lai tak zawka kha chu khatiang dan tha lo mahni inchnung ami pawh kan veng theilo ani a. Pawna metre vuah alo chhiat a, a neitute chu...tih ringawt laia kha ani a thalo laia chu. Khami dan a kha chu kan hmu ve e.

**PU TAWNLUIA
MINISTER**

:

Awle, Pu Deputy Speaker, kha kha chu kan dan bawk ah khan mahni water metre venhim chu a neitu mawh ani ve tlat tih Pu Speaker kan sawi duh a. Tin, hemi kan zawhna bill hrim hrimah kha chuan, kan han chhanna kha a kim tawh maiin ka hria a.

PU LALRINLIANA SAILO

:

Pu Deputy Speaker, khawngaih takin sipai bang ti mai ila, hemi War Veteran Indopui II - na vela nupuite leh anmahni lawman ti mai ila, pension kha hei thla riat vel lak turah thla 2/1 chauh an la a, an buai hle mai a, khami lawmmante kha pek dan a awm em le? Kan hnenah mi 2/3 in an sawi tlat mai a, an khawngaihthlak hle mai a.

**PU TAWNLUIA
MINISTER**

:

Pu Speaker, ka lo chhinchhiah ang e, a theih ang rangin pek kan lo tum dawn nia. Hei, Financial Year thar ani a. A back end ah hi chuan indaih loh te pawh kha a lo awm ve thei a. Tunah chuanin engemaw bawhzui hunlai tak pawh a nih kan ring a. Department lam pawhin kan lo en turah ngai ta ila.

Kawrthah bialtuin pawisa hi kan han pass - a, engtikahnge a hman theih ang le? Kan MLA fund te pawh kha ati a. Ka chhan thiam danah chuan MLA fund kha chu budget te kan pass tawh hi chuan a hman nghal theih, a mamawh chuan keimahni bial a scheme kan siam kha chuan a hman theihah I ngai ang.

Tin, tunah hian ni 100 inhlawhna NREGP kha crores 20 kan neih hrim hrim a hi hman theih ani a. Chuvangin tuna mangang leh harsate tan kha chuani khami ni 100 inhlawhna kha, Mizoram pumah tunah hianin hman nghal theih char char ani, a mamawh apiang tan. Chu chu MLA te pawhin mahni bialah an hmang chak em? Chak lo em? tih kha I enzui ang u. Tam kum ani a, Pu Deputy Speaker chutah chuanin keimahni bial theuh pawh kha enzui ta ila.

PU H. LIANSILOVA

: Pu Deputy Speaker, khami laiah khan han tih chian ngai deuh hlek a awm a, hei thingtlang khua leh Aizawl khawpuiah pawh

NREGS a inhlawhna tur card siamna tur kha an khawn mek a. Sawlam ka bial, veng hnih atang hianin VC ten engmah tlangau pawh awm lovin an hmelhriat leh an duhsak bikte siam sak an tum ani ang e, engmah vantlangah tlangauva puan a awm kan hre silo a, hei a list te chu an lo submit tawh si a, tiin inrinhelhna a awm a, a Guide line ah khan tlangau autir tur kha a awm bawk si a, helai hi fimkhur deuh hlek a ensak theih ani ang em?

**PU TAWNLUIA
MINISTER**

: Aw kan lo en ang. Tlangau au tur, Congress, MNF tumah thliar hran loh tur, a mamawh apiangin khami a qualified I ti mai ang. Kha

kha pek vek tur ani. Hei hi Sorkarin mi zawng zawng huama a siam a nih avangin tumah inthliar hran loh tur ani. VC te pawh chuan tlangau an lo hre lo palh ve thei a, tin, Notice Board ah pawh a tul chuan DC pawhin, hei T.V kal riak riak te kan nei a, Aizawl-ah te phei chuan ti sela, hetah hi chuan tumah inthliar hrang lova kan zavaia tan a tih anih avangin hlim takin kan chang tur ani.

DEPUTY SPEAKER

: Awle, a changtu Minister a nilo na a, a chhang tha khawp a, a lawmawm e. Starred Question No. 242 na zawt turin Pu Lalrinliana Sailo ilo sawm ve leh ang.

PU LALRINLIANA SAILO

: Pu Deputy Speaker, Starred Question No. 242 na Trade & Commerce Department changtu Minister zah-awm tak chhan atan -

(a) Trade & Commerce Department in Sairang Sihhmui-ah ram an lei em ?

(b) A lei anih chuan tunah engtingge a enkawl zui zel ? tih ka zawt e.

**PU AICHHINGA
MINISTER**

: Pu Deputy Speaker, kan member zahawm tak Pu Lalrinliana zawhna chhanna chu - (a) Trade & Commerce Department in Sihhmui

Sairang ramah ram a lei lo. (b) Engtingge a enkawl zui zel tih kha chu hetiang hian sawi ta ila a awl awm e. a zawh tur tak pawh kha sawi vek mai ila a thain ka ring a, a rawn zawh tum hi a lang sa in ka hria a. Trade & Commerce hian Sihhmui lamah khuan Salid Waste Management buatsaih nan hmun a lei a, kum 2004 bawr vel khan, chumi chu an han enkawl dawn a, mahse Sihhmui V/C te leh an khawtlang ho khan kan khua a hnaih lutuk hetah bawlhhlawh pah kan phal lo tiin an object ta a, chuvang chuan tihral kha an duh ta a. Engpawh nise kan leina zat talin min leisak la, tiin min ngen a, tichuan an leina ang zat chuan kan lei kir sak ta a ni. Tichuan, tunah chuan Sairang ram ni lovin Tlawng ralah zawk khuan ram an lei leh a, chumi pawisa chuan. Chu chu tunah hian solid waste buatsaihna atan chuan an ruahman mek ani. Chuvang chuan helaiiah hian a rawn zawh tum tak kha chu hman deuh khan chanchinbu-ah Trade & Commerce ram a chhuhsak tih a chhuak a, khami kha anih ka ring a. Chuvang chuan helaiiah hian ram chhuhsak a awm lova, anmahniin an mamawhna avang zawkin an rawn sawi a, chu chu keiin ka lo lei kir sak ve a ni tih kha ka chhanna a ni e.

PU ANDREW LALHERLIANA

: Pu Deputy Speaker, ka lawm e. Supplementary question. Trade and Commerce hnuaiiah hian MAMCO khan sawhthing kan buaipui ani a. A

Gate kha huan ani ta ani. Tukin atang hian Gate khar leh a EIRI chauh lei tir tum ni khan a lang a. Tunah Bagha ah an tlan thlak pui a, Rs 10/- in an hralh char char mai si a. An khar hian Vairengte ah Rs 9/- in an laksak leh dawn ania. Khawngaih in a hralh that lai chuanin khar lose, EIRI pawn an lei duh anih chuan Rs 9/- in a chhungah lei mai se. A tlang duhte dal lo hian a Free Market type in a kal theih lawm maw ni le. Khawngaih takin khar rih lose tih min lo ngen sak the tiin Vairengte atangin phone kan dawng a, chu chu kan ngensak a ni.

PU R. LALZIRLIANA

: Pu Speaker, khalai tak kha, ka Lehkha dawn ka keng emaw ka tia, lehkha an rawn ziaak a, tunah YMA an la rawn telh a. An tel ve

ngeni, Sorkar hian an hmang ka hre lova, Gate hmun tinah an Duty leh ta mai a. An mangan thu an rawn sawi ani ber mai. Ngensak ni lovin Sorkar Minister hian Gate hi khar suh u. A duh duhin lei rawh se, a duh duhin phurthla rawh se tiin order siam mai sela, kan Minister hian tiang chuan a lo ti thei lawm ni? Khami kha I tih leh dawn chuan Sairang vela a leina man pek leh pek lohte, Minister dang nena in chuh leh chuh lohte pek kha ka zawt tel lo mai ang.

PU LALRINLIANA SAILO : Pu Deputy Speaker, zawhbelh hma in a rawn chhang daih sia. Vawiin chu blim deuh a zawh i tum teh ang u. Kuthnathawktute kan dinna thina hi kan Minister te pawhin an hrethiam fova, a lawmawm a. Tuna EIRI chungchang kha nizanahte, tukinahte phone kan dawngin intengte kan nei a. Tawite kan sawi duh chu EIRI a inthiarfihlim chhung khan Kg ah Rs 9/- atangin Rs 12/- ah a kaichho hman dawn ani. Chu chuan Gate a tibuai thin leh mipuite harsatna lo pian lai chu ati chiangin ka hria. Tunah hian kan survey danin Shillong te thlanglam Syndicate te kan han phone a. A rate hi Kg ah 15/- ani chho thuai dawnin a lang. Sawhthing chingtute leh lingtute leh a phurtute dinhmun ngaihtuah liau liauin khulai gate khu hawng mai selangin a tha lawm ni? Tih ka member pui zahawm takte rawn zawh kha ka rawn support bakah ka rawn supplement ani, a pawimawh em mai khulai khu. Ka lawm e.

DEPUTY SPEAKER : Ram lei chungchang atangin sawhthing lei te kan pakai lehta ani a, Minister in a chhan theih ang angte han chhang sela. I lo sawm ang.

PU AICHHINGA : Pu Speaker, kan member zahawm takte zawh belhna kha, sawhthing lam kha kan kai ta daih a. sawhthing chungchang thua chuan hmannia kan sawi tawh ang khan gate kan siam tawh lo hrim hrim a. Tin, EIRI nen hian inbiak zuina kan nei lova anmahni in an leive ani a, chutiang ang chuan tunah pawh a lei duh apiangin an lei thei a, harsatna engmah an siam lova, chutianga siam an awm anih chuan kan enzui zawk ang a, chuvang chuan a tlang vek tur ani. Sairang ah, Bairabi ah, Kanhmun ah, te tlang rawh se, tih kha kan thupui ani tawh a, chuvangin khawilai ah mah restriction kan siam tawh lo ani tih kha kan chhanna ani e.

DEPUTY SPEAKER : Tukin hi kan kal chak deuh turah Kan ngai a, question 2 ah kan la tang laih laih mai a. Tukin chu record han siam kan rilruk deuh ani a. Starred question 243 na zawt turin Pu Sailothanga Sailo i lo sawm ang.

PU SAILOTHANGA SAILO : Pu Deputy Speaker, ka starred question 243 na, Industry Minister zahawm tak chhan atan - Heng Corporations a) ZIDCO, ZOHANDCO, ZENICS leh MIFCO te hian 2007 - 2008 chhung hian engzat theuh nge an thawh

chhuah? Pu Deputy Speaker, hei hi a zawttu rilru ah chuan 2006 - 2007 tih ani a. Tihsual palh ani mai thei. (b) An thawhchhuah zawng zawng atanga house rent, electric, telephone, tui bill etc paih vek hunah a thawktute hlawh a intum thei em? tih a ni.

DEPUTY SPEAKER : Chhang turin Industry Minister zahawm tak Pu B. Lalthlengliana i lo sawm ang.

PU B. LALTHLENGLIANA : Pu Deputy Speaker, Kawnpui Bialtu zahawm tak zawhna kha a rilru kha chu tunah ka hre chauh si a. Ka chhang lo mai ang a. Amah ina zawhna a ziaik ang chiah hian kan chhhang ang e. a) ZIDCO, ZOHANCO, ZENICS leh MIFCO ten 2007 - 2008 chhunga vawiin thlenga an thawh chhuah zat chu hetiang hi ani.

ZIDCO	-	Rs 1,12,59,073 /-
ZENICS	-	Rs 6,08,353 /-
ZOHANCO	-	Rs 14,75,000/-
MIFCO	-	Rs 75,00,000/-

AVAIIN - Rs 2,08,42,426 /- ani .

b) na chhanna chu - In tum thei lo tih a ni.

DEPUTY SPEAKER : Starred question No.244 na zawt turin Pu Lalchhandama Ralte ilo sawm ang.

LALCHHANDAMA RALTE : Pu Deputy Speaker, ka starred question No. 244 na, Health Minister min chhan atan :-
a) Mizoram ah Sub - Centre engzat nge kan neih mek? b) Sub-Center thar hawn belh tum na a awm hnai em? c) Sub-Center turah Health worker male leh female dah vek anni em? Tih ka zawt e.

DEPUTY SPEAKER : Chhang turin Health and Family Welfare Minister zahawm tak Pu R. Tlanghmingthanga ilo sawm ve leh ang.

PU R. TLANGHMINGTHANGA MINISTER : Pu Speaker, member zahawm tak Pu Lalchhandama Ralte zawhna chhanna chu -

- a) Mizoram ah Sub - Center engzatnge kan neih mek? tih chu - 366 kan nei mek.
- b) Sub - Center thar hawn belh tumna a awm em? tih chu - Awm e, tih a ni.
- c) Sub - Center tinah Health Worker, Male and Female dah vek anni em? tih chu - Ni e, tih a ni.

DEPUTY SPEAKER : A zawhna neitu Pu Lalchhandama Ralte i sawm ve leh ang.

PU LALCHHANDAMA RALTE : Pu Deputy Speaker, zawhbelh duh pali ka nei a.

- a) Sub - Center thar hawn hi State Sorkar thuneihna nge Central Sorkar thuneihna. Tu thuneihna nge?
- b) Sub - Center nei tur hian population ngai zat awm nia sawi ani a. Hei hi engzat nge? Keini tlangmi tan hian relaxation a awm em?
- c) Sub - Center building thar hi an sa nual niin a hriat a. Engzatnge tunah sak anih tawh. Sak belh leh tumna tur Sorkar tharah hian a awm em? Chumi hnuaiah chuan a bik takin ka bial Khanpui leh Sesawng ah te kan Sub - Center hi a building leh Quarter te a tha lo em em a. Hengte hi min sak that sak ve thei ang em? tih ka zawh belh e.

PU LALDUHOMA : Pu Deputy Speaker, kar hmasa nilaithawhtan tlai dar 3:00 PM khan ka bial Mauchar khuaah cyclone a tleh vak mai a. In 47 a chhia a, luah theih loh In 15 a awm bawk a, Village Council te hnen atanga report kimchang ka dawn hnuaah tukin ah Disaster Management Minister zahawm tak hnenah ka thlen tawh a, chutah chuan kan Sub - Center Quarters pahnih niin ka hria a, ka chiang chiah ta lova, a len chhe vek mai ani, luah theih loh in. Chu chu a rang thei angina min tandin sak thei ang em? tih ka zawt a ni.

PU SAIKAPTHIANGA

: Pu Deputy Speaker, zawhbelhna -
Nikum Budget Session khan kan
Minister zahawm tak hi ka zawt
a, ka bial chhunga Sub - Center awm

lo te, kan pe ang che u a ti mai a, wawiin ni thleng hian min la pe lova, Serhmun, Mualthuam, Thaidawr, Khantlang, Andermanik, Tuipuibari - II ah te hian. Kum tharah hian khawngaih takin min pe thei tawh ang em le? tih ka zawhbelh e.

PU LALRINLIANA SAILO

: Pu Deputy Speaker, ka lawm e.
kan Minister zahawm tak chhanna
ah khan Sub - Center ah khan mipa
leh hmeichhia Health Workers

te an awm tih kha a dawn danah chuan ani mai thei a, mahse ka bialah chuan ani lo khawp mai a, kha kha khawngaihin min lo hriat sak sela. Khaw 11 ah khian mipa leh hmeichhia awmna chu 2 emaw chauh ani a, Riangtleiah Sub - Center In tha em em mai pahnih dinglai a awm a, a thar pakhat kha an rawn sa leh tawp mai a tunah hian luah loh, a thar tha em em mai Rs nuai 7 dawn man kha a awm a, kan nihlawh a, mahse hei hi a mamawh zawk Tlangpui ah te, Tlangpuite - ah te Sub - Center a awm lova. Tlangpuiah chuan Sub - Center chu a awm a, mahsela a bang a chhe vek mai a, luahtlak lohin a awm a. Chulaia sa lo chuan kan Minister zahawm tak hian a bial a mite a rawn saktir a, Riangtlei-ah ka bialah chuan Riangtlei khi Sub - Center that berna hmun a ni. In 2 khi tha vang mai a awm a, an luah seng lova pakhat pheih chu a awm mai mai a. Chumi hnu chuan pakhat kha an rawn dah leh tawp mai a. Khati lo deuh hlek khan a mamawh tak tak khaw tamtak ka sawi lo ang a, pakhat chauh min tih sak thei ang em? tih ka zawt a. Tin, ka dawn pakhat, a inpersan deuh naa, a relevant thovin ka hria a. Civil Hospital ah sawn Dialysis khawl hi a indaihlo em em a, hei kan Minister zahawm tak hi a chak a, a hrechiang zawkin ka ring a, saw mi manganna saw a lian hle ani. Damloten an indaihlo nasa em em bakah, lo chhe thut pheih sela, khatianga kal lam thalo te tan khan harsatna a thlen thei ang tih kha kan dawng nasa a. Saw saw a rang thei ang a khawl dang emaw, a thum that ang chi emaw a tih theih ang em? tin, a bo kha chu sawi lo mai ang. Kan Minister zahawm tak hi a chaka chulai chu kan zawt ani e, complain na kan dawng nasa hle mai.

chan,

PU D. THANGLIANA

: Pu Deputy Speaker, zawhbelh na,
demand kan sawilai khan ka sawi
lang tawh thova. Lungkawlh a Sub-
Center tha tak kan nei a, Staff

Pawh pahnih min pe a, mahse pakhat khian Quarter a nei lova, khi mi ah khian Quarter hi min sak sak thei ang em? tih kha zawhna pakhatna ani a. Tin, North Vanlaiphai damdawiin khi Japan lenlai pawh a ding tawh la awm reng, an rawn kah pawh a Japan silai mu tuar damdawiin kha ani a, a hlui tawh khawp a, kan sawi kan sawi ve tawh thin a, tunah hian kan damdawiin building te a tha tawh lo hle mai, sak sak min tum deuh niin kan hria a, engtikah nge min sak sak theih dawn tih kha kan

zawt a. Tin, pathum na atan, kan sorkar hian thil thar tha tak mai a tih Zemabawk Cancer enkawlina hmun a buatsaih hi a lawmawm khawp a, Zemabawk a Cancer hemna khawl saw a chhhe zeuh zeuh thin a, hei hi tih sak that theih deuh dan a awm ang em? Hemi thawktu hi pakhat chauh ni lovin training chhuak an awm a nih chuan a in daih deuh tura tih dan a awm ang ngem? tih kha kan zawt belh ani e.

DEPUTY SPEAKER

: Kan member ten thahnem ngaih thil ah leh duh thawh thil a zawh belhna te kan han nei thin a, a relevant chiah lo te pawh a awm thin a, engpawh nisela Health and Family Welfare Minister in a theih ang ang han chhang sela a tha a nge.

**PU R. TLANGHMINGTHANGA
MINISTER**

: Pu Deputy Speaker, kan member zahawm takte thahnemngaihna Information tha tak tak te a lawmawm ka ti a. A tlangpuiin India ram chhunga Sub - Center nei thei tura population a criteria an neih chu mi 5000 in Sub - Center pakhat an intawm tur ani tih ani a. Mahse kan ram tlangram North East keini te huamin hriatthiamna in mi 3000 chin tan neih theih ani e an ti a, chumi ang chuan kan ram ah hian Sub - Center nei dawn ta ila chuan Sub - Center 300 nei thei kan ni, mahse 366 kan nei tawh a. Tin, vanneihthlak takin Rural Health Mission lo pian tantirh lai 2004 November thla a, Consultation State Health Minister tih tum a ka kal in kan ram harsatna te theih tawpin kan sawi ve a, chulai ah chuan Minister concern Dr. Ramadas pawhin a hrethiam em em a, a criteria a kha tlangramah chuan, mi 5000 an tih pawh chu min hrethiamin mi 3000 in pakhat intawm tur chuan, mel tamtak mel 10, 20 chhim leh hmar, chhak leh thlang te han kaihkawp khan, mi 3000 te thingtlangah an awm thei chauh a. Chuvangin an criteria hman hi a thalo ani. Tichuan, criteria hi a hran min siamsak la, tiin ka ngen vak a. Chutah chuan a ni pawhin, criteria kan hman dan tur a chu need base in kan kal tawh dawn ani, ati tak nain, min la tihpun sak thei chuang lova, waviin ni thleng hian, harsatna awm ni a ka hriat a chu Cabinet te, India ram pumpui ngaihtuah a khatiang ang a han tih bik laiah khan harsa an ti ve niin ka hria a. Engnge chumi han thlaknan leh remchang atan anti nge? Additional ANM pakhat zel min phalsak a. Chumiah chuan kan ramah chuan an hisap dan anga ANM pathum Health Worker pathum awm pakhat dangin han belh ai khan, khami awmsa rin a, pathum dah ai khan, kan member ten an hrethiam vek a. Khaw kilkhawr deuh ah, khawkhat a pahnih awm baka pathum dah ai chuan, kan dah ngailoh leh Health Worker, Health Sub - Center han tih pui pui a, Sorkar Central nei awm khap lai a, engtin nge extension ang deuh, hemi Health Clinic tih ang deuh hian kan han hawng ve chawt zel a. Mihring minrawn pek belh azarah khan, Health Clinic 45 kan han siam belh a, a hmaa lo siam belh tawh te nen mi 300 chuang zet, mi 366 tih bakah khan Sub - Center 45 ang anih chu, khangah khan thawktu pahnih zel kan dah thei dawn lo tih kan hria a. Tunah hian Health Worker dah belh theihna hi kan nei nual a, amah erawh chu Health Worker Training zote kan indaihloh avangin, a lo naw naw atan nurse te kan han luahtir a, chungte chu kan hmang tangkai viau a, tunah hian Health Worker awm zawng zawng chu Mizoram chhung a mi kan la fai vek ani. Pu Deputy Speaker, chu chu lawmawm kan ti a.

Tin, tunah hian, hmanni deuh lawk a Health Worker pass thar 24 kan nei a. Chumi pawh chu kan la leh thei vek dawn niin kan hria a, lawmawm kan ti hle ani. Chutihlai chuan Central Sorkar in an rawn khap sak a, mipa an phal tlat lo mai a, tin training na turah pawh mipa train tir an phal ta lova, a chhan chu khunglai ah chuan Health Worker in a an thawh ber chu nau nei enkawl leh hmeichhia naupai enkawl leh tanpui anni a. Chuvang chuan Health Worker tur chuan mipa an remti ta lova. Tun kum atang phei chuan Health Worker training turin mipa la tawh lo turin min ti a, hmeichhia chauh la turin min ti ani. Chu chu kan la dil zel ani. Kan ram ah chuan mipa leh hmeichhia harsatna kan nei ve lova. Hemi sex lampang a harsatna hi kan nei ve lova. Mipa hlei hlei hi a tangkai leh hmun kil khawr leh khaw chhungah tangkai anni a, chuvang chuan min chhun zawm tir zel rawh u, tih hi kan zuk dil mek a. Min rawn phalsak ang em tih chu kan hrethei lo.

Tin, chutih lai chuan, hei tunah kan member zahawm tak tak ten hei kan vengah Health Sub - Center rawn tiru tih lai kha a tam viau mai a. Tin, dan ang thlap ni lem lova kan han tih te pawh 45 chu kan han ti thei hram a. Eng chen nge kan tih leh theih ang tih chu sawi a harsa a ni.

Tin, tunah hian Pu Saikapthianga, kan member zahawm takin a rawn sawilai a kha, Sub - Center a hi a nihna takah chuan kan tih belh thei lo reng reng a. Tunhma kan sorkar hma atang tawh khan Sub - Center siam belh a hi a theih loh laia kha chu kan experience tawh a. Mahse, vanneih thlak takin tun tumah Additional ANM min pek a zarah khan khaw thenkhatah chuan 3 te chu kan han dah a. Tin, khaw lian takah, khawkhat ah hian sang tel fe singkhat te pawh awmna a awm a. Chungah chuan in 4 te kan han dah ve bawk a. Chuvang chuan khami Additional ANM dah mei tur kan nih a kha. Tin, khaw chhung a khawtlang mipui in a an thahnem ngaihna avangin Sub Center tur te kha an han sa a. Chungah te chuan kan han dah naw naw ani a. Chuvang chuan Driedful Claim ang deuh a ti lo turin kan han in ti a. Harsatna avanga kan kan han tih mual, luikawr leh harsa kal pelh ngei avangin chung chu kan han ti hram hram a ni.

Indian Nursing Council in lo training tir mah ila Health Worker ah khan an pawm dawn tlat lova. Chuvang chuan Health Worker angin train tir pawh kha han ti dawn mah ila a remchang dawn lo niin kan hria a. Amaherawhchu theih tawp chhuahin... (Pu Saikapthianga : Pu Deputy Speaker, khawngaih tak a min chhan nghal turin, a insak lam kha Department in harsatna an nei anih chuan ka bial khaw 6 ah hian MLA local area development fund khan an chenna tur leh an office tur kha lo sa vek ila, luah tu tur kha min pe thei a ngem ? Pu Deputy Speaker, a bik in khulai khu kan ngai pawimawh a. Tin, khulam Central lam pawhin tuna kan project thar ah hian han sawi ta mai ila, an lo prove ani lova. Han sawi hianin House a han sawi a kha Commitment angin a kal thei a. Amaherawh chu a thahnem ngaihna a kha kan hriatpui a. Hetah Bru area deuh bikah chumi atan chuan Sub - Center hawnbelh phalna kan dil a. Chutah chuan panga vel hawnbelh theihna kan dil mek hi min rawn pek pawh kan beisei a. Chu chu vawiinahan hian final nilo mahse a thahnem ngaihna leh a bikin kan hriatpui a. Khalai atan khan rilru kan lo nei chho dawn nia tih ka sawi duh a.

Tin, member zahawm tak tak ten hei khalai a Civil Hospital a Dylaisis khawl tih te mamawh tih te kha kan hria a, theih ang tawkin tih kan tum a, Pu Rina thahnem ngaihna kha kan lo enchiang ang a. Tin, Pu Duha'n Mauchar a thli tihchhiat a tih kha dik tak chuan keini pawh hian kan paisa a kan lo sak tawh han sak nawn kha a harsat em avangin tah chuan keini pawhin a bialtuin a thahnem ngaihna ang khan Rehabilitation lampang atang khan kan nawr tho anga. Engpawh nise khalaiah chuan engnge kan tih theih dan tur te thlipui leh ruahin a tihchhiat a nih avang khan an pawimawh si a, khalai kha kan lo enzui ang a, kan tih theih dan tur chu sawi thei chiah lo mah ila kan lo hria ang tih ka sawi duh a ni.

Tin, Rianglei a luahtu tur awm manglo mahse Rianglei ah tha deuh mai kan nei tih kha sawn theih nise chuan Tlangpui ah chuan han sawn chu a chakawm viau. Mahse sawn a harsa awm sia a tih dan tur tak pawh sawithiam harsa ka ti a. Engpawh nise bialtu khan a round off information kha a tha ka ti a... (Pu Lalrinliana Sailo : Pu Deputy Speaker, Rianglei ami kha chu Tlangpui a sawn dan kha a thar sak kha a ni mai a. A theih mai lawm ni khawngaih takin). Nia, kan lo en dawn nia, khalai Tlangpui kha keipawhin ka hria a. Tlangpui ah an awm tha duh lova, hetah Biate atang te leh Khawhai atang hian an awm thin a. Chuvang chuan awmhlen tur hmun hla deuh a mi, a pem a pem ngai dah a tha ani kan ti a kan ngaihtuah mek a. Tin, an awmna tur kha hmun chakawm vak lo mite pawh kan dah thei a, an lehleng leh zel thin tih kan hria a. Chuvang chuan Pu Deputy Speaker bialtu in a vei lai kha kan hriatpui e. Tin, Lungkawlh khua Sub - Center pakhat a quarter neilo tih hi kumin kum tharah hian chuti tehchiamin quarter sak belhna tur hi kan sawi maithei lova. Tunah hian, tun kum kalta chung khan, he Rural Health Mission kan tih chhoh tanah khan Quarter leh Sub - Center hi 145 sa tawh a. Kumin ah chuan khami tur lai ai khan PHC leh CHC lamah hian kan mamawh em em a. A Sub - Center chu engpawh nise ala tih theih tawng tawng anih pawhin Hospital tih len kan duh a, Doctor te awmna nei lova mi in a mi va hrawn tura dah a ngai si a. Chuvangin Sub - Center hi a pawimawh rual rualin kan duh dan chuan Hospital tuh changtlun nan a Quarter lampang Doctor leh Nurse te tih nan kan prioritise deuh a, khalai kha min hriatpui kan duh a ni.

Tin, Zemabawk Cancer Hospital chungchang kha a thawktu pawh pakhat nei thin kha Specialist dang pakhat Mizo tlangval a lo pass chhuak thar a, kan la thar leh tawh a. Hetih lai hian tun November thla a Delhi ka zin khan Cancer Hospital chungchangah hian tuh phuisuina turin DPR rawn thelut rawh min ti a. November thlaa ka zuk kal khan Mizoram hi India ramah a sang ber in ni a Cancer avang a harsatna tawh hi, a percentage ah kan tam ber a ni. Chuvang chuan hemi atan hian Central Sorkar pawhin kan vei a, chuvang chuan a enkawlina tur atan pawisa a tam lua pawh nei lovin, a mamawh tawh ang rawn ti la, a hranpa in DPR rawn siam la kan lo tihsak ang che tiin Secretary khan min rawn a. Chutah chuan, chumi a ati thiam mi kan zuk sawm a. AIIMS a Cancer Department a an Head of Department te kan sawm a. AMRI atangin a thiam mi kan ko chho bawh a. Khawl chi hrang hrang a awm a, eng ber nge tha ti a an advised te kan la duh a. Theih tawpin kan ngaihtuah a, helaia kan mithiam te nen. Chumi atan chuan DPR kan siam zo tawh a. DPR kan siam ah chuan khawvelah iti mai ang, a changkang ber an ti a, inhemna chi ah pawh a na lai ber kawchhungah ani emaw, a vaia effect awm thei lo tur ang chi a, invenna awm ti mai ila, ka sawifiah thiam lova,

chang kang tak tak hi a lo awm tawh a. Kawchhung lam atanga hemna ang chi te, a chang kang ber chi kha an han sawi tel a, chungte nen chuan a building leh equipment chi hrang hrangte tih nan 51 crore leh tlem, chumi tur chu DPR kan theh lut tawh a, chu chu awlsam tak a anni pawhin a hmunte kan nei tha bawk a, saw mi TB Hospital tlangah sawn tih kan tum a, chumi atan chuan cancer veite tan a hetah Delhi ani emaw Bombay ani emaw an khawl hi kan pan chhan ber ani.

Hetah hian kan Doctor te hian an operate thiam ang em, chu khawl chang kang chu? Tih pawhin ka zawt a, an thiam vek ang an ti a. Chutiang chuan kan Doctor te thiamna te hi kan Utilise phalo viau ani tih, kum kal tawh leh tunthleng hian hmuchhuakin kan in hria a. Chuvang chuan khawl lam hmanrua kan neih that phawt chuan a hman danah an lo ze i viau ani tih te kan hmu a, chuvang chuan hemi Cancer Hospital a sawi takah chuan a hemna tur leh thil dang pawimawh tur a kha DPR beisei awm tak a inchiah mek a, tuna kan CM kal pawh hian chu chu a rawn mention in a rawn enzui dawn ani tih te kan hria a. Chuvang chuan chulai chu ka sawi theih nise.

North Vanlaiphai damdawi in chung chang kha, vawi hnih ka en tawh a, a bial tupa sawi kha, khi khi British ho kutchhuak ani a, chuvang chuan a tha em em mai a, a hmanrua leh a structure a khi, amaherawh chu a chungte, a bang te tih a ngai a, a chhuat te sak that kan han tum a, a uihawm ka ti a. Khi mi khi chu tichhe lova a bulah khian hmun remchang a awm tho a, chumi ah chuan a hranpa a sak kan tum a, hemi Vanlaiphai hi chu priority ah kan dah e.

DEPUTY SPEAKER

: Zawhna bak bak pawh kha kan ngaithla a, a ngaihnaawm hle mai. Awle, kan question hour a zova. Hei, tukin zingah hian kan member te

pahnih in special mention neih an dil a. Pu H. Rohluna leh Pu Andrew Lalherliana ten Public Interest tak tak thil ni a ka hriat avangin hei tukin zingah special mention hi hmang se ka ti a. A hmasa zawkah chuan Pu Rohluna kan sawm hmasa ang a, ani hi "Mizoram chhung a sangha tharchhuah zuartu te harsatna tih chung chang special mention nei turin ilo sawm ang.

PU H. ROHLUNA

: Pu Deputy Speaker, ka lawm e. Mizoram chhunga sangha thar chhuah zuartute harsatna tawh hi Public Interest ni a ka hriat avangin,

he House zahawm takah sawi chhuah ka duh a, ka dilna min phalsak avangin ka lawm hle a ni. Mizoram Sorkarin, Mizoram chhunga sangha a kan intodelh theih nan leh kan thar tam theih nan, hma laa, sum leh pai a tanpuina sangha dil neitute a pek bakah sangha note thlengin nuai tam tak a sem chhuak tawh a.

Kum reilote kalta atang khan zawrh chhuah tham sangha kan lo thar ve ta. Mahse Mizoram chhunga sangha thar chhuah zuartu te hian zawrhna tur hmun pawh nei mumal lovin Aizawl khawpui chhungah an buai ta mai a. Tukin thleng hian harsatna an tawh thu mi tam takin ka hnenah an rawn thlen a ni.

State dang atanga lakluh sangha ten zawrhna hmun tha tak an neih lai a, Mizoram chhung a thar chhuah zawk zuartu te'n zawrhna hmun tha an nei thei lo hi pawl ka ti a. Tun hmam Power House chhakah an zuar a, um chhuah an ni a. Power House chhak atangin tuna Millenium Center hmunah an zuar leh a. Hemi hmun ah pawh zuar thei lovin Vanapa Hall bulah insawh phei leh a, tunah hian Vanapa Hall bul atangin Mahatma Gandhi lim awmna kawt kawng kual laiah hnawh phei leh an ni.

Hetiang reng reng a kan ram chhung ngei a sangha thar chhuah zawrhna tur hmun nei lova, sangha zuartute an awm hi, thil dik ni theiin ka hre lova. An harsatna hriatpuiin kan Sorkarin a tul anga hma la vat turin ka phut a ni. Pu Deputy Speaker, ka lawm e.

DEPUTY SPEAKER

: Awle, Pu Andrew Lalherliana sawm veleh ila. Ani hi Mizo damlo refer case te harsatna tih chungchang, special mention a rawn nei ve thung dawn a ni. I lo sawm ang.

PU ANDREW LALHERLIANA

: Pu Speaker, ka lawm e. Mizo damlo refer case te, a bik takin Vellore Hospital a harsatna neite chung-chang thu, helai Special Mention nei tura min phalsak avangin lawmthu kan sawi duh a. Hetiang hian Pu Deputy Speaker, Special Mention ka han nei e.

Tunah hian Vellore Mizoram House ah Lalramdina Kidney transplant sak, khawih nawn (Second Transplant) leh ngai bill pek theih loh avanga Vellore Hospital atanga chhuahtir, mangan vang a luh leh tum pawh a advent theih loh va hnar let leh a awm a. Khu damlo leh Mizo damlo engemaw zatten harsatna an tawh nachhan chu ICICI Lombard in MR Bill Vellore Hospital a bat ala tlak zawh loh cheng nuai I leh singthum sangruk leh zahnih leh sawmkua la pek tlak zawh loh la awm vang ani a. Ba la pek tlak loh vanga chutiang harsatna awm chu a ni. ICICI leiba tlingkhawm tam avanga Vellore Hospital in Mizoram medical refer te credit facilities 20th September 2007 atanga a tih tawp sak tawh chhonzawm leh tur chuan he leiba rulh bang la awm hi tlak phawt angai a ni. Chutianga rulh a neih oh chuan he harsatna hi a zualzel dawn a ni. Tunah hian damlo serious tak tak 1) Lalrokhuma, Zemabawk ICICI medical (MR) bill Rs 30000 /- a bat sak, 2) Rotluanga, Kidney transplant Rs 15000 /- ICICI in a bat sak te, 3) Krospari, SLE hei hi (thisen var cancer ani awm a) ICICI in Rs 1,00,000 /- a bat sak

te, 5) Pi Vanlalsawmi, chhul cancer ICICI in Rs 1,30,000/- chuang a bat sak te 6) Vanlalrengpuii (naupang) leukemia ICICI in Rs 20,050/- a bat sak te. Heng mite bakah hian hming chhiar loh tam tak 100 chuang dawn an awm a ni. Heng damlote hi tunah Vellore Hospital ah treatment pek leh ngai vek anni a, anmahni pawisa nuai tam tak seng vek tawh anni bawk a. Mahse Vellore Hospital in Mizoram refer case te credit facility a tih tawp rih avangin mangang takin an awm mek a ni. Heng damlo tarlan leh tarlan loh tam takte hi enkawl chhonzawm vat an nih loh chuan an nunna chan maithei vek anni. He problem mi mangang ten an tawh mek hi sutkian sak turin Mizoram Sorkar hian tih tur a neihte chu - 1) Vellore Hospital ICICI leiba Rs 1,36,290/- hi rulhsak vatin ICICI hnen atang hian thing leh maise. 2) He leiba hi tlak anih veleh Vellore Hospital in Mizoram medical refer case te hi credit facility pe leh tura remsiampui vat an ngai ani. 3) ICICI in Mizoram damlo medical refer te paisa a bat sak tam tak hi rul tura theitawp a nawr ani. Mizoram Sorkar hian MR Bill ba aneih te hi leiba dang ang a ngai mai lova thih leh damna chungchang a nih avangin thil dang zawng zawng aia ngaih pawimawh turin he House atang hian Pu Deputy Speaker ka ngen ani tih kan Minister zahawm takte kan hriattir ani bawk e. Ka lawm e.

DEPUTY SPEAKER

: Awle, ti khan kan member zahawm tak takte pahnih Special Mention an rawn nei zo ta a.

Khang kan ngaihthlak takah khan a concerned Department lam atangin a Minister changtuten engemaw han hrilhfiyah ngaite a awm anih chuan hrilhfiyahna hun kha kan han hawng leh zawk a nga.

A hmasain Mizoram chhunga sangha zuartute tih chungchang kha a Department concerned anga lang Trade and Commerce emaw Fisheries Department, nge ni, khawi zawk nge ni anga chhanfiah dan kha rawn nei thiarn thei ta ula. Pu Aichhinga ilo sawm ang.

**PU AICHHINGA
MINISTER**

: Pu Deputy Speaker, hemi Sangha zuar chung chang thu hi kan buaipui rei tawh khawp a. Hemi kan bazarah hian an zawrhna tur

hmun kan han ruahman chhin a. A hma deuh khanin phailam atanga laho hi an awm a, phailam atanga laho hianin hlawm khatin an kal a. Tin, keimahni rama thartute hi hlawm thum velin an awm thung a. Chungcho chu bazarah seat, engpawh nise a inzatin awm mai se phailama la leh kan rama la ten kan ti a, bazarah seat tur kha an insem hlei thei tlat lo mai a. Chulai chu group thum a awmhoa kha intifel rang rawh u kan ti a, anmahni pawh hi kan nawr a.

Tin, an mamawh tak zawka hi chu bazara hetia tlem te te a dah ai hianin a lo thleng dahkhawm phawtna hi a

pawimawh ber zawk a. Chulai chu engtinng e kan ngaihtuah ang tiin Trade and Commerce atang pawhin a hmun turte kan dap kan dap a, hmun hi a vang ang reng khawp a, bazarah lah hian a chep em em mai a. Engpawh nisela tunah hi chuanin kan insingsa mek ve zel a, kan rama thar ngei sanghate tianga zawrhna tur awm lo a awm hi pawhi kan ti a, kan theih ang tawh chuan kan buaipui mek zel ani tih kha House ah ka sawi theih chin ni phawt teh se.

DEPUTY SPEAKER

: Awle, a lawmawm e. Ti khan Health Minister Pu R. Tlanghmingthanga sawm ve leh ila. Anin tul a tih ang apiangte han sawifiah ve leh sela.

**PU R. TLANGHMINGTHANGA
MINISTER**

: Pu Deputy Speaker, kan member zahawm taktena an damlote, phai a damlote harsatna chungchang An lo share pui kha tha ka ti a. Hei

tuna an rawn mention zingah pawh khan keimahnin chhungkua a mi an tel nghe nghe a. September thla tawp atang khan chhungkuain kan buai laih laih reng ani. Pawisa awm awm te kan han fawmkhawm a. Cash down a ngai tawh si a. ICICI Lombard ten kha an ba a kha a intransition ti mai ila, an hun tawp hma a lo awm taawh awm zui si te kha mite ba a kha a pek clear loh avangin Vellore chuan pakhat mah kha an entertain zui lova. Sorkar pawhin Department hian an zuk ziak tawh finance lampang chanvo a nih avangin hemi medical reimbursement pangngai nei a hi chu keimahnin tunah hian hei kan han back-up chho a. Mahse khami ICICI Lombard te nen a khatia han tih tlanlaih kha chuan Health Department kha kan finance lampang khan min awl viau a. Kan khawih pui vak lova, amaherawh chu tunah regular pangngai a tih dan phung pangngai alo awm takah hian kan han mawh chho veleh a.

Tin, hemi ba ICICI hovin a an pek loh avanga be clear hma chuan engmah credit kan pe dawn lo tiin Vellore ho ten anti a. Chutih lai chuan Finance Department lam pawhin ICICI hotute hnen ah theihtawpin an nawr niin ka hria a. Pe turin chu chu harsatna awm chu niin ka hria a. Tin, a hrim hrim ah Credit Facility tih chungchang ah hian medical attendance rule ah credit system hi a awm lova, khawi State ah mah he credit facility hi an pek hriatna kan nei lova. Amaherawh chu kan State chhungah hian kan Sorkar te remhriatna leh Department te remhriatna in Department thenkhat in an Staff te pawisa kentir mai leh pek mai harsate tan chuan lehkha ah guarantee ang deuh a lo bat tir mai rawh u tun a damdawiin te an zuk ngen a, chumi ang chuan an lo bat tir a. Tin, a hnuah an pe ve leh mai zel bawh a. Tichuan kha credit facility kha dan ang zelin tunah hian kalpui tek tek a lo ni a. Chutiang anga credit a lo pe ru kan tih a te Hospital ina an lo owner a khan, kha kan request a kha a kal dik chu ani mai a. Amaherawh chu hun kal tawh ah leiba rulhlai a kha Department ten an ngaihsak that

tawh loh avangin hospital neitu te an buai lohna torah an buai a. Chumi chu an hriat chhuah hian cash down lova bill te Department hrang hrang a individual member patient te bill min pe thei tawh em tia buaipui in correspondence nen, helaia lo kal

chho a kha nill bawhzui ngai khawp te nen a kum a kum te pawh ani ang. Chutianga a nuai tel bill lo awm ta kha hospital in an han hriat khan khami kara khan ICICI te kaltlang a credit mai pawh ni lo, cashless facility han pek te alo nih khan ICICI Lombard ten an kenkawh lai ngei ni a kan hriat, Mizoram Sorkar pawhin pe tura kan tih te an pek tak si loh pending awm nen, khatih karah bat belh kha helai atangin Department ten credit in lo kaltir rawh u kan guarantee pawhin ti pawh nise an lo honour tlat lova. Chu chu kan harsatna tawh chu ani ta ani.

Kha credit facility min pe rawh kan han tih laia kha Board te pawhin Department ten Cancer leh Kidney Transplant te, Open Heart Surgery te, Serious Head Injury requiring treatment outside Mizoram tih te, Hepatitis B leh C te, SLE te kha credit ah chuan Department ang pawhin tihsak nisela tih kha Board pawhin an recommend list ani a. Mahse, keini hian ba in inlo awmtir tur ani tiin thuneihna kan nei miah lova, Hospital te nena insiamrem a inhriatthiam rawh chuan min ringtawh a, bill buaipui tur, harsatna siam lo tur kan ni tih an experience chuan a kal leh mai theih kan beisei a. Chutiang tur chuan kan CM zahawm tak hian Finance changtu a nihna angin Single Window Clearance Vellore ah emaw Kolkata, Mumbai a ni emaw ten bill lokal lo dawngawng a Department tina an mahni lokal a buaipui ngai lo khan a body siam a lo monitor tur siam an tum mek a, ruahmanna pawh siam ani tawh a. Chu chu tuna kan dinhmun kan sawi theih chu ani.

Tunah hian kan member zahawm tak ten an han sawi leh nimirah pawh an mention tawh ang khan hemi hi Sorkar hian pe mai se tih member zahawm tak Pu Andrew ten an rawt ang khan, ICICI Lombard te hnenah hian dil mai se. Khulaia pek tur ang nilo in keimahni Sorkar hian pek sak phawt mai ila, ICICI Lombard ah chuan Sorkar hian thing leh ta zawk ila tih laia kha, rawtna awmze nei tak niin ka hria a, kha kha kan kalpuina turah pawh a finthlak viau chuan ka ringa, engpawh nise kha kha chu kan CM pawhin a a lu tihai leh vawiinah hian tih dan tur a ngihtuah mek ani tih kha kan sawi nise.

DEPUTY SPEAKER

: A lawmawm e. Awle hei vanduai-thlak takin kan Speaker zahawm tak Pu Lalchamlia ten chhiat tawkin, a pa u fanu a borala nimirah

lam khan. A vuina a tel ve a duh avangin vawiin chawhma hun sitting a tel theih loh tur thu ziakin ka hnenah a rawn thlen a, House member te hriatthiam na, ngaihna thiamna a rawn ngenna hi member ten kan ngaihnhathiam thei mai lawm ni? A lawmawm e, tichuan hei vawiinah kan House Leader pawh tul thil avangin Sorkar thil ah Delhi lam a kal bawh ani. Awle kan List of Business angin kan zel anga, tunah chuan Laying of Papers ah kan kal anga, Pu Tawnluia Minister zahawm takin 'A Copy of the Statement on 6th monthly review of the Finance Minister on the fiscal position of the Government of Mizoram for the first half of 2007 - 2008. April - September 2007' hi House dawhkan ah rawn lay sela atha ang e, ilo sawm ang.

**PU TAWNLUIA
MINISTER**

: Pu Deputy Speaker, with your kind permission I lay on the table of the House "A copy of statement on 6th monthly review of the

Finance Minister on the fiscal position of the Government of Mizoram for the first half of 2007 - 2008 April - September 2007". Thank you.

DEPUTY SPEAKER

: Awle, a copy kha han sem ni sela. kan Minister zahawm tak Dr. R.-Lalthangliana, "A copy of the Mizoram Education inspection of the

recognize schools rules 2008" hi House dawhkan ah rawn lay ve leh sela atha ang e. I lo sawm ang.

**Dr. R. LALTHANGLIANA
MINISTER**

: Pu Deputy Speaker, I remtihna leh he House remtihna in "A copy of the Mizoram Education inspection of recognize school rules 2008" hi he House ah hian ka rawn lay e.

DEPUTY SPEAKER

: Awle, a copy kha han sem leh nise a tha ang e. Speaker lam atangin tih ve tur kan nei a. "Report of the Assembly Committee

to enquire into alleged involvement of the Government of Mizoram in illegal transportation and supply of arms" hi Speaker hnenah tahrak ni 28. 3. 2008 khan present ani tawh a. Tunah member te hriat atan House ah ka rawn lay ve thung ani. Le, a copy te kha sem leh ni sela.

A tawp ber na atan kan member zahawm tak Pu Lalduhoma kan sawm ve leh ang a. Statement of Action taken on Action taken Report of Public Account Committee Relating to Public Works Department leh State of Action taken on Action taken Report of Public Account Committee Relating to Public Health Engineering Department te hi House dawhkanah rawn lay sela a tha ang e. A pahnih hian rawn ti kawp mai la a tha in ka ring a. Awle, I lo sawm ang Pu Duhoma.

PU LALDUHOMA

: Mr. Deputy Speaker Sir, with your permission I lay on the table of the House copies of Statement of Action taken by the Government

against Public Accounts Committee's further recommendation contained in its 37th Report relating to Public Health Engineering Department and 38th Report relating to Public Works Department. Thank you.

DEPUTY SPEAKER : Awle, a copy kha sem leh ni sela. Tunah chuan Legislative Business ah kan kal ve leh tawh ang a. Hei vawiin ah hian Legislation Bill pahnih kan ngaihtuah ho leh dawn ani a. A hmasa zawk atan kan Minister zahawm tak Dr. R. Lalthangliana'n 'The Mizoram Land Survey and Settlement Operation Amendment Bill, 2008' House ah introduced tawhin ngaihtuah rawn dil sela a tha ang e. Dr. R. Lalthangliana kan Minister zahawm tak ilo sawm ang.

**Dr. R. LALTHANGLIANA
MINISTER** : Pu Deputy Speaker, I remtihna leh he House remtihna in 'The Mizoram Land Survey and Settlement Operation Amendment Bill, 2008' introduced ngaihtuah ka rawn dil e.

DEPUTY SPEAKER : Le, ngaihtuah a rawn dil a. Kan remti tlang em? Awle, kan remti tlang anih chuan rawn move nghal mai sela a tha ang e. Move turin ilo sawm leh ang.

**Dr. R. LALTHANGLIANA
MINISTER** : Pu Deputy Speaker, ka lawm e. Hei vawiin ni a kan Amendment Bill, 'The Mizoram Land Survey and Settlement Operation Amendment Bill, 2008' kan ngaihtuah thei tur hi lawmawm ka tu khawp mai a. I chungah leh member te chungah lawmthu ka'n sawi hmasa a. Amendment Bill lo chhuahna hi tunlai khawvelah ram a lo changkang zel a, thil tuh dan chi dang dang, thil tharlam 'innovation' te a lo chhuak zel a, chumi ina loh theih loh va Mizoram ah pawh leilung, kan ram kan enkawl leh kan sawisak chhoh zelna tur atana thil tangkai ani tih kha vawiin ah chiang taka kan hriat hmasak ka duh a. Mizoram hi sq. km singhnih leh sangkhat leh sawmriat leh pasarih a zau ani a. Kan hriat angin tlangram anih avang hianin ram hmantlak tak phei chu kan ngah lo viau mai a.

Ram hmasawna zawng zawng hi leilungah a inngah vek avang hian, vawin ni a kan ram neih chhun hi a daihzai thei leh a tangkai thei ang bera kan hman a pawimawh a. Chumi avang chuan scientific ti mai ang 'means' leh 'scientific system' a thil kan kalpui a tulna laiah vawinni hian loh theih lovin he Amendment a pawh hi State Sorkar a thuneihna pek tih a ngaihna zawnah kan rawn pulut ani tih kan sawi duh a ni.

Tichuan, heta tana thil pawimawh tak mai chu kan 'Land Reforms' kan tih hi ani a. Land Reforms ti hlawhtling tur chuanin survey te, settlement te, preparation of land records operation kan neih hmasak a ngai a. Tichuan, kan ram mamawh tak mai puhrukna atan he Amendment 'The Mizoram Land Survey and Settlement Operation Act 2003' hi kum 2003 khan Pu Deputy Speaker hi House ah ngei pass ani ta a.

Tichuan, he dan hmanng thei tur chuan Rules siam a ngai a. Chu Survey rules chu kan duang chin a, draft rules phei chu peih tawh ani nghe nghe tih kan sawi duh a. Tah chuanin Principal Act Amendment a lo ngaih tak avangin vawinni ah hianin Amendment Bill hi kan rawn pulut hmasa ta ani.

Pu Deputy Speaker, he Amendment chung changah hian kan member zahawm tak tak ten he Act hi 2003 daih tawh a pass ni si, engvangin nge Rules siam khawtlai a nih? tih te pawh hi zawhna a awm maithei a. A awm anih pawhin nakinah kan la chhang mai torah kan ngai a. Helai kan han sawi tan tirh ah hi chuan kan sawi lo mai ang a. Engpawh nisela, kan sorkar hianin vawin ni ah hian dik takin kan Land Revenue Department in a kan hmalakna, kan harsatna awm ang angte pawh hi min hriatthiampui a ngai in ka hria a, chungte pawh chu nakinah a tul dan a zirin kan la sawi torah kan ngai a, kan 'skip' mai ang a. Tichuan, Amendment a tulna chhan bika hi vawinni hian tawite in kan tarlang duh a.

Pakhatna ah chuan, Central Sorkar hianin Permanent Land Records siam tur chuanin Revenue Village te, geographical location nghet tak siam tul an rawn ti a. Hei kan hriatthiam zawngin Post and Telegraph Department in Village Pin Code an siam ang deuh hianin keini pawh hianin Revenue Village Code te, Geo Reference Code te, kan siam dawn tihna a ni. Tuna hei LAD in a Village a tih a te hi tih danglam deuh reng hi a ngai a. Chuvang chuan Revenue Village atan han pawm ve theih hi, tuna khaw neih ho hi a remchang vak lo a. Tichuanin Revenue Village pakhatna entirman LAD Village te chu engemaw zat tura kan ruahmanna Amendment ah hianin a awm dawn a. Tin, Revenue Village hi survey unit te ber atana kan neih a ni dawn bawh ani. Tin, chubakah chuan Mizoram pum atana Revenue Village kan neih tura hi 128 ah kan neih a ngai dawn a, tin, hei bakah hian Revenue Circle hi Rural Development dung zui deuh a siam belh a ngai bawh dawn ani. Tuna kan ruahman dan chuan Revenue Circle hi Mizoram pumpui, District Council Arcate pawh huap hian 46 kan neih a ngai dawn a ni.

Tichuan, Pu Deputy Speaker, Land Record tha ah hi chuan thil tih tur tam tak vawiin hian Sorkar ang pawh hian kan nei dawn a ni tih kan hriat a tulna ka hria a, chumi avang chuanin vawiin hian thil tam tak sawi tur a awm lain he kan amendment hi sawi a tulna chu Mizoram Land Settlement Act 2000 hi a section no. 36 na ah leh 36 (a) section Amendment Bill ah section 38 dah belh ani ber mai a. Tichuan tuna kan Mizoram Land Survey leh Settlement Operation Amendment Bill 2008, duh ang hianin he kan Amendment hi min pass sak theih chuan awmze nei takin hemi Land Survey leh kan Operation kan tihna tak tak tura hi mumal takin kan kal pui thei tawh dawn a. Hei Government of

India hian pawisa pawh heng kan ruahmanna atan hian State Sorkar in kan nei thin lova, kan dil a, anni pawh an inhawng viau niin kan hria a. 2008 - 2009 chhung phei chuan District pakhat te pawh Pilot District ang deuh te pawhin tan thei tur ang deuhin min sawi hmuh niin ka hria a. Chuvang chuan he keimahni State chhung a thil kan tihna tur atana thil tul tih makmawh Amendment hi a ni tih hi House ah kan member zahawm tak tak te'n kan hriat ka duh a.

Tin, Mizoram hi kum 10 chhung Survey zo turin hmanni a House a ka sawi zawk ang khanin mithiam bik kum 10 chhunga Survey zo turin Directorate of Survey and Land Record, Kerala a mi Pu P. Krishna Kutty, ani hi a pension tawh a, kan ruai nghe nghe a, tiang chuan Master Plan kan siam a. Kan han chhut dan chuan Rs Vaibelchhe 30.99 sen ngai tur anga ngaih ani nghe nghe a. Engpawh nisela, heng thil kan tih dawn hian Central Sorkar pawhin nangmahni Revenue Administration, thil in tih ve na tur atana ti ve tura min phutna ang chi waviin ah hian thil tul helaiah Amendment hi kan rawn put luhna chhan ber ani tuh kha min lo hriatsak ka duh a ni. He House a kan member zahawm tak tak te'n ngaihtuahna hmanga he thil hi min sawi puia min pass pui pawh ka duh hle ani tuh kan tarlang nghal a ni. Ka lawm e.

DEPUTY SPEAKER

: Awle, dan tlangpuiin a Bill hi clause - by - clause a sawi ho a pass chawp zel tura tih ani thin a. Amaherawhchu kalphung kan neih ah

dan kalh chuang lovin ti hian Minister in a rawn move a, keini member te'n a pangngai ang bawkin kan han sawi ho veleh a, a tawpah clause - by - clause in kan pass ve leh thin kha ani a. Chutiang deuh tho chuan tun tumah pawh hian kan kal dan pangngaiin, hei member te pawhin tuna kan Minister tih ang tho khan kan sawiho leh dawn ani a. Chuan, kan tih dan pangngaiin minute sawm kha in pe leh den den ila, Leader te kha erawh chu tlemin kan han pe am leh deuh turah ngai ila, a tha mai em ?

PU LIANSUAMA

: Pu Deputy Speaker, dar 1:00 PM khi kan chawlh hun tur kha ani a chumi hma chuan kan zawh theih na tur a tan, tin, chawhnuah Bill dang

kan nei bawk si a, Main Bill dang kan nei bawk si a, Main Bill ti mai ila, Original Bill. Chuvang chuan Group hrang hrang atang khan sawi tur inbituk leh mai ila, a tha mai lo maw ?

PU R. LALZIRLIANA

: Pu Deputy Speaker, khalai kha, minute 10 kan in pek leh chuan chawhnu lamah minute dang kan nei leh dawn tihna kha ani a. Member

tin ten minute 20 theuh kan neih chuan zanin kha kan hotuten dinner in siam kha ani a, khangte kha a ti buai thei a, Pu Deputy Speaker, sawi kawp mai kha kan remti

tawh si lova, a minute kha a tlem deuh a ngai ani. Sawi tur in tuk leh ringawt kha chu kan zalenna kha kan in kan rilru kha a in mil si lova.

PU LALDUHOMA

: Pu Deputy Speaker, rawtna ang reng, hei tuna kan Bill hi chu sawi tur vak, ka ngaihdan chuan a awm lova, han hawng ta thawr ila, reilote ah hian kan zo thei mai lawng maw aw!

DEPUTY SPEAKER

: Engpawh nisela, chawhma lama zawh nisela tih kha kan pawm tlang thei mai em? Kan pawm tlan theih chuan kha laia a sawitu tur in siamrem kha chu harsa lo turah ngai ila. Sawi ve hrim hrim duh, kan din leh thluai thluai chuan a buaithlakna lai chin chu a awm ang a, minute 10 pui pui lo deuh khan kan ti dawn em ni? Rawtna engnge? Minute 5 maw?

**PU H. RAMMAWI
MINISTER**

: Pu Deputy Speaker, minute 5 aia rei lo ti ila, in confine deuh ila, sawitu turte pawh, insum deuh tlang ila. Bill Amendment thu hi a tam lo baw k a.

DEPUTY SPEAKER

: Khatia kan tih kha chuan kan hawng leh huau ang a, kan sawi leh luai luai ang tih a hlahawm lo maw. A sawitu bik in bithliah leh mai kha a tha lo maw? Kan Opposition Leader ten ngaihdan kan neih? Nangmahni Legislature lam atang khan. Anih leh a principle in chawhma-ah zawh tum phawt ila, min dah thu phawt mai rawh u aw.

Pu Lalduhoma ilo sawm ang.

PU LALDUHOMA

: Pu Deputy Speaker, tawite in. Han en hian a tulna a lang a. Hnial tur awmin ka hre lova. Ramin a mamawh a, a wind up na-ah Minister hianin.....(Deputy Speaker : Minute 5 hun inpe ila, minute 4 ah warning ka pe ang. Tha mai em?) nakina a sawifiah atan duh ka nei a. Delegated Legislation lai han en hian rules siam theihna a awm a, chu chu Section 42 na-ah a inziak a, Bill ah hian Section 42-na a awm si lova. Section 2 ah hian amendment tlem kan hmu a 38(a) section thar kan nei ani leh mai si a. Section 42 tih hi kan neihsa a section awmsa zuk sawina ngeni chutah chuan rules siam theihna alo awm tawh sa anih

chuan sawilan leh kher hi enge a tulna ? A hma khan rules siam theihna a lo awmlo reng em ni ? Rules nei lova veitak kan awmna chhan lai a kha hrilhfiah se tawk ka ti mai. Ka lawm e.

PU SAILOTHANGA SAILO

: Pu Deputy Speaker, ka sawi rei lo -vang. Amendment tur hi a tlem a tlem han khung belh tih ani mai a, a tha ka ti thlawt a. Pu Deputy

Speaker, han din ve takah chuan Land Revenue and Settlement a bikin survey wing ho achievement hi a ropui ka ti a, tunhma lam khan Land Record leh survey te hi duhthusamin kan lo nei mumal chiah lohna kha hre rengin tunah hian ngaihtuahna tha tak a rawn hmang chho hi lawmthu sawi hi an ba hlein ka hria. Kan minister zahawm tak pawh hi a la rei loh nen ani hi a nia kan fak duh bawk a. Tunah hian an tum anga an kal theih chuan Mizoram zim te square meter singhnih vel chauh hi fel thlapin, felfai takin an chhinchhiah ang a, an en vel ang a, tichuanin Land Survey leh Record te kha an nei dawn ani a. A Settlement thlengin engkim felfai takin hei hi a lawmawm em mai a han dinchhuah pui ve hrim hrim kha an phu in ka hria, chu chu ka dinchhuah chhan ani. Pu Deputy Speaker, an thil tih ah hian ka lawm khawp mai.

PU H. LIANSILOVA

: Pu Deputy Speaker, vawiin ni a kan Amendment Bill ngaihtuah hi a tamlo a, amaherawhchu a pawimawh hle mai a. Bill hmasa a act

a kan neih takah hian heng laia lo awm chianglo hi an rawn ti har zawk mah mah niin ka hria a. Chutih rual chuanin Department dang ah pawh ania Revenue Revenue lamah hian act kan neih hi rules hian a umzui har lutuk hi a pawi ka ti a. Hmanni ah pawh kan sawilang tawh a 'The Mizoram Land Holding Act, 2001' kha vawiinni thlenga rules la awmlo leh kan act bill kha Mizoram atan ah hian a practical in a hman theih ta loh ani tih a awm anih pawhin Amendment emaw step lak chu a hun tawh lutuk in ka hria. Kan Land Administration hi kan kalpui zel bawk si a, Land Holding kan create mawlh mawlh a, a dan te dan lo deuh te in, churang chuan hemi dan kan ngaihtuah mek laiah hian kan minister hi kan remind leh duh a. Chutih rual chuanin heng Hnam Nun leh Socially and Economically a kan ram khawih tu tur dan siam dawn hi chuan a policy decision hi Political Leader hote leh ram veitu ho hian sawi hmasak a, policy decision a principle a hi dah chhuah phawt a chumi hnuah chuan kan official te leh dan thiam ten Dan ah rawn chhawm chhuak sela chu a that ka ring a, mi State, a hrang hrang dan copy in kan ti kan ti mai a, a dik tak chuan kan ram hian kal phung leh chet dan hnam nunah danglam bikna, kan ei zawnna kawngah pawh kan nei a. Kan Social Life ah te pawh ani bawk a, chung danglam bikna zuk dah pawimawh neih a, policy decision hi awm hmasa phawt sela chu mi zui chuan dan hi rawn siam sela tha in ka hria. Thil tam tak hi chu dan kan han siam thla rawk a, kan Society, Socially leh Economically a min khawih dan tur kan Custom thlengin, tin Constitution a Safe Guard kan neih thlengin a khawih dan tur pawh hi kan zir chiang tawh lo deuh thinin ka hria a, chu chu kan chah nawn leh duh a.

Tin, helai definition, Revenue Survey Division hrang hrang Revenue Circle te, District te mumal tak a kan nei lo hi kan Land Revenue buaina ani a. Entir nan, Aizawl khawchhung ah ringawt pawh District atang leh Directorate atangin min khawih tawn ve ve ang hian a lang thin a, tu ber hi nge dawr tur tuh pawh hi mi mir tan chuan a hriat hleih theih loh hian a awm ani. Chuvang chuan khawilai ram emaw a buai ah pawh District in a khawih tho Directorate in a khawih tho Circle awm lo a nih avang hian hei hi a tak tak a kalpui ngei niselangin. Tin, Revenue Circle te hi chu Land Revenue Administration a that dawn chuan ngei ngei tur ani. Land Record leh Administration pawh tah hian a awm tur ani a. Tin, a Circle pawh chutiang chuan Staff te enkawl tu fel tak in then hrang a, Division a awm chho zel hi kan tih makmawh a niin ka hria, kan ti har tawh lutuk a, tunah hian kan tih ngei ngei turah ka ngai a. Hei kan dan hian a rawn kengchho ta a, a lawmawm hle a. Chutih rual erawh chuan Revenue Survey leh Settlement Department hi kan strengthened a ngai ani tih hi kan minister hian a hria in ka ring a. Hei hi ngaih pawimawh a thain ka ring a.

Atawpna atan a ka sawi duh chu, Revenue Village te kan puang dawn ani a. Hetah hian LAD nen hian ramri siam chungchangah hian inkalhna a awm leh deuh tlat thin a. Entirman - Chaltlang ramri hi Revenue Department lamin an puan dan hi a inkawkalh khan harsatna a thlen a, wawin thleng hian la sawifel theih loh niin ka hria a. Heng kawngah pawh hian thil awm tawhsa hmanlai kan pi leh pu atanga Village Boundary khawih danglam tur ang thil leh engemaw tih danglam tur thilah hi chuan mipui confidence leh a Department ve ve pawh co-ordination tha neih a tih a that ka ring a. Tu Department zawk tih nge ka hre lova. Chanchin buah a lo lang a. Chutiang ah chuan fimkhur a ngaiin ka ring a. Tin, Revenue Village kan puanna khua hi chu chhiah chawi khua tur ani a. Lehlam ah chuan Forest lam hian Forest Village te hi an puang thin bawk a. Forest ah pawh hian inrawn tlan chu a thain ka ring a, ka hriatsual loh chuan Mission Vengthlang khu Forest Village ah puan a ni, tih te kan lo hria a, a dik dawn em ni aw, khungte chu Revenue Village ani dawn lawm ni. Puan theihna chhan awm mahse Revenue Village a nih na angin kan kalpui tawh a. Chutiangah chuan dan kan neihte kan hman mekah hian fimkhur a ngaiin ka ring a, chung chu ka sawi chhuah duh ani a. He dan hi kan pass a thain ka ring . Ka lawm e.

DEPUTY SPEAKER

: Awle, tunge han sawi veleh ang. kan duhtawk mai ang a, tunah wind-up a pass rawn dil turin kan Minister zahawm tak Dr. R. Lalthangliana ilo sawm ang.

**Dr. R. LALTHANGLIANA
MINISTER**

: Pu Deputy Speaker. sawitu kan ngahlo khawp mai a, a tha kan ti viau ni ah ka ngai a. A lawm-awm khawp mai a. Kha kha MLA thenkhatin an nei a, a lawmawm ka ti khawp mai a. Thil pakhat kan chian ve deuh hlek ngaiin ka hria a, kan en puat khan, khami kan rawn circulate khan a chiang vek

bik silova. Example atan ka sawi duh lawk chu, Zawlnuam Circle kha Code lo pe ta ila, chu Zawlnuam Circle ah chuan Village kha 10 vel a awm dawn ta ani. Entirnan - Zawlnuam te, Kanghmun te, Lushai Chera te, Thingmun kan tih te, Barung Pa veng kan tih te, Bawrai, Bungthuam, Zawlpui, Thuampui Veng tih te, Tlangkhang te, Luimawi te. Chutiang chuan Revenue Village - ah chuan Village pahnih khan a kal dawn ta ani. Revenue Village pakhat in khua tuna ka han sawi loh kha, Zawlnuam Revenue Village chuan a keng a nga tih ang a nih chu. Tin, entirna - Zamuang ah chuan, Revenue Village kha Zamuang ni ta ang sela khaw 6 a keng dawn ta a, Code No. pe vek khan in Circle 46 in Mizoram pumpuih kan then ta a. Village ah erawh chuan LAD Village kan han tih ang chi aiin a tlem lo thei lo ta a, Village engemaw zat kha Revenue Village ah chuan kan dah khawm ta ani. Kha kha kan hriat chian a pawimawh a, chu chu kan Administration tak tak atan.... (Pu Lalhmingthanga - Pu Deputy Speaker, sawifiah nghal atan, Circle chu 46 vel kan lo nei dawn ta a. District kan neihsa hi pariat a ni ta a, District ah chuan a ring nghal vek mai dawn em ni?)

Pu Deputy Speaker, kha kha chu a ring nghal ang. Administrative Department kan han tih ang ani ang. Tin, Sub - Division kan han tih ang chi te pawh kha, khalai kha chu engemaw hlek hlek chu siam danglam a ngai tawh ani, a Sub - Division chu, mahse a District ang zawng erawh chuan a kal rual chho thei mai turah kan ngai a. Engpawhnise, a chipchiar a kha kan han Circulate in chhiar ah khan a awm si lova, kan hriat a tha in ka hria a, hun remchang ah pawh tlem a hei hi policy thil anih ve nalai a awm tlat mai a, kan Legislature ten min hriatpuia, han sawi ho a tul anih pawhin Session zawh lamah pawh han sawi ho kha a that ka ring khawp mai a. Tin, Pu Duhoma rawn raised lai tak kha Section 42 of The Acts in Power a pek ang in Rules siam ani a, tih kha lo hre ta ila, Rules ah chuan Revenue Circle te, Revenue Village te, Revenue Division kan tih te, Reference Code te pek ani a. Tuna Propose Amendment Bill ah hi chuan.... (Pu Duhoma - Pu Deputy Speaker, in rawn ziahna ah hian Section 42 of the Acts in ti lova, Section 42 of the Bill tih ani tlat mai a, chu chuan mi a rawn ti confuse em a ni.).

Pu Deputy Speaker, khalai kha kan rawn tisual palh maithei, hei hi a Acts atanga lak ani. Kan lo enfel leh turah ngai ila a tha awm e. Tin, Pu Liansailova rawn sawi kha a dik khawp mai a, thil han tih dawn hian Public Leader te, kan Politician te kha rawn zau nise tih kha, nakinah kan implement dawn tak takah te pawh a tul ang angin, in rawnna ala awm thei torah ngaiin, inrawn tih ai mah khan, kan hriattlan deuh te hi a ngai khawp mai a. Thilchik taka ngaihtuahna huang Mizo zingah hian kan ngah khawp mai a. Khang kha kan lo ti turah ngai ta ila.

Tin, LAD te nena kan in coordinate a ngai tur ang chi pawh a practical a he Amendment hi chu kan han tihfel hun hi chuanin kan la nei torah ka ngai hrim hrim a. Thil nisa buai lova tha taka kan kal theihna tur atan.

Tichuanin kan rules kan han ti har thin a hi keipawh ka vei angreng viau a. Hei Education ah hianin example han pe ta ila Act kha 2003 khan kan nei a, tihchak chu a har khawp mai a, kum 4 hnuah rules 7 vawiin a kan lay nen khan kan han neita niin ka hria a, a lawmawm viau a, pahnih emaw kan ka bakin ka ring a. He a act lawng lawng a hi chu hman theih si loh ti mai ila, a tangkai lova, khami atanga lo chawrchhuak tur, a tak tak a kan hman tur a kha tih chak kan tum turah ngai ta ila.

Amaherawh chu, heng kan tih zung zung theih lohna chhan nachin a kan han Sow Constant hrang hrang Department in kan neih ve ang chi Central Sorkar pawhin ti tura min phutna hi tunlaih hetiang ang hi intih a ngai anti a. Eng eng emaw thil thar hi alo chhuak veleh a, hman a lo tih lawk hleihtheih loh khang ang kan power a avail theihna tur atan a, thil tunhnaia lo awmte ani nen, tlemin hei hi kan tihtlai chhante pawh a ni a. Hei hi dik tak chuan hmanni a Session a question a kan sawi zawk kha inla hriain ka ring a. Surveyor hi Pu Deputy Speaker, 171 chauh kan nei a. Surveyor han tih khan Category hrang hrang Head Surveyor leh a hruai ho nen khan.

Tuna, Mizoram a han ti tak tak tur chuanin Surveyor hi 600 kan neih loh chuan a tihngaihna a awm lo reng reng. A zauva, kan ram hi plain area nen a in anglova kal a har si a, chuvang chuanin hei hi harsatna kan tawh a, amaherawhchu tunah vanneihthlak takin Hyderabad ah te training nei turin Pre - Service kan han ti maia, nula leh tlangval mi 83 lai kan han kaltir ta a, a lawmawm khawp mai a. Kumin May thla phei hi chuanin a batch hnuhnung ber 25 te anlo zo dawn niin kan hria a. Tikhan theihtawpin vawi leh khat a tih theih si loh nakkarah khan harsatna kan tawh ve ani tih te kha min lo hriatsak kan duh khawp mai a.

Engpawh nisela, theihtawpin tan Department chuan ala a, amaherawhchu alakna tur atana sum sen ngai ang chi tam tak alo awm a. A main power kan han tih a Surveyor 600 kan han tih ang ngawt pawh kha lo nei the reng pawh ni ila kan instrument kan hman tur a hi tunlai hi chuanin a changkang tak tak hman alo ngai tawh tlat mai a, khang atan khanin pakhat man te hmannah ka sawi ang khan cheng nuai 10 telte alo nih chuanin a hautak em em mai a. Amaherawhchu khang zawng zawng a kha hetiang ang a Sorkar in thuneihna nei a hma kan han lak theih hunah chuan Central Sawrkarah heng kan mamawh te pawh hi thlen torah ngai ila. Anni pawh hian Revenue hi an ngai pawimawh khawp mai a. Heng kan Survey leh Settlement operation rules kan han neih tur te pawh hi tawngka chuan kan zuk hriattir tawh a. Hetiang a kan han neih hi chuan khulam a anni pawhin kan mamawh kawng hrang hrang min phuhrukna tur atana Project kan siam pawh hi min rawn ngaihtuah theih kan beisei ani tih kan tarlang duh a ni.

Tichuan, Pu Deputy Speaker, he Amendment Bill pawimawh tak mai 'The Mizoram Land Survey and Settlement Operation Rules Amendment' hi he House ah hian kan member zahawm tak tak te hianin min pawm pui turin ka'n sawmin ka'n ngen a ni.

DEPUTY SPEAKER

: Awle, Minister zahawm takin wind up in pass a rawn dil ta a, ka sawi tawh ang khan dan ang chuan sawiho pawh kha clause-by - clause a sawi ho a pass nghal zel tur ani a. Amaherawhchu, he bill hi a pumin kan han sawi ta ani a, a pass lamah chuan clause-by - clause in kan pass mai ani ang chu.

Le, Main Body of the Bill Clause 3, Insertion of New Section 38 (a) hi pass remti apiangin 'remti' ti rawh ule, remti lo chuan 'remti lo' ti rawh ule. Awle, House in lungual takin a pass ani. Hei hi bill a telh a ni. Clause 2, Insertion of New Definition hi pass remti apiangin 'remti' ti rawh ule, remti lo in 'remti lo' ti rawh ule. Le, House in lungual takin a pass ani. Preamble Enacting Formula Clause 1, Short title extend and commencement leh Clause 2, Insertion of New Definition hi pass remti apiangin 'remti' ti rawh ule, remti lo chuan 'remti lo' ti rawh ule. Le, tunah chuan 'The Mizoram Land Survey and Settlement Operation Amendment Bill 2008' chu remti lo kan awm loh avangin House in lungual takin a pass ta a ni.

Awle, hei kan hun hi ala thawl leh hlek tlat mai a. Kan Bill pakhat hian kan lut chho leh mai torah ngai ta ila a tha ang e. Hei, kan Bill pakhat la awm hi Bill pawimawh tak mai, Zoram thalai ten kan nghahfak leh kan thlir ani a. Hei, vawiinah kan Minister zahawm tak Pu Z.H. Ropuia'n a rawn pulut dawn ani a, tunah 'The Mizoram Youth Commission Bill, 2008' hi House ah introduced ani tawh a. A copy pawh sem ani tawhin ka hria a. House ah ngaihtuah kan minister zahawm takin rawn dil sela a tha ang e. Pu Z.H. Ropuia ilo sawm ang.

**PU Z.H.ROPUIA
MINISTER**

: Pu Deputy Speaker, he 'The Mizoram Youth Commission Bill, 2008' hi he House zahawm takah hian ngaihtuah I remtihna leh he House zahawm tak remtihna ka rawn dil e.

DEPUTY SPEAKER

: Awle, kan remti maw? Awle ngaihtuah turin rawn move sela a tha ang e.

**PU Z.H.ROPUIA
MINISTER**

: Pu Deputy Speaker, hei vawiin ah thalaite harsatna hrang hrang, Zoram thalai lehkha thiam tam tak lo awm tawh leh employment harsatna

te sutkian dan tur te ngaihtuah a he Bill hi ruahman ani a. Kan hriat angina thil thar ani a, India ramah ala awm lova, State hrang hrang ah pawh ala awm lova. Chuvang chuan ngaihtuah dan thiam a har a. Han zir tur pawh hi a vang si a. Chuvang chuan India ram ah a hmasa ber kan inti theiin ka ring a. Chulalah chuan hei thangtharte tan vawiinni ah rahbi pawimawh tak he House zahawm tak hian kan ngaihtuah dawn hi lawmawm ka ti tak zet ani.

Tin, a hmasa a sawilan ka duh chu Party hrang hrang pawhin ka hriatsual loh chuan he thil hi ngai pawimawhin kan vei tlang a. Chutah chuan election dawnah pawh Election Manifesto ah te pawh kan

hmanhng tlang hlawm niin ka hria a. Chuvang chuan kan zavaiin kan phur in ka hria a, lawmawm ka ti tak zet ani. Tin, helai dinhmunte a lo chhuah dante kan hriat ang tawk tawk te tlem han sawi ta ila a tha in ka hria a. March 15, 2002 ah khan Ministry of Youth Affairs and Sports in National Commission for Youth a din a, chu chu Commission ngelngnet taka tuna kan din tum ang ni lovin a study group tur ani a. Tichuan Chairman ah Pu Balbir Puns MP Rajya Sabha ani a, tin, Member Secretary ah R.K Mishra ani a. Tin, member atan hian Pu Jagesh Sukha tihte, Pu S. Srinivashan tithe, tin, Pu Kulendra Dualagopy, tin, Dr. Manesha Upendra Kotherar te, Dr. Dinesh Sharma te an ni a. Tichuan, Youth Commission hian thlaruk chhung in he study group hi report pe turin an ti a. Amaherawh chu report hi an peih theih lawk loh avangin hei hi kum 2 chhung he study group hian an zir a an bei vat vat a. Chuta terms of reference a an tih te chu thalaite hmasawmna tur a thil pawimawh leh tul te dapchhuah a hmalak dan tur dap chhuah te, a bik takin North Eastern lampang hawi ni se, tih te. Tin, 2-na ah Ministry leh State Sorkar a Department hrang hrang a thalai hmasawmna tur a hma chhawp te en nawn a theih ang ang a Ministry 1 hnuaia dah dan tih te. Tin, 3-na ah chuan State Sorkar leh NGO te thawh ho dan tur leh State Chhunga resources awm thei apiang hman tangkai dan dap te ani a. Tichuan Central Sorkar in he report recommendation hi kum 2005 chawhnu lam khan a publish thei tawk a. Chuvang chuan helai chungchang ah pawh hian heng chanchin te zir turin kan Director te nen Delhi ah te kan zuk kal a. Chulai ah chuan an la publish theih lawk loh avangin helai hi thil hmanhmawh a har ang reng a. Tichuan report a hi an han publish ta a. Chu chu kan han en a, October thla ah kan Director te Delhi ah kal in an publish ve leh he lehkha hi la chhuak in kan han zir chho a. Tichuan, kan Principal Secretary hovin Committee te kan han din a. He Committee ah hian Member Secretary atan Director leh Joint Secretary, Sports and Youth Services te chu Member ah an awm bawka a ni.

Tin, member dang te chu Director, School Education Department te, Director Rural Development Department te, Director Health and Family Welfare te, President Central YMA te leh President MZP General Headquarter te, President Mizoram Coaching Academy te, President AMGUA te, Deputy Director Sports and Youth Services Department a mi te, Liaison Officer cum Deputy Secretary NSS a mi te an han ruat a. Tichuan theih tawp a hma la in kum 2006 chhung hian wawi 4 meeting neih a ni. Hetiang hian March thla kum 2007 khan thu tlukna leh rawtna an tawn siam ta a:

- 1) Mizoram thalai te hma khua ngaihtuah turin Mizoram Youth Commission hi din ngei se tha kan ti tih te.
- 2) Mizoram Youth Commission chuan member 5, chairperson leh member secretary 1, member 3 dang neih ni se tih te
- 3) Headquarters Aizawl ah ani anga tih te, leh 4) Mizoram Sorkar in he Commission hi a sum mamawh leh tul dangte pek nise tih te ani a. Tin –
- 5) Mizoram Youth Commission chuan recommendation thla 6 chhungin Sorkar ah a theh lut ang a, tichuan din dan tur a ngaihtuah ang tih te, a theh luh hmain mipui hnenah a puang zar anga, belh ngai leh paih ngai siam thatna hun a hawng ang.
- 6) Mizoram Youth Commission member atan a theih chinah chuan Sorkar hnathawk leh Politics a inhnawmawih lo nise tih te,
- 7) thalaite hmakhua thlir a hnathawhna Youth related organization hrang hrang te a rawn thin ang tih te, heng hi kha 'Study Group' khan duh dan a rawn thlen ta a. Chutiang chuan chak zawka kalpui anih theihna turin

tiin drafting committee din ani ta a. Notification te siamin October 19. 2007 khan din ani. Chutah chuan kan MLA zahawm tak Pu Liansuama chairman ani a. Tin, Member Secretary ah Director, Sports and Youth Services Pu Zoliana Royte dah ani a. MLA ah member atan Pu H. Vanlalthaliana dah ani bawk a. Tin, Secretary Law and Judicial te member an ni bawk a. Tichuan Drafting Committee in hma an la a, Mizoram Youth Commission Bill chu an rawn chhawp chhuak ta a, an rawn duan chhuah chu 23.11.2007 ah Principal Secretary ah submit in final tak tak na hi chu party hrang hrang te hian i ngaihtuah ho ang u kan ti a. Chutah chuan Pu Liansuama MLA te, Pu H. Vanlalthaliana te, Pu D. Thangliana MLA te, Pu Andrew Lalherliana te, Pu K.Lalrinliana te, Pu Zodintluanga te, Pu Lalrinliana Sailo te, Pu Sailothanga Sailo te, Pu Lalchhandama Ralte te, Principal Secretary Sports and Youth Services a mi te leh Secretary Law and Judicial a mi te, Joint Secretary Sports and Youth Services te leh NGO a thalaite concerned deuh deuh - President Central YMA te, President MZP General Headquarters te leh All Mizoram Graduate Unemployed Association President te hi kan ruat a, committee kan nei a. Mahse thenkhat zin bo hlan anih avangin lo tel theilo te an awm a, mahse helaiah hian a draft hi kan pe lut a. Tah chuan kan sem den den a, kal lo te pawh kan thawn a, sawisel ngai leh tha in tih lai te ngaihtuah ho ang u tiin kan in hriattir leh a. Tah chuan meeting kan nei leh a, uluk takin kan thlir ho va, tha kan ti tlangin Youth Commission Bill chu chak takin law in a vet tawh te nen sawi hovin pahnih khat siam that nise kan ti a. Chu rawtna chu thehluat nghalin, khatiang khan law ho pawh an mahni tel avangin tuang takin hma kan la a. Tichuan Cabinet ah kan han thlen a. Cabinet in a thlir a, tha kan ti a, Cabinet pawmpuina avangin lawmawm kan ti a. Amaherawhchu tlem a thupha chawi chawi ngai awm ve in ka hria a. Hetah hian a bu chung pahnih khat kan sawi ho va, Cabinet ah khan agenda engemawzat a awm avangin Cabinet minute kha a rawn chhuak thei lawk lo mai a, chulai ah chuan harsatna kan tawk a. Kan duhthusam lo deuh a House ah member te hnenah ni 4 tal awmhman turin kan duh si a, a thleng tawh emaw kan tih khan alo thleng lawk lova. Chuvang chuan kan han chhuizui a kan nawr deuh chuk chuk a. Chutah chuan typing mistake te leh engemaw patent error kha alo awm a. Heng patent error te hi min lo hriatthiam sak a min siam rem sak theih chuan kan lawm hle ang tih ka ngen bawk a.

Entirnan – pakhatna section 8 function of the commission tih kha patent error niin, section 9 tih zawk tur ani. a. Kha Youth Commission Bill chapter 3 – Power and Function of the Commission tih hnuai a member 8 double kha 8 hnuhngung zawk 9 zawk tur kha 8 an ti palh hlauh mai a...(Deputy Speaker :- chuti nise a hnuai a 8 hi a chung a awmtur tihna nge ?) nilo a hnuai zawk 9, 8 a ngaiin a kal ang a, a hnuai 9 in, (Deputy Speaker :- a number thlak deuh mai ani maw ?) number 8 kha 9 a correct tur ani.

Tin, helaiah hian statement of object and reasons tih a, ‘havoc’ tih a kha ‘allot’ tih tur zawk ani a, hei hi patent error niin alang bawk a ni.

Paragraph hmasaber tlar lina kha ‘state can do allot’ tih tur ani. Tin, financial memorandum first paragraph line lina kha ‘as far as’ tih kha ‘as far as’ tih tur zawk ani a. Tin, second paragraph financial memorandum a mi vek first line a ‘drifted’ tih kha ‘drafted’ tih tur ani a. Hei hi min hriatthiam pui a min siamthat sak theih chuan kan lawm hle ang. Kan hriat angina a chung thu leh a kalphung tam tak hi kan sawi vek seng lo ang a, member

ten sawi tepawh kan chak ang a. Amaherawh chu a kalphung torah chuan Power and Function of the Commission tih hi a pawimawh lai thui tak a awm niin ka hria a, hetah hian thalaite vawiinah hian kan vawrtawp kan thleng tawh niin kan hria a, lehkhathiam hna hmulo tam tak kan awm avangin chulai harsatna chu Zoram nu leh pa te phurrit te nen kan thalaite harsatna hi sutkian na turin kawng I dap ang u kan ti a. Chulaiah chuan thalaite hmasawanna lam hawi bakah a thawh a kan thawhchhuah angaih zia in zirtina leh training na te uar tha in kan hria a, chutiang chuan ramdangah pawh chhawrtlak a thalaite kan siamchhuahna tur kawngte leh Department hrang hrangte han hre ruai mah ila hetiang dan mumal tak hi kan nei lova. Entirnan - Sports and Youth Services Department chuan thalaite tan rilruah hmalak duh mah ila Department dang kha tawng pawng va koh bawrh bawrh emaw a theih ngawt loh deuh avangin hetiang anga dan tlawhchhan tur hmang a Department hrang hrang development khawihte leh Human Resources Development ang chi training na leh Department agency hrang hrangte tie up tura Commission kan din kha thain kan hria a, chungte chu member te helai party hrang hrang aiawhte nena kan thlir pawhin detailed takin ziah vawiin niah hian ni lo mahse kan tlin tawk leh phak tawk ang zel a a bung leh changte hetiangau zau thei anga kan hawn hi thain kan hria a. Chu chu vawiin niah hian helai House zahawm takah hian sawi ho turin ka rawn ngen ani e. Ka lawm e.

PU LIANSUAMA

: Section 14 na tlar 3 na tiha a sign (&) awm kha AND a thlak a dik ang. Hetiang hi dana a awm dan tur a nih loh hmel. khatiang chi awm zeuh zeuh kha an typing hi a hmanhmawh deuh hlek a, tlemin a phuai deuh hlek a, i pawm sak teh ang u a!

DEPUTY SPEAKER

: Awle, tikhan a Bill neituin a rawn moved ta a. Nia, kha a Bill neitu in a rawn sawia kha hei State - ment of Object and Reasons tihte phei kha chu Bill chhunga mi pawh ani chiah lo deuh a. Khalai kha chu a effective lutuk lo torah pawh kan ngai deuh a. Tin, helaia Financial Memorandum a 'as far as' tih lai ang chi te, amaherawhchu helaia section 8 double a lo lang a kha chu section 9 tia a number thlak kha ani deuh maiin kan Minister zahawm tak khan a sawiin a lang a. Kha kha erawh chu patent error ah kan pawm thei mai turah kan ngai a.

Tichuan hei kan hun neih hi minute 6 tentawn chauh kan nei tawh a, ti khan House ah a rawn moved ta a kan ngaihtuah ang a. Kan chawlh hmaa han chhungkhung thei tur kan awm em? Aw, Pu R. Lalziriana ilo sawm ang.

PU R. LALZIRLIANA

: Pu Deputy Speaker, neih tur hrim hrim.... (Deputy Speaker :- kha kha, nia, kan tih dan pangngai ang khanin minute sawm) A nih loh deuh

pawhin, I remtihna in a chawlh har hret deuh theih tho a lawm. (Deputy Speaker :- Engloin ngawi rawh i kal thui hmain, khalai kha nia sawi chian chiah kha a awm lova, kan kal phung pangngai chuan minute sawm kan han inpe a. Tikhan...) Minute nga ah pawh ka zo maithei. (Deputy Speaker :- Nia vawiin ni hi kan tawp ni te pawh ani a, ban hma kan duh deuh phei chuan, engnge ni sawi kha kan awm nual chuan ka ring a. Minute 5 ang khan aw. Anih leh minute 5 ang khan kan ti anga minute 4 ah warning bell kan inpe anga. Khami ah kha chuan chhngkhung hman kan tum ang chu. Le Pu R. Lalzirliana.). (Pu Andrew Lalherliana :- Pu Deputy Speaker, kha kha minute 5 ah khan kan sawi vek lo mai thei a. A pangngai ang a kal khan ban hunah chuan kan bang thei thovin ka va ring.) (Deputy Speaker :- A kha laia kha chu sawi dan a zirin adjustment chu a awm thei tho ang chu.). Pu Deputy Speaker, khalai atang khan in thiam thil hi kan Speaker leh nang hi chu engkim mai in hria in ka hria. In kutah in dah phawt mai ang. Hei tuna kan Minister zahawm tak kha Akyap lam sawi kha chu ani lo. A bah deuh tlat mai a. Youth Commission tih lam hi rilru tak tak a ngaihtuah na hi an nei lo deuh nge ni ka hre lova. A Drafting Committee tih vel han sawi duah duah te chu Department zawng zawng Bill an theh luh hian Drafting Committee hi an awm fai vek ani. Khangah te khan MLA te kan tel ve avangin helaiah hianin sawisel duh lo deuh turin min ngai nge ni hlawm ka hre lova. Enpawh nisela nia, khalai an lo tih kha a tha lo ka tihna ani lova. Thalaite vawrtawp kan thleng tawh han tih te phei kha chu in withdraw atan chuan a tha lampang mang e aw kan ti a. Kan sawi hmain, hei ka rawn sawi tum clause 9 kha clause 8 na kha ti khan a rawn awm a, tikhan a rawn sawi tawh a. Amaherawhchu chulai lovah chuan hei clause 8 ah tho hian duty tih mai tur awm a ka lo ngaih ve keini sap tawng thiam velo kan ni a. Day duty han tih ngawt mai te hi dictionary kan en chuan ka hre ve thiam phak chuang lova, khawngaih takin day duty chu engnge ni ? He laiah hian clause 8 na a lo lang tho functions of the commission tih ah hian a awm a. Hei hi khawngaihin hrilhfiah selang in kan Minister zahawm tak hian ka duh a. He thil hi MNF Manifesto ah a tel a. He ti hian kum tawp ah term tawp dawn ah a Bill a chiah hi an rawn pulut thei ta a. A implement erawh chu an term hian a thleng dawn lo tih chu mi zawng zawng in an hria ani. He laiah nasa taka kan thalaite'n min nawrna avanga he thil hi tih rum rum niin alang a. Chuvang chuan heng te pawh hi Sorkar a an luh takah chuan, a drafting committee te khan lo tih dik pawh nise lang eng eng emaw hi soal ta rem rum te pawh hi a awm thei ta em ni aw ka ti a. Tichuan, Bill dangah hi chuan definition ah hian Bill dang a kan tih thin dan angah chuan nihna leh dinhmun pawimawh chelhtute leh khatiang ang kha hrilhfiah ani thin a. Tahchuan he Bill ah hi chuan chairperson tih loh member tih te hi hrilhfiah an ni ve ta miah lo ani. A thlang a Governor tih hi chu an hrilhfiah leh lawi si a. Mi zawng zawngin kan hriat hi. Chuvangin he thil hi hmanhmawh lutuk a tih, manifesto a inthlan hma atanga kan ti ang tih tawh, ngaihtuah reng reng loh a thi char char, election a lo hnaih tak avanga election a lo hnaih tak avanga election ah a Bill pawh kan pass thei ta e tih a thalaite lawm a sawi mai mai a ang ani he Bill hi.

Clause 4 sub section 5 ah pawh khan definition ah chairperson leh member te hrilhfiah ve a nih tak lob ag hian chairman te ala rawn ti ta deuh deuh a. Hengte hi tiang hian a awm zel dawn em ni tih ka zawt duh bawh ani kan Minister zahawm tak hi.

Vawiin ah hian Youth Commission Bill kan han siam ta a, kan pass ngei ka ring a. Mahse, tunlaih loh theih loh a thil awm, Sorkar hnathawh nan te khawvel in intlansiak nana a hman tak, Information Technology te hi he Bill body a a rawn lang ve ta miah lo te hi engtizia nge, a vanduaithlak in a beidawn thlak ka ti hle mai. Kan thalaite kan chher hriamna tur leh Mizo thalaite IT lamah hian an advance em em ani. Chutih lai chuan engatinge kawng an rawn hawn miah loh? tih ka zawt bawh ani. Chuvang chuan pawmpui a harsa mai awm mang e aw tih te ka ngaihtuah a.

Tin, Chapter 3 leh 4 te hi a pawimawh zual khungkhawm na ani a. Thalaite hmalakna tinreng a harsatna an tawh emaw an tum ram tipuitling tura tanpui an inhuamna thu a rawn sawi a. Mahse, thalaite khawvel thar neihna tur tak tak atan chuan hei hian a funkim tawh lo hle a. Thalaite Game, Sports, Music, Entertainment, Arts leh kawng hrang hrang a an tih tuah khawvel a inlar chhuak thei khawpin kan vawrh chho dawn ani tih te chu a lang a. Helai ah hian Pu Deputy Speaker, a bul thum an hmaih in ka hria. A lera thuai ringawt hi dikin ka hre lo a. Thalaite eizawna ngelnghet an ngaihtuah pui phawt hi a ngai ani Youth Commission hian. Chu chu a tul ber lawr lak a ni. Chuta tan chuan Developing Department ah te leh kawng hrang hrangah thalaite hnimpumna tur kawng a lang reng reng lo hi a pawh khawp mai. Thalai fel leh duhawm tak tak Mizoramah kan neih laiin nichina an sawi ang khan....(Deputy Speaker :- I tui laklawh si a, kan hun kan pel mai dawn em ni) Ka dil lawk che kha Pu Deputy Speaker, ka conclude mai dawn em ni? (Deputy Speaker :- Aw, han conclude lawk rawh le.).

Tiang hianin thalai fel fai lehkha thiam tak tak te kan neih laiin, chutiang anglo Mizoram a zirna system a that loh em avanga kan tleirawl chhuak te leh zirna a an beidawn hun inrual tlat mai te hi hun khaihlak, hun pawimawh ber ani a, chuta tan chuan kan zirna dik leh quality sang hi kan mamawh em em a ni. Vawiinni ah Vanapa Hall ah zirtirtu leh zirlaite kan han ko khawm a, quality drive kan han zirtir ngawt mai te hi chu thing phun a, pangpar phuna a lera lawh tum ang chauh ani, a diklo hrim hrim. Chuvang chuan hei phingphihlip arsi lak tum an sawi ang chauh kan ni. Chuta tan chuan Youth Commission ah hian zirna tha, sytem tha, syllabus tha curriculum tha zawk hei hian a rawn keng ngei ngei tuah ka ngai a, mahse chulam chu a awm reng reng silo a ni

Tin, chu lovah chuan Pu Deputy Speaker, zirlaite hemi mithiam fate, mihausa fate chauh in a leh mihausa fate'n Over Seas studies scholarship funding an hmang thei hi a tha ka ti lo. Chuvangin mirethei leh harsa zawk te'n a he Over Seas studies scholarship funding an enjoy ve theih na turin Bank Loan an puk thei lo anih pawn Sorkar in loan emaw engemaw tanpuina kan ngaihtuah a, he kawnga an kal theih na tur hi kan ngaihtuah a pawimawh em em a ni. Chuvangin he Youth Commission ah hian a hranpa ngata Clause neiin ka hria a. Chutiang ang kawng a kan tih theih na tur chuan vawiin niah hian hei hi Bill an

rawn pulut a, rang taka Amendment kan siam leh theih dawn chuan Pu Deputy Speaker, pass mai chu kan han thlawp chu ani e. Ka lawm e.

DEPUTY SPEAKER

: Awle, tikhan kan chawl rih ang a, chawhnu dar 2 ah kan rorel kan chhonzawm leh dawn nia. Chawl rih ang le.

RECESS

DEPUTY SPEAKER

: Awle, kan rorel kan chhonzawm leh ang a. Kan sawi zel hmian thil pakhat hei kan hun neih hi Dar 4:00 kha ani mai a, kan duh

chuan kan pel thei tho nachungin. Hei zanin programme neite kan ni a, tawi deuh zawnga a tlang cheh hma dante kha a awm ang em? Engtingge ni member lam atang khan, nimin lama kan tih ang deuh khan a sawi turin bituk deuh zawng kha nge ni, khalai a kha minute 5 kan han tih pawh kha lehlama'n chuan kha Pu Zira'n an sawi a. An am chung pawh khan a tlem kan tih hmel riau a. Ngeni khalaiah khan member te a hmaa kan tih ang deuh khan minute 10....(Pu Andrew Lalherliana :- Pu Deputy Speaker, kan member zahawm tak Pu Zira kha, a sawi tur hre thei pawl ani maithei asin. Kei chu ka sawi sei vak dawn lova. Tin, helaiah hianin kan in adjust thiam ka ring deuh.) Chuti chu, nih leh minute 5 kan thut pangngai ang khan kan thu leh dawn nge ni? (Pu Tawnluia (Minister) :- Pu Deputy Speaker, ni e, minute 5 khan kal ila. Tlema a tui deuh an awm chuan kha pawh inhrethiam zel ila. Dar 4:00 PM a zo tur chuan min control mai rawh.) Awle, awle. A nih aw tichuan I ti phawt mai ang. Phar in tam hle mai a. Pu Zodintluanga hi in duhsak phawt mai ang aw. Pu Zodintluanga i sawm ang.

PU ZODINTLUANGA

: Pu Deputy Speaker, ka lawm e. din vat loh chuan hun kha a zo mai thin si a. Tawng ran deuh kan tum ve ang a. A hmasa berin Pu

Deputy Speaker, he kan Youth Commission Bill kan neihna tur atana hma lo latu kan MZP hruaitute, Mizo Zirlai Pawl te an hmalakna zawng zawngte a lawmawm ka ti a. Anni hmalakna keh an nawrna a zarah hei hengte pawh hi kan nei te pawh I thei ila, a ni ve thei tho awmin ka hria a. Tin, hei kum 2005 daihah tawh mai khan Government of India atangin Youth Commission din tura tihna lehkha te kan han hmuh hian kan Sorkar hi ava hmanhmawh lo em em ve aw! Election Manifesto ah te pawh telh tawh si khan tun kum Sorkar tlak dawn tawh, an Sorkar tawp dawn lamah an han ti leh ani a. Hei hian an serious loh zia hi a ti lang niin ka hria a.

Tin, Pu Deputy Speaker, nichin ah kan Minister zahawm tak khanin typing mistake ang hrang hrang kha a rawn sawiah khan a sawi kim lo a, kha kan Saitual bialtu pawhin engemaw zat a rawn point out a. Rawn ti rau rau a nih chuan rawn tih kim a thain ka hria a. Pakhat lek ka'n sawi belh leh duh a. Phek 4 na 7 na khan Defect / The fact is the Constitution of the Commission tih ni awm takah ka'n ngai a. Kha kha ka'n rawn sawi tel duh a. Tin, Constitution of the Youth Commission tih a kan Chairman / Chairperson te kan member te kan ruatna turah hian kan Sorkar kan fimkhur a ngaiin ka hria a. Heng hi nakinah thalaite hmakhua, thalaite an zirna lamah te, an eizawna lamah te khatiang anga hmanna tur common anih angin hei hi Political Accomodation mai maia heng post te hi kan ti leh anih chuanin a pawl dawnin ka hria a. Chuvang chuan kan Sorkar pawh hian heng kan Chairperson leh Member in ruatnaah hian heng lama tui mi thalai lam deuh, sport lam ani emaw education lam ani emaw thalaite hmakhua ngaihtuah sak / ngaihtuatu tur mi te an rawn ruat hi kan beisei a ni.

Chutiang anih loh va khawlaia election huna candidate changlo te emaw party a lungawi lo deuh hnawhkhah nan mai mai an hmang dawn anih chuanin he Commission in a tum leh khatiang ang kha a thelh thei dawnin ka hria a. Chuvang chuan helaia pawh hi Sorkarin ruat tur anih si avang hian helai hi kan rawn point out duh a ni.

Tin, Commission te pawh hi han nei mah ila, a Sorkar hian in tum tak takna a neih loh hi chuanin thalaite hmakhua hi kan hmu lovang tih hi ka hlau deuh a. Entirnan, kan sawi tawh thin a, Rajiv Gandhi Sports Stadium tur ang te saw. Hei vawiin ni ah zawhna kan han hmu leh a sawng kan sakna tur te saw Pu Deputy Speaker, detail project report pawh la buatsaih loh a ni.

Chutiang detail project la buatsaih loh pawh Central Sorkar ah pawh la thlen a nih loh thu kan Sport Minister zahawm tak khian he House hi min rawn hrilh a. Chutiang a detail project report pawh la pe fel lo, la nei si lo, Central ah pawh la dil si loh chu sanction a awm thei lo bawk a. Chutiang ang anih hi chuan eng vangin nge tender te kan chhuah tak vak mai? tih te hi ka'n rawn sawilang duh a.

Chuvang chuan, kan serious dana hi hetiang mai mai a kan kal anih hi chuanin hetiang angah hian Commission a Body tha tak pawh nei mah ila, khatiang anga Sorkar anga tuina leh thatna te khatiang kan neih si loh chuan awmzia hi neiin ka ring lova. Nichina kan sawi tawh ang khan, Rajiv Gandhi Sports Stadium kan sak tum dan te kha han sawi leh ta ila vawiin ni a thalaite lammual au te khan eng nge an auh? Khelmual tha! Khelmual tha! an ti a ni. An duh chu khelmual tha. Vawiin ni a kan Sorkar in a vaibelchhe 25 senga sak tum chu a enna, pavilion a hi a ni tlat mai. Pu Deputy Speaker.

A pavilion a hi kan duh ani lo vawiin ni a thalaite hian, a khelmual tha a hi a ni. Vawiin ni a kan Sports Minister zahawm tak hi a tui a, infiam mi ani a, ka mi hriat chian ani a. Khawngaihtakin kan PWD a design tute pawh hi khawngaih taka min ensak leh a, kan thalaite tan khami

pavilion ang mai nilo in, a khelmual bika saw tuna kan pawisa neih chhun a hi hman ta ila, a dawta chuanin a pavilion angte kha chu a chawpinrawn awm sela, a khelhna tur tha kan neih hnuah chuan a pavilion te kha ti ila, chutiang ni lo a vawiin a PWD tena anrawn design anga, pavilion ringawt atanga kan thalaite hma khua atan Commission kan din hian kha thalaiten a kan neih hmasak ber tur vawiin a kan nghahlelh em em, a enna tur ringawt a pawisa kan hman zo dawn anih chuan Pu Deputy Speaker, a tha lo in ka hria a.

Home Minister pawh hi a tuia, ka rawtna pawh hi min pawmpui ka ring a. Khati zawng a khawngaih taka hma min lak saka a pavilion lam a design tu tena an lo tih lift nen khawl chi hrang hrang kan mamawh lo, pawisa tam tak sen na ah hi chuan, a khelmual ah zawk sawn han la tan sela, khati a hma an lak tan chuanin kei ni pawh, a thalai pawh, engpawl pawh hian Pu Deputy Speaker, kan Minister hi kan thlawpin a hnungah hian kan din ka ring tlat a, churang chuan kan mamawh hmasa khelmual tha neihna tur atan hian hma min laksak turin, hun chep tak karah ka rawn ngen ani e. Ka lawm e.

DEPUTY SPEAKER : Pu Lalchhandama Ralte.

PU LALCHHANDAMA RALTE : Pu Deputy Speaker, ka lawm e. Hei vawiin ah kan House zah-awm takah thalaite hmakhua a tana pawimawh tak mai, Youth Commission Bill put luh a lo ni ta hi lawmawm ka tiin a buaipuitu a Department lam te leh a bik takin a Minister chungah lawmthu ka sawi duh a, vawiin hian mimal pawn ka inti neitu viau mai a, Youth Commission Zirlai Pawl lam hi tuna Buarpui bialtuin a sawi ang khan, Zirlai Pawl lama kan awm laiin kan buaipui chho nasa a, Party hrang hrang President te kawm kual "Election Manifesto ah min telh sak rawh u", tiin Party tinah kan ngenna tih hlawhtlin a alo awm in, kan ngenna angina tuna Youth Commission tih hlawhtlinna tur rahbi a rawn chhuak chho a. Tin, he Sorkar lamah ka han tel ve hnuah pawh kan hotute hmalakna ka hmuh hian a ngaihthat thlak ka ti a. An hmalakna pawh an bei chho chak viauin ka hria a. India ram State dangah te engtin nge Youth Commission / Youth Welfare an buaipui ti ten kan kal kual a. Kum 2005 ah Central lama National Commission for Youth chungchang a ngaihthat tuten an ruahman na ang chi kha 2005 kum tawp ah an peih chauh a. Chuan kan Department lama thawktuten han buaipui chhovi 2006 ah Mizoram ah Youth Commission din theihna turin a buaipui tu tur Study Group din alo ni a. Chumi hnuah Drafting Committee din lo ni chho leh in vawiin stage hi hmanhmawh taka kan kalpui thei hi politics ah a lehlam zawngin inthlan dawn hna ani tawh a, inti ani mai lo maw? han in tihna a awm rualin a hmu chiangtu tan chuan hei aia chakin kalpui ngaihna a awm lo tih a chiangin ka hria. Hemi Sorkar hian Manifesto a awm tih hlawhtlinna tur a nih piah lamah thalaite hmakhua a ngaihna avanga hma a lak chhohna hi hmuhpui vetu zinga ka awm avangin lawmawm ka tiin lawmthu ka sawi hmasa duh a.

Tin, India ram hmun dangah han zir chhin tur reng reng ala awm lo a. India rama Youth Commission nei hmasa ber tur kan nih avangin duhthusam ani lovang tih ka ring a. An han sawi ang khan a lay-out hrim hrim hemi han buatsaih chhoh hi duhthu a sam lo chu ka ti. He Bill hi a that tehluul nen ka duhthu chu a buatsaihna hian a sam lo chu ka ti a. Amaherawhchu a changtu Minister in a sawi tak ang khan hmanhmawh takin, hnawhsarum takin he Session chhunga tih luh hman an duh avanga thalaite hmakhua an ngaihna avanga an ti ani tih khan mi a tih dam deuh avangin pass pui ngei atan pawh thain ka hria a. Tin, he Bill han chhiar khan a target group tur bikah khan kum 13 - 35 te huang chung bik, a bik taka a han tarlan ah hian a rawn lang a. Tin, field hrang hranga a thawh dan turte pawh a rawn lang a, nichin a kan ngaihtlak tak ang khan No. 9 na Section 9 naah function of the Commission chungchang ah khan a lang a. Saitual bialtu member zahawm tak Pu Zira khan thahnemngaih thil thuah a famkimlo deuh ani lo maw, I.T chungchangte pawh hi a awm lo ani lo maw, ati a. Amaherawhchu hengah hian a vaia tih famkim chu a theih loh rualin helaiah hian a huamtel mai em aw tih hi ka lo chhiar ve danah chuan Section 9 na 'e' ah khan a inziak a. Helaiah hian Employment opportunities and to minimize lack of access to medical, management and vocational and technical education to achieve marketable quality in such team of higher studies, tih leh 'h' ah khan 'to train, assist, encourage and guide them while seeking employment within India and aboard' ati a. Khalai han en kual khan a zawng a za, a vai chuan a kimlo ngei ang. A bu a pan em a, amaherawhchu a bu han en hian ka rin aiin a kimchangin ka hria a. Tin, hmundang entawn tur la awmlo, bul tan deuh anih avangin nakinah Rules te pawh an la duang ang a, a tul angina amendment te pawh kan la ti ang a, chung hunah chuan kimchang zawk leh tha zawk, a practical a kan hman hunah hian a dang pawh la rawn piang turah ka ngai a. Kan Budget Provision ah pawh khan a bul tan nan token angin 48 lakhs Sports and Youth Services Department hnuaiah dah ani kha a lawmawm ka ti a. Chutih rual chuan han din chhoin hma han la dawn se tlem hlein ka ring a. Priority helai bikah hian min pe a PE ah Youth Commission in establish na tur hi uluk zawk a kan ngaihtuah a tulin ka hria.

Chapter 2 Constitution of the Youth Commission ah khan pathum naah khan a Commission nih phung turah member te a han sawichhuah ah khan chairperson bakah member panga velte kum 3 term atan ruat nawn theih angina a rawn sawi a. Upper Age Unit ah 65 years ati a, han enchianin kum 65 vel in a Youth Welfare han buaipui chu kan ti a. Mahse, experience neite'n an member dangte kaihruaitu atan ah ngaihtuahna an hmang ani maithei. Tu Sorkar pawhin han din dawn ta se experience nei kaihruaina hnuaiah Youth Welfare hi thui zawk a kalna turte pawh a thlirpha aniang a, kum 65 bawr a ruat ang tihna pawh a awm chuang lova. Reservation thui tak a pe niin kan ngai a.

Tin, Youth Commission ah hian mipui / kan thalai puite hian hmuh thelh kan nei ang tih ka hlau. Hna pe hum hum mai, job opportunity tam tak lokal torah kan ngai ang tih ka hlau. Public Leader kan nih angin mipui kan zirtir dawn a ni. He Commission hian thalaite an harsatna min luhchilh ang a, min train ang a, khua leh tui tha kan nihna urin min zirtir ang a, a theihna chinah min pui bawk ang a, kawngdik min kawhhmuh ang a, eizawna tur India ram chung emaw foreign ah emaw kawng in kawhhmuhna ang chi helaia hna in pe ang chi ni

lovin, mihring chhawr tlak kan neihna tur niin helaiah hian a langin ka hria. Tin, he Youth Commission tun a kan tih chhoh tur hi a taka a function hun tur chu kan ti chho ang a, rules te kan han duang ang a, a kal chho turah eng hun chiah nge tih chu hriat nilo mahse ka rilru min ti lawm em em lo awm chu niminpiah lawk a Pu K. Vanlalauva, Khawbung bialtu resolution kan pass tak Kolodyne Multi Model Project chungchang kan sawi ah khan Pu Deputy Speaker, kan hmabak ah hian Mizoram Prospect a eng kan ti a. Thil tam tak, kawng tam tak ah thalaite tan kawng, lehkhathiam leh thiamlo tan hna a awm dawn a ni. Tin, eizawna a awm dawn a ni. Chumi atana he development lokal Look East Policy huang chhung atan kan thalaite lo train lawk turin, lo strengthen turin hei hi a va tul tehlul em! A va timing em! He House zahawm tak hian lungrual takin politic a inchirh thehna lam hawi zawng lovin hei hi chu Zoram tan a ni, kan Manifesto ah pawh a tel ani tih hriain kan duhthusam loh lai deuh a fel hlel deuh lai te a awm anih pawhin a tha zawnga in hrih a, politics a thildang in chuk lawrna atan ah hman chi ah ka ngai lova, kan thalaite nghah hlelh ani tih hria in lungrual tak a he Youth Commission Bill a hi pass turin kan in sawm ani e. Ka lawm e.

PU ANDREW LALHERLIANA

: Pu Deputy Speaker, ka lawm e. Hei vawiin ni hi an term chhung a Budget Session a ka'n thusawi hnuhnung ber ani dawn a. A bul tan

nan tun Budget Session ah khan lawmthu ka sawi tawh a, lawmthu bawk a han conclude leh ka duh dawn a, chu chu kan tan mai ang a. Hei kum 5 dawn kan Secretariat ten min enkawl na te hi lawmawm ka ti a. He Assembly Secretariat kan Seretary hova thawk ho zawng zawng chungah pawh hian lawmthu ka'n sawi duh a. Tin, kan Speaker leh Deputy Speaker te MLA te nen a kan fraternity hi inti tha em em in ka hria a. He House hi inti nuam a. Tin, Session nghah hlelhawm khawpin in siam in ka hria a. Kan Minister te kan House Leader te kan Opposition Group Leader te zawng zawng te nen helai House ah theih tawpin ram tan a tha ngaihtuahna kawngah Leadership inla in ka hria a, a lawmawm ka ti a. Tin, member zawng zawng te a lunglen thlak dawn hle a ni. Kan Budget Session hnu hnung ber tur ani a, vawiin ni hian duhsakna hlan pah che u in (Pathian khawngaihna zarah ka ti dawn nge ni), in hmuh leh theuh kan tum ang chu maw le, Budget Session leh ah le!

Engpawh nise, hei Youth Commission hi term tawp dawn lampangah hian an rawn pulut a, tih ani a, thil tih turte a tam awm teh reng nen a tawpah in rawn pulut a, in tih hman loh tur tih kha han ngaihtuah theih ve mai chu a ni. Amaherawhchu, a Youth Commission hrim hrim a hi Central ah pawh din ani lova, hei pawh hi he term tan tirh ah pawh han hmang dawn ni ila kei chu ka hmuh dan chuan kan arkhawthim dai dawn hle in ka ring tlat. A chhan chu thalaite'n aspiration an neih a, chu chu kan Budget ah leh Mizoram Sorkar kalphungah hian anni in duhtawkna an hmulo anih ka ring a. Chuvang chuan Youth Commission dinin engtinngge hma min laksak ang, an tihna angah ka ngai deuh a. Keini State in bul kan tan kan tih rual rualin thil harsa tur chu a ni. Chuvangin hei pawh hi kan Sorkar ten khawngge bul I tan the ang, an han tih rawih pawh hi a tawp lam pawh nise a lawmawm a, thalaite duh ang tih hlawhtlin tum ang hrim hrim hi chu a lawmawm ka ti a. Mahse, he Youth Commission atang hian thalaite dawmkang

turin hma la dawn ta ila, a Commission Chairman hmasa ber nih chu kei chuan ka hreh viau ang. A chhan chu tih tur a vang dawn a, kan Budget ah pawh thalaite huang awm lo khawpin thalaite hian an chanvo an hmuh tawh loh nakah. Helai Commission hnuaiah hian zawng leh dawn pawh nise a vang viau ang. Mahse, he Commission hi a din tak rau rauah chuan thalaite beisei ang zawnga a kal chu theih tawpa a tih tur ani ang a. Chu erawh zawng a awm lo ai chuan a tha turah ka ngai a. Mahse, ka huphurh pui ngawt mai. Hei a chhung a provision leh clause te hi kan Minister zahawm takin a enpui tur leh lo exam pui torah ka telh avangin theih tawp a Committee vawihnih vawithum kan kal tawh hnua hei hi lo chhuak ani a. A chhung ah hian ka cheng lo ang a. Mahse, thalaite hi kan ngaihtuah a ngai tih chu a lang Chiang em em a ni. Vawiin ah hian an in tlansiakna nasa tak mai, khawvelin, a bik takin India ramah te kan intlansiakna information technology hmanga hna create te hi helaiah hian awmlo mahse Sorkar hian tih a va tul em! Call Center pawh din thei turin Company lian, hei INFOSYS an tih te leh WIPRO kan tih te, a theih phei chuan khawvel pawn lam thlengin Microsoft an tih te, heng a an hotute pawh hi sawn lut ve theiin Youth ho tana eizawna siam sak thei turin Information Technology hmang thei turin khatiang Company te kha chawh luh tum ta ila chuan a hlawk hle in ka ring a. Helai ah hian a awmlo mahse hemi chhung kher hian kan thawk tur niin ka hre lova, thalaite hamthatna tur leh an Employment Generate na tur leh India ram pawn thleng pawh a hnathawk duhte tan a an thawh theihna tur a agency hrang hrang te pawh dawr a, foreign a hna tha zawn sakte pawh hi kan tih tur anih ka ring a ni. Chuvangin khangte kha kan hna tam tak a awm a, he Youth Commission Chairman ngeite pawh hi Sorkar in a hman thiam chuan khatiang agency te hmang khan foreign thleng a hna zawn puina tur kha a awm theih ka ring a. Chuvangin bul tanna ani hrim hrim a, bul tan tur a inngai ta ila a tha in ka ring a. Ram dang pawh hian hna tha tak tak thalaite'n an zuk thawh chhuah teuh a, India rama rawn hawnpui leh a nuam tak a rawn retired dante pawh hi a awm ani, chuvangin hna engnge an duh te hi ram hrang hrang ah hian zawn a thain ka hria. Youth Commission Chairman te pawn an tih a ngaiin ka hria.

Hmanni lawk a Australia rama kan zuk kal khan Australia ram ah chuan hna lian pui pui mai kan zawn thin te, engineer te, technical ropui te leh MBA pass ho tana kan zawn aimah in hna plumber te, electrician ho vel hi an lo tlachham em em mai a. Asian ram atang hian heng ho hi lo lut thla thei se, an hlawnh chu a san tho avangin engineer te nen hlawnh in ang tho a nih avangin hetiang technician te hi an mamawh hnem em em ani tih Australia ram a an consultant pakhat in min hrilh a, khang te pawh kha Youth Commission Chairman te pawh hian engnge in ram ah hian hna awm ve thei tih te hi. A bik takin ram changkang chuan hna electrician te, motor repair te, plumbing te, pipe khawih vel te hi an peih vak tawh lo. A khawih peih erawh chu pawisa an pe teuh teuh thung si a, khangte kha keini chuan awlsam tak a kan thawh theih ani a. Khang ah te pawh khan foreign a hna la zawnte pawh hi a la ngaiin ka ring a, heng hi kan sawi tel deuh mai mai anih chu.

Engpawh nise, he Youth Commission Bill hi thalaite demand anih angina he Sorkar hian a rawn chhawp chhuak ta hi tha tak a kan pass hi kan tih tur ani mai lawm ni? Nakin zelawh pawh tu Sorkar pawh lo ding se, a hmanna tur kawng ah hianin Party line cross in kan resources, kan finna leh kan thiamna zawng zawng thawhkhawm a, thalaite tana hma kan lakna tur hi kan

inrawn khawm a kan insuihkhawm na tuah tang selangin, min la khawmtu politician te ngei pawh min la khawmtuah hian ala tan theih chuanin a that hle ka ring ani, tih kha ka han sawi duh a. A chhung thuah hi chuan ka lut vak lo ang e Pu Deputy Speaker. Ka lawm e.

PU SAIKAPTHIANGA

: Pu Deputy Speaker, ka lawm e. Khawzawl bialtu MLA zahawm tak khan, ka sawi tum thenkhat min sawi khalh a. Mahse sawi ve

reng reng thain ka hria a.

Hei Budget Session hnuhnung ber tur anih kan hria a. Vawikhat chu he House hian Session la nri leh dawn torah inggai ila. Amaherawh chu bial inchuktuah deuh te a awm deuh fur tawh a. A Session pawh rei vak lo aniang. Vawiin kan Budget Session ang bak a MLA tena hun hman ho na tur hi tun term ah awm tawh lo mai thei a, churang chuan lawmthu han sawi kha ka lo tum rauh rauh a. Kan Speaker leh Deputy Speaker in a min kaihhruaina leh Assembly Staff ten a mi an kaihhruaina, min enkawlina chungchangah hian lawmthu sawi kan ba hle in ka hria a.

Tin, tun term hi member te pawh kan thawh hona a tha in ka hria a. Lawmawm ka ti tak tak a, hei kan sawi hmasa duh a. Tin, chutih rual chuan kan Sorkar ah hian lawmawm tih tak tak ka nei a. Kan hre theuh a, kum in MCP kan han indan khan kan policy tunlai hian lehkhabu kawm sen a lar bawh a. Lehkhabu kawm eng ah hian kan party in a tih kan duh ngawih ngawih Ratu bialtu zahawm takin a a sawi thin ang hian System thlak duh kan nei a. Chutah chuan kan lehkhabu kawm eng ah hian kan rawn tar chhuak thlap a. Transparency in Public Procurement Act kan siam ang kan ti a. Chu chu kan thawh ho na atang leh kan to tum reng pawh aniang a. Heng te hi tih hlawhtlin ani a. Fiscal Responsibility and Management Act kan siam ang kan ti a, chung te chu a hlawhtling chho zel a. Chutiang zel chuan Vigilance Commission tih te leh thalaite chungchangah Youth Commission kalphung tur te ruahmanna kan siam ang kan ti a. Youth Commission ang tak hi chu manifesto te awm tawh se, tin, Central Sorkar pawhin tih a tum mek leh Sorkar kal lai pawhin tih a tum mek nia kan hriat avangin a Commission ang zawng kha chuan kan dah lang lova. Heng hi kan ram tan a pawimawh tak tak ni a kan hriat te tih a awm chho zel hi lawmawm ka ti a. Ka'n sawi lang hmasa duh a ni.

Tichuan Mizoram Youth Commission Bill, 2008 chung changah hian sawi tur tam tak pawh awmin ka hre lova. A la thar ver vawr bawh a. India Sorkar laipui pawh hian a ngaihna a hre bik vak lo, tha ti si, mahse khawi atang tak hian nge a tan dawn? lai kha a bang bo ve tho mai a. Churang chuan kan Bill a ruahmanna tha tak tak lo chhuak te han chhiar hian a famkim ang reng khawp maiin ka hria a. A lay out te leh a chhut eng ngemaw hi chu tunhma pawhin kan sawi thin a. Bill meuh a lo lut tur hi chu a felfai tur ani a. Kan House zahawmna kengtu pawh ani tih hi kan hotu tam takin an sawi tawh thin a. Helai hi chu han sawi teh chiam mah ila siamthatna hun a awm tawh chuang lova.

Nidangah chuan hriat a tha khawpin ka ring a. Nia, thutna a zir hian han sawi duh mai pawh hi a danglam thei a. Kan thian thenkhat tan a tlai tawh lutuk an han ti kha tlai ka ti hran lova. Kei, November ah Pathian Khawngaihna kan Inthlanpui hmachhawn turah ingai ila, Political Party hi sorkar na neih tum vek kan ni a. Sorkar thar ina a bawhzui tur he Sorkar in a lo ruahman hi lawmawm ka ti a ni.

Tin, a ruahmanna chungchangah hian India Sorkar ina hemi hma alak tan a vawiin thlenga State Sorkar in a kalpui dan hi a muang lem lo in ka hria. Thil zawn chawp ani a, Committee angina bung 3 in tan an rawn la chho a. A hmasa berah committee an din a, chumi zawh ah MLA engemaw zat tel in an din leh a, chutah Drafting Committee an ti leh a. Entawn tur a awm mai si loh chuan heng kan hotute committee hrang hrang ina hna an thawhna hi kal zung zung thei ani tlat lo mai a. Chuvang chuan theihtawp kan Sorkar hian a chhuah in ka hria a, lawmawm ka ti a. Tichuan a Bill pawh han en khan chulai ah tak chuan kan thalaite hamthatna hi luhchilh aniang han tih mai tur lai kha a vang viau a ni. Amaherawh chu a bul tanna ani a, mithiamte mi experience te, kaihruaitu tur tupawh lo sorkar se tuna kan sorkar ngei pawhin an rawn thlang chhuak thiam turah ngai ila. Hriatna zau tak mi vengva tak te thawh tur chi ani ang tih ka ring a. Tunlai khawvel hi a zim tawh a, lehlamah chuan a zau tawh thung bawk a. Khawvel zim tawh leh zau tawh, kan mamawh danglam nasa tawh te zir thiam mi chuan hei hi an rawn kaih hruai ngei ka beisei a. Kan hotu thenkhatin an sawi tawh ang khan politics ah te leh party ah te induhsakna atang chuan he Bill hi kan thalaite'n an chhawr tangkai tur khawpin kan duang chhuak zo lo ang tih ka ring a. Chuvang chuan mithiam puitling te hemi Bill enkawl chho zel tur hian tupawh in rawn chhunzawm dawn sela kan enkawl chho tha in ka ring a. Kan thawh hona chungchangah party ang pawhin sorkar ang pawhin kan sawi nasa thin a. Chutah chuan hei hi ka thawhpui MLA pui MCP MLA pui Pu Liansuama Drafting Committee Chairman a an han dah te hi lawmawm ka ti a. Member tam tak helaiah hian an tel a, chungten a theihtawp chhuah a an ngaihtuah Bill hi vawiin niah kan pass tha in ka ring a. Kan thalaite hamthatna kan siam loh chuan kan ramin hmasawna tak tak a hmuh dawn loh avangin he Bill kan pass enkawl zui leh ngaihtuah zui tur pawh hian vawiin a member zahawm tak tak hian kan theih tawpin kan tha leh tui leh ngaihtuahna te kan hman chhoh zel a tul ang tih ka ring bawk a. Chung chu a Bill chhunga lut vak lovin he thil tha tak hi vawiinah lungrual taka kan pass hnuah duhtawk mai lovin, Women Commission te pawh alo piang a, an hmalak zelna tur lai hi thil thar a tam tehchiam lova. Chutiang ang mai ni lovin kan pass rualin hmathar lakna tura inrawn khawm zelna ang chi te pawh leh hriatna chi hrang hrang thawhkhawm theihna turin he Bill hi kan hotuten rawn hmang chho sela kan ramin hma a sawnin kan thalaite'n hamthatna vawiin nia bul tanna atang hian an hmuh ka beisei a. Sawi sawp dawn chuan a tam mai a, nupui ka nei ang a chuti khati, fa chutiang ang kan hring ang a, lehkha a thiam thei awm si lova, pawisa a heh viau si ang a, tih ang chi ngaihtuahna nen chuan hetiang Bill hi pass a harsa khawp a. Mahse, fa ka nei ang a, hmeltha tak ani ang a, lehkha a thiam thei bawk ang a tih ang chi a ngaihtuah a he Bill chhawm chhuahna thinlung kan zavaia pu chungin, pass ka rawn rawt ani e. Pu Deputy Speaker, ka lawm e.

PU H.LIANSAILOVA

: Pu Deputy Speaker, ka lawm e.
Vawiin nia kan Bill ngaihtuah hi
kan ngaihthlak tawh ang khan kan
thalai lekhathiam rual hote ngaih

pawimawh tak ani a. Chutiang bawkin political party tin hian kan ngai pawimawh theuh va. Keimahni party theuh programme leh policy kan zawrh ah kan tarlang theuhin ka hria a. Tin, kan conceive dan erawh chu thui tak sawilan, tam takah kha chuan a awm lova. Keini Congress Party lamah erawh chuan chipchiar deuh taka tarlan ani a.

Hei vawiin ni ah hian Youth Commission hetiang a dinna tur Bill Sorkar lam in a rawn pulut ta hi a hun thu ah te a tlailam ani lo maw ti mah ila, dan siamna tur hetia kan han chhawpchuah hi chuan kan zavaia kan ta tur anih dawn tak avang leh kan lo ngaihtuahna hrang hrang theuh a kha hemi hmang hian a ti thei dinhmun a kan din chuan henge pawh siam that ngai lai te siam tha in, ti hlawhtling tura hma kan lak avangin a lawmawm em em a ni.

Hei, thil pawimawh tak kan sawiho tlang ani a. Chutah chuan a lawmawm lam a hi thlirna pakhat kan rilru a lian deuh ber ka ring a. Engemaw thil pawimawh member ten an sawi tak ang in venna tur tawk te pawh chu an han sawi chhuah tawh angte pawh kha thil sawichhuah awm tak tho niin ka hria.

Hei, vawiin hian tawngka chuan kan rilru pawh ani tho ang a, thalaite an pawimawhna kan sawi fo a. He dan hmang hian kan thalaite kan ngaih pawimawhna leh kan ram society bakah sorkar hmalakna ah pawh prominent place kan pek na tur alo ni ta a. Chu chu a lawmawm hle a. Tin, kan thalaite hi tuna kan ram kan dinhmun pangngai ang ah pawh hian harsatna tam tak, a chhe zawng a sawi tur awm mahse an mahni ah ram tana beiseina tur leh inngah chhan/tlak an nihna hi a lang chiang hle in ka hria. Duat tak leh an mamawh ang a opportunity tha pe a kan enkawl theilo chung pawhin, hei India ramah pawh inkhelhna - Football ah Mama te, Robert-a leh an thian dangte Indian National Football ah pawh langsar leh team tha a lut thei in an awm a. An hnung zuitute an chhuak thluah thluah a. Tin, boxing anih pawhin kan hria a NI. Jenny Lalremliani te, chutiang chuan infiamna dang dangah pawh ani chhova, hengah hian an mamawh ang facility kan pek pawh awm lo, harsa taka anmahnin a theih ang ang Sorkar lam emaw Department lam emaw atanga enkawl na an dawn beitham tak ani chung pawhin, hetiang hian an in chherchhuak thei a. Chutiang chuan kan ram hmasawna kal zel leh India ram leh khawvel hmasawna kal zelah information technology ah pawh mahni sut sut an lo su ani a, kan session lai pawh a kan ngaihthlak tawh, kan thalaite zingah computer Engineer zirlai, Japan ram company in a zir zawh huna thlakhat a nuaikhat a rawih tur an rawn book daih tawh ani tih te pawh kan ngaihthlak kha. Sorkar lam atanga puihna tha dawng em em lo pawhin mi ropui tak tak tur hi kan thalaite zingah an inphum thluah a ni. Chutiang chuanin harsatna sutlangin an rawn in dai chhuak thei a, hetiang a anmahni prominent place pe a Sorkar in ngaihtuahna tak tak hmang a dan leh enkawl na tha zawkte, kaihhraina leh ngaihsakna tha zawkte pe a hma kan lak zel chuan kan ram hi kan thalaite avangin beiseina sang tak kan la nei zel ang tih hi ka hmuh dan ani a.

Tin, Look East policy kum hnih kum thum lek ah min rawn hawn sak mai dawn niin alang a, chutiang anih chuan hman ni a kan sawiho ang khanin keimahni kan in buatsaihna leh kan development planning zawng zawngte, kan zirna lam thleng pawhin Look East policy orientation a kan kal hi a hun hle in ka hria a. Chutiang atanah chuan Youth Commission pawh hi tangkai taka kan hman theih tur niin ka hria a, chuvang chuan hei hi kan thalaite tan a pawimawh a, kan ram tan a pawimawhin ka hria a chu chu vawiin ah hianin ka'n sawi lan duh chu ani ber a.

Tin, a dan hi a Bill kan sawi ah hian chapter 1-5 te han enchhuah hian engemaw typing mistake leh spelling dik lo deuh chu a lo awm zeuh thin na a. Section 20 chapter 5 chhungah hianin a thu han dah hi tun atan chuan tih tak zeta a hmangtuin a kan hman chhoh chuan a tha chhawm chho turah ka ngai a, tihawm tak takte pawh ani velin ka hria a Youth Commission function tur thu ah hian. Amaherawh chu effective taka a function theihna tur erawh hi ngaihtuah a ngai ang.

Tin, tunhma khan keini party lamin, kan hotute nena kan sawiho leh committee ah te pawh kan thlir ho ve thin naah chuan Corpus Fund te pawh hi a nei tur ani tih kan sawi thin a. Chutiang chu tuna kan Youth Commission pawh hian Corpus Fund nei a, chutiang hman a operate theih ngei tura kan duh a kan zirlaite, kan thalaite, lehkha thiam te hna an hmuh theihna tur te leh engemaw remchang an chet theihna tura tanpuina tur Fund emaw puk tur ang zawng emaw a hmalakna tura hi ngaihtuah tel a tha hlein ka hria a. Chu chu tunah a awm lova, nakinah a rule lam atangin emaw a Sorkar in a programme policy atangin emaw la rawn tihlawhtling turah ngai ta ilangin.

Tin, chuloah chuan hei Information Technology ah te tun laiin India ramah hna tam tak a awm dawn tih hriat ani a. Chung lamah te tan kan lak chhohna tur atanah pawh hma hruaitu a nih ka ring a ni.

A tawpna atana kan sawi duh chu kan ram chhungah ngei pawh heng Agriculture leh Allied Activity ah hian kan thalaite hi kan hnuhchhuah vek mai lam ang programme hlira kan kal chuan kan ram economy hian ala tuar dawn a. Chuvang chuan heng eizawna kawng kan ram a awm, lo neih leh ran vulh te, sangha khawi te, silk pangang khawi. hengte hi kan thalaite pawhin a thawhna tlak leh eizawna tlak, hausakpuina tham a an hman theih tura nichina kan sawi ang khan Look East Policy lo kal torah hian kan orientation a ngai hleiin ka hria a. Chu lamah chuan thalaite pawh hi kut hnathawh a hlutna leh a tangkaina zawn pui mai lovin an mahniin a tak tak an practice a, hlawkna leh hlawhtlinna an hmuh theih ngeina tura kan Development Department leh kan planning programmes zawng zawng te, kan education system te ngei pawh Look East Policy orientation nise la a tha hle in ka hria a. Kan Bill han sawi ho a hi kei pawh tha ka ti a, ka thlawp e. Ka lawm e.

PU D. THANGLIANA

: Pu Deputy Speaker, ka lawm e.
Hei vawiin ni ah Manifesto tih
hlawhtlinna pawimawh tak Bill
Mizoram tan a chhinchhiah tlak tak,

India ram State a nei hmasa ber tur Youth Commission Bill put luh an ni hi a lawmawm hle in ka hria a. Vawiin ni ah hian he Bill rawn buaipuitu a Department lam leh Minister zahawm tak hnenah lawmthu kan sawi duh a. A chhung khur lampang hi chu kan check vak lo ang a. A pawn lamah hian han sawi tur kha ka'n nei nual a. Nichina an rawn sawi tak ang khan a chhung lamah chuan chhut fel tawk loh leh eng eng emaw kha a awm a. Khang kha kan Minister zahawm takin a sawi ang khan rawn siam that leh tur tho ani a. Tin, Bill reng reng hi vawikhat ah siamthat leh ngai tawh lo tur khawp a siam hi ala awm chuang lova. Hei India Constitution te pawh Amendment ah tih ringawt te pawh hi za chuang ani tawh a. Chuvang in a fel tawk loh na lai te, a that tawk loh na lai te hi chu la amend theih zel, la siamthat theih zel a nih dawn avangin he Mizoram Youth Commission Bill a pawh hi a vawikhat na tur a nih avangin famkim tawk lo mahse kan pass mai a kha kan tih tur pawimawh tak niin ka hria.

Kan thalaite hmakhua thlirna avanga Party tin ten kan ngaih pawimawh em em vawiin ni ah tih hlawhtlin alo ni a. A political party hrang hrang awm mah ila, he Bill a hi chu kan ngaih pawimawh vek, kan election manifesto ah pawh kan lo dah thin a nih avangin lungrual taka kan pass tlan kha a pawimawh in ka hria a. Tin, pass tlang tur pawhin kan ngaihtuahna kan hmang tlangin ka hria a. A lawmawm hle in ka hria a ni. Hei, kan ministry hi mak na tak kan nei a, Dan siam lampangah hian kan siam tha hnem ang reng viau a, chu kan siam tawh ah chuan, nichina Kawrthat bialtu zahawm tak khan a rawn sawi a, Fiscal Responsibility and Management Bill kan han pass a, heng te hi sum leh pai vawn dan tur chung chang leh a enkawlina tur chung chang a pawimawh tak anih avangin kan ram tan a tha, kan in en chianna tur atana tha anih avangin kan Sorkar hian kan han pass mai a. Tin, Municipality Bill chung changah tepawh tunhma hunah khan House ah put luh lo ni tawhin, ennawn a ngai a, la zir chian leh nisela ti a lo hnawl tawh ani thin a, nimahsela heng dan tepawh hi ram neitu tena rorelna kan chan hnuah hian neih in alo awm ta te hi a lawmawm hle a. Tin, tunhma a kan la neih ngai miah loh Separation of Judiciary Bill tepawh kha kan han ti chho ve leh mai zel a, Mizoram tana pawimawh, tul leh tha ni a kan hriat ang a hi he Sorkar hi chuan kan ti mai zel hi an fakawm hle in ka hria a. Tin, kan ngaih pawimawh em em Right to Information Bill tih tepawh hi Central lam atanga hei hi chu tihluhna, loh theih loh ani e ti bawk mahse kan hunlai a lungrual taka pass tlang thei a kan han awm tepawh hi thil lawmawm tak niin ka hria a, heng te hi pass mai kha har tak ani. Amaherawh chu kan ram tana thil tha tur, Sorkar kalphung fel zawk kan neih theihna tur atana dan pawimawh anih avangin lungrual taka kan han pass thei te kha a ropuiin ka hria a ni.

Tin, The Mizoram Transparency Public Procurement Bill te, RTI nena inkaih hnawih langtlang Sorkar a awm theih na tura atana kan ngaih pawimawh, vawiin ni ah dan kan han pass chho tepawh hi a mak khawpin ka hria a. Tin, nimin lamah khan Industrial Area Management Regulation and Control Bill te pawh kan han pass a. Tin, The Mizoram State Agricultural Procedure

Marketing Development and Regulation Bill te pawh kan han pass a. Heng te hi kuthnathawk tute tan pawh a thil pawimawh em em mai ani a. Industry lama hmasawna kan neih na tur ah hian a hmun te han siam thin mah ila, a enkawl dan mumal tak a awm loh avangin harsatna kan tawh ani tih kan hria a, chung angh chuan harsatna a awm loh na tur dan te kan han nei ta a. Tin, kuthnathawk tute hamthat na tur, an thlai thar te, khatiang thlai thar hralh chhuah na turah mumal taka kaihhraina dan kan han nei ta te hi thil lawmawm tak niin ka hria a. Pu Deputy Speaker, he Ministry hi Sorkar kan hrawn tawh zawng zawngah chuan development ah a thawk chak ber ani e tih hi mi te min sawi dan anih mek laiin, chulam pangah mai ni lo, Mizoram tana dan pawimawh tak tak siamna lamah pawh hian a ber hauh thei a kan han awm hi thil vanneihthlak tak ani a. Hei, vawiin ni ah The Mizoram Youth Commission Bill lungrual takin kan han pass dawn leh nghal a. Hengte pawh hi chhinchhiah tlak tak niin ka hria a ni.

Tin, Pu Deputy Speaker, heng dan kan han siamte hi mi te tihhlawhtlin atan mai emaw a mawi hmanga hamthat lak tumna emaw hmai inphihfaina mai tur ang atan emaw a siam kan ni lo tih hi Mizoram mipui te hian min hriatsak kan duh a. MNF hian Mizoram tana tha anih hi chuan, keimahni tana tha vak lo tur ang pawh kha kan ti mai zel a. Chuvang chuan, ram neitu nihna thinlung pu kan ni tih pawh hi heng atang hian a lang chiang viau in ka hria a. Thil tha vak lo duh ang hial in miten min sawi thin mahse, heng kan dan neih tawh zawng zawng atangte, vawiin ni a kan dan han pass tur atangte hian he hnam tan hian rilru tha tak pu kan ni tih pawh hi Mizo mipuite hian min hriat kha a pawimawh khawpin ka hria a. Tin, heng dan te hi mitten an tihhlawhtlin tur atana siam kan ni lova, Mizoram tana thil tha, a leh pek zelah pawh hian Pathian zarah damte in kan awm ang a, 2008 kumin kum tawp lamah inthlanna kan han nei dawn a. Chungah te pawh chuan heng dan tipuitling tur hian arsi hi a eng zual zel dawn ani tih lai a pawh kha kan rin dan, mi te rin dan ani a. Chuvang chuan, Pu Deputy Speaker, vawiinah dan tha tak mai, Mizo thalaite'n a harsatna an tawh tam tak kaihruaitu tur, tihhlawhtlin sak na tur a pawimawh em em dan tha tak The Mizoram Youth Commission Bill, 2008 hi vawiin ni ah lungrual takin I pass ang u tih kha ka'n sawm na ani e. Ka lawm e.

PU LALHMINGTHANGA

: Pu Deputy Speaker, ka lawm e.
Vawiin a kan Bill ngaihtuah lai
meka hi thil la awm ngai lo,
member dangte pawhin an sawi tawh

kha. Khatiang ang thil thar anih avang hianin a lawmawm ka ti khawp mai a. Engemaw hetiang ang Clause leh a Section neuh neuh zawng khanin ka sawi lovang a. A kaltluang tlam tha a. Kha correction ngaite chu an sawi tawh a. Kan sawi duh lai taka hi chu Functions of the Commission tih lai hi ani a. Heta an han chhoh danah hian a tha khawp hlawm a, 'a, b, c, d...e' thlenga a han kal hi. Amaherawh chu, heng implementation ah hian thinlungah khawpui a lehkhathiam thalaite ringawt te hi kan target palh ang tih a hlauhawm viau mai.

Hemi Youth Commission hi chuanin huapzo taka thingtlang lama thalaite- a Mizo hnam pumpui huap deuh mai a Commission hi an kal a tulin ka hria a. Mizo hi hnam naupangte kan ni a.

Amaherawh chu, kan hnam naupan a leiah hian kan taksa bung hrang hranga skill han developed thei a hi ala sang em em mai a. Hnam upa tawh hote hi chu kalna line bik 'profession' an nei a, khami piah lamah kha chuanin talent an nei tawh tak tak lova. An pi pu atanga an inthlahchhawna ah khan leilet miin lei a let ngawt ngawt mai a. Bawng vulh miin a vulh ngut ngut a...chutiang chu ani a. Keini chu kan talent hi engkima hman that theih ala nih lai tak a hi Youth Commission kan dinte nen hianin inrem tak ani a. Hei, India ram khawpui hrang hrangah te kan han kal a, hmeichhe scooter khalh te hi an tlem em em a. Hnam hausa leh kan aia hmasa daih anni a. Tin, motor khalh te an tlem a, amaherawh chu Mizoram ah chuan kan hmeichhia, kan thalaite hi an zeim em em a, hengte hi an a pung sawt em em a ni.

Tiang khanin, kan skill a hi developed a awl em em mai a ni. Chuvang chuan, hei hian huapzo takin mi lehkhathiam loh anih pawhin ama thawh tawk tura kha thingtlang khuaah te pawh ngaihtuhsak niselangin, trade tur khatiang ang zeal kha. Tichuan, hei hian tangkai takin hna a thawk theiin a rinawm a ni.

Tin, thil dang dangah pawh kan fit zia chu - entirnan - silai te hi han ti ta ila, Mizo tlangval tawh pawt hi chuanin a hmuh ngai loh pawh han la chawt selangin, a kau dan leh a mu load dan engkim an thiam mai a, aim dan an thiam a, ka tawng an huat thu suhah hnam thenkhat chu Bangladesh Liberation War ah te pawh khan an volunteer te kha Rifle te an han pe a, an chhip chuan vu vu mai a. Khatiang khawp a zeim lo kha anni tawh a, chutih lai chuan keini chu potential hi kan nei tha em em a ni. Tunah hian kan ram a pawimawh em em a ka hriat chu khawvelin hma a sawn chho zel a, kan in sak dante leh thil reng rengah hian modern technique kan lo hmang chho ve ta a, cement concrete tih ang te, kha kha thingtlang a mi pawhin tih ve zel an duh ani a. Amaherawh chu kan thalaite, kha ti zawnga guidance an neih loh avangin tunah hian ram pawn lam atangin hnathawk mi, cement leh masonry work ah hian tam tak a sing tel, a nuaih tel deuh thaw kan ramah kan lalut a. Chung ang te chuanin kan ram a pawisa tam tak kha min eisak a, chu bakah an ramah an thawn thla ta a, khatiang khan sum a chhuak ta thin a ni. Heng man power replacement tur te pawh hi mumal takin Commission hian in duang selangin, engemaw White Colour Job kan tih ang lehkha thiam ang lampang ngawta kal ni lo khan, kan ram leilung hausakna haichhuak thei zawng a eng nge ni a contact area a thil kan climatic condition leh kan soil condition ten a inhmeh zawng khatiang ang produce dan tur kawngte pawh kha thalaite hnenah hianin hrih hriat ni thei selangin khang khan in kan ram hmel hi ati danglam chho dawn ta a. Heta a function pakhatna (1) to evaluate the progress of the development of the youth in the state tih hi chu a general viau mai a. A (b) naa to inculcate and to educate, educate tih hi a remchang vak lo in ka hria a, tah hian to inculcate among the youth the dignity of labour and hard work and to educate them tiin emaw a piahah hianin dah leh ta ilangin a tha zawk mahin ka ring a. Heng laite hi ropui taka siam chhoh theih ani a. Dignity of hard works and labour tih hi tunah hian kan kalsan lek lek tawh a, kan pi pu te a awm tha em em a kha. Hengte pawh hi tih tak zeta kan thalaite ah hian zu inculcate leh a, he ram leilung nena an chakna leh an thahrute inzawm a, kan ram hi productive a siam a, keimahni products atang hian sustainable economy agrarian society te pawh hian an neih theihna tur kawng zawngte pawh hi zawn tel ni te selangin a tha em em in ka ring a ni.

Tin, C- naah to coordinate and lies one department or more departments with the other for securing better education and employment opportunities han tih te hi a tha ani. Chutiang chuan a function tura an han ziah chhuah pawh hi la kim biai lo mahse ala function ang a, hmuh chhuah tharte pawh a awm ang a, khatah khan kawng thar te pawh la buatsaih zel theih a awmin ka ring a. Tin, tunah hian kan ram ah chuan kan sawi theuh ang hian India Sorkar in Policy thar arawn siam a, kan ram tan bik pawh ni chuang lovin, hemi South - East Asia a ram hrang hrangte nen a economic a inzawm tlan a in sumdawn tawna, India hi super power a a kal chhoh ve theihna tur a tan te look East Policy te arawn siam a. Hengah pawh hian thil tam tak helaia kan lo in train lawka hemirawn thleng tur hmannah pawh khan Resolution kan sawi tum khan a dawn sawn dan turah zawk hian uluk taka kan lo inbuatsaih a, tin khami kan inbuatsaihna khan kan hnam identity te hi nakinah assimilated lo tura kan lo inven that a, kan nula leh tlangvalte pawh zahawm tak a heng thil lo kal tur, tin khanga hnathawk tura kan zinga lo kal tam turte pawh lo dawng sawng thiam a, tin keimahni hlawkna atana heng hi hmang thiam turin kan inbuatsaih a pawimawh ani tih kha hmanni pawh khan ka sawi a. Chung ang han buatsaih tur pawh chuan heta commission hnathawk tur hi a tam em em in a tul em em in ka hria a. Tichuan, Pu Deputy Speaker, han sawi zel chuan sawi tur a tam mai a. Mahsela, vawiin hi kan hun hnuhnung, last day anih tawh avangin Dar 4:00 Pm hmaa zawh kan tum bawk si chuan kha kha ka duh tawk mai ang a, ka sawi tum kha chu a tlangpui chuan a langin ka hria a. Hun tha tak min pe a, he Bill hi lungual taka kan pass pawh a tha e, karawn ti a ni. Ka lawm e.

PU K. LALRINLIANA

: Pu Deputy Speaker, ka lawm e. Vawiinah Bill tha tak mai 'The Mizoram Youth Commission Bill' putluh anni hi a lawmawm hle a. Kan

Minister te chungah lawmthu ka sawi a. Department hmaah pawh. Thalaite enkawlna tur chungchangah ngaihtuahna kan hmangtlang a. Tha takin he Bill hi kan Pass dawn ni te pawhin a lang a.

Kan ram hi tunhma han thlir chuan kan Youth Commission te hi Moral Reform na tur ani pah zel dawnin alang a. Kum 10 kal taah khan NLUP sem lai khan tlangval pakhat indang tawh hian NLUP a dawng a, a dawn tuk zingah ka motor khalh min lo phar ding a. A lo rui em em a, a ipte ah hian pawisa kha alo la ak tan mai a. Ka vawk trade thlan hi ka duh leh lo satel vulh ka duh leh zawk. Kum 1 ah vawikhat chauh chaw pek a ngai an ti alo ti a. Khatiang khan a policy kha a tha em em rual khan a dawngtute khan ngaihtuahna an hmana kha a puitling lo va. Chu chuan keimahnin kan la phak lohna avangin thil kha a kal ve thei a ni. Vawiin ah pawh hian thalaite ngaihtuahna alo zau chho zel a ni.

Tunhma ai khan TV te pawh 1982 te chuan Kolasib ah khuan a awm ve chauh a. Vawiinah star TV kan nei a. Khawvel pumpui darker tinin thilthleng kan hria a. Hmuhchhuah thar tam tak thalaite'n an hmu tawh a ni. Chutiang chu an rilru anih tawh avangin an ngaihtuahna te pawh alo fing chho viau tawh a. Naupang te te tepawh, khatiang zawng a hmasawna alo awm theihna turin ngaihtuahna an lo hmang nasa tawh a ni. Chuvangin, MNF Sorkarin a

kan Manifesto hlawhtlinna tur atana Youth Commission din tur a Bill putluh anni chho a hi a lawmawm hlein ka hria.

Kan thalaite hian mi ram ah an tih dan an sawi thenkhat ka hriat dan ah chuan thalaite tana kawng hrang hrang, nichina kan ngaihthlak tawh angina labour atanga lekhathiam na kawngah khawvel lo changkang chho ah science leh thil hrang hrang ah eizawna hrang hrang a te ber atanga a lian ber thlenga an neih theihna tura kha ngaihtuah a pawimawh in an lo kalpui dan an sawi pakhat ka hriat ah chuan agriculture lamah te, horticulture lamah te, tin leilung hausakna haichhuah na kawngah te thalaite eizawna kawhhmuh thei tur khan nasa takin tan lak chu ani thin ani tithe an sawi thin a.

India ram ah chuan a Commission hi din ala nilo a, kan kal chho dawn ani a. Mi te pawhin kan tih an entawn a engtinge an tih an la ti chho dawn a. Mithiam dangte pawn thurawn min la rawn pe zel ang. Kan thalaite eizawna tur kawngah hian functions of the Commission tih chapter 3 clause 9 (f) ah khan 'to advice the Government in the planning process for the socio-economic development of the youth' tih kha a inziak a. Sorkar ah pawh plan siamna a advice tu tur ani chho dawn a. Thalaite tan Department hrang hrang ah khawilai hi nge niang, khawi Department hi nge thalaite kalna tur nge niang University te pawh kan nei ve tawh a, research base in engnge an kal chhuahpui thei tur tih ang chi zawng zawng kha ngaihtuahna an hmang thei ang a. Chu chuan kan thalaite tan kawng a hawng dawn e. Entirnan - Agriculture ah lo ni ta se hmanni ah All Mizoram Graduate Unemployed Association, Kolasib District hruaitute ka hnena an lo len in ka lo sawi a. Thalaite lekhathiam hna hmulo tam takin awm a, a pawisa khawn leh tiang chi ringawt ngaihtuahna hmang lovin Sorkar policy kal lai mek atang hian thalaite hian lekhathiam hna hmulo inti te hian engtin nge eizawna kawng kan dap chhuah theih ang. Kan thalai pui te hi kan ngaihtuah pui theih ang tih ngaihtuah zawk ta ula, entirnan - oil palm te pawh kan lo ching ta, hetah pawh hian nangmah ni ang hian Society te pawh din ta ula, chutiang chuan in lekhathiam hna hmulo in ti te pawh hian hna in hmuh theih nan helaliah hian kawng a in hawng em? Chutiang zel chuan thlasik thlai chin thleng pawhin, tomato hmun siam thleng pawhin, mi ten an hausakpui ve na tham ani tih ngaihtuahna an lo hman theihna tur atan. Chutiang zawng chuan rilru seng teh u a! tiin ka lo ngaihtuahpui thin a. Tin, a bik takin music te, fine arts, sports lampang te, chi hrang hrangah talent nei tak tak te kan chhawp chhuah theih a, Mizoram mai ni lova, India ram pum... Pu Speaker, chutiang ang chuan kan Youth Commission hian in kan thalaite tan hian hmasawna tur tam tak a chhawp chhuak thei ang tih hi ka ring tlat a. Heng ang vawiin ni a chhawp chhuah alo ni thei hi a lawmawm takzetin ka hria a. Chuvang chuan kan ram hian a thau phah ang tih pawh hi ka ring tak tak a ni.

Tin, nichina kan han sawi, khawchhak lampang te nen a kan in dawr pawhna tur hmanni lawkah Pu K. Vanlalaua kan MLA zahawm takin a Resolution kan han pass tak kan in dawr pawhna tur kawngah phei chuan anni khi an chak tawh a, hmanni lawkah khawchhak lama kan han kalnaah pawh an thalaite hlir kha engkim min kawhhmuh tu anni tlat tawh mai a ni. Chutiang chuan keini pawh hian chumi ni tur atan kum 3 lek a kawng a lo in kal pawh dawn a nih phei chuan vawiin ni hian chutiang zawnga tan kan lak hi a ngai a, hetiang a

kan sorkar in kan thalaite hmakhua tur ngaihtuah a hetiang a ruahmanna a rawn siam a rawn chhawp chhuak ta hi keimahni hian India ramah pawh Literacy percentage ah a sang ber kan nih ang bawkin thalai intodelh, hnam intodelh na kawngah pawh hian India ram State hrang hrang tehna kawngah pawh hian a ti tha state pawh hi kan la nih phah ang tih pawh hi ka rin phah hial a ni. Chuvang chuan vawiin ni a kan Bill hi pass ngei turin member zawng zawngte ka'n ngen duh a. Chu chu ka duh dan ani tih kha Pu Speaker, ka'n sawi ani e. Ka lawm e.

PU SAILOTHANGA SAILO

: Pu Speaker, ka lawm e. Hei kan Youth Commission Bill pass thei tura tha seng zawng zawng kan Minister leh official te leh kan zirlai

hotute hnenah lawmthu ka sawi duh a. Hei he Commission hi fimkhur sela, merit ngaipawimawh ber fo sela, he Commission hi a hnathawktu lak leh ruat chungchangah pawh Sorkar fimkhur hle sela, part seal hian rorel lo sela, ka duh khawp mai a. Chuan he Bill kan pass ruala ka rilrua lo lang chu, hemi Look East Policy kan tih leh, heng quality education carrier guidance coaching class, mithiam lak luh, vocational institute leh man power tih hi ka rilru ah a lo lut a. Ka sawi pawh deuh nawk ang a, hemi powers and functions of the commissions tih lai hi chawhruala kum 23 leh 25 inkar thalai thahrui chhawr rual hi India ram hian ram dangte aiin a ngah ber a. Heng thalai rualte hian market zawng turin Central Sorkar an nawr reng a. Khawvel thalai rual tamna ber a nih na hi rawn chhawr tangkai turin Company tam tak India ramah an lo lut reng a. Chutih rual chuan India thalai rual tam takte pawh rampawnah an chhuak ve baw k a.

Pu Speaker, helaiah hian ka ngaihpaawimawh deuh vocational institute hi Mizo te hian skill kan nei tha a, kan potential a tha baw k a. Mizo te hi hnam thatchhia kan ni lo, kan thalai tam tak te pawh hian tui zawng leh phur zawng an nei. India ram hmun dang mai bakah foreign ah te pawh thawh chak tam tak thalaite zing ah an awm ngei ang. Mahse, heng hmun hrang hrang ah te hna thawk tur hian kan thalai tam ber te hian thiamna skill an nei lova, chuvangin thiamna skill an neih theih nan vocational institute tha din a pawimawh hle in ka ring a. Entirman, USA leh Europe ah te kan thalaite thawh tur engnge tiin han zawnsak dawn ta ila, a chungka kan han sawi hi kan tih tur hmasa a nih ka ring a. Chuvangin Pu Speaker, kan thalaite good quality of education pe ila a tam thei ang berin State leh ram pawn ah hnathawk sela, kan ram hmasawanna leh nawmna bul a nih ngei ka ring a. Tin, he Bill ah hian telh chi a ni kher lo a nga, Hnam Run kawt a motor an duh hawi zawng zawng a dah mai hi he Bill ah hian tel chi ani lo na in miin hnawksak an ti khawp mai.

Tin, man power chungchang a kan thalai, India ram hmun hrang hrang mai bak ah foreign ram hrang hrang a hnathawk thei tur a thiamna leh theihna pek a pawimawh a, hei hi kan tih loh chuan kan thalai tam tak te mi hnawksak, buaina hrang hrang chaw k chhuaktu anni thei a ni. Chuvangin, kan thalaite hi India ram hmung hrang hrang bak ah khawvel hmun hrang hrang a thawk thei tur a thiamna pek hi policy maker te mawhphurhna niin ka'n ring ve ringawt a. Pu Speaker, vawiin a kan Bill put luh tur hi a lawmawm ka ti a, tiai lua awm ka ti lo. Kum 2008 chauh ala ni a, khawvel hi dam reng tur ah ngai ilang. Tichuan, Pu Speaker, music te, sport te hi a ropui ka ti a, rimawi khawvel ah Mizo te

kan thangharh chhoh zel a, kan thiamna ten hma a sawn zel a, kan Youth Commission Bill kan han put luh hian, mahse kan thalaite hi kan illustrate ang tih a hlauhawm khawp in ka hria a. Sorkar hi a fimkhur viau a, kalpui erawh chu a ngaiin ka'n ring ve a. Pu Speaker, helaiah hian, ka'n sawi ang khan he Bill kan pass rual rual hian rilru a lo lang Look East Policy kan han tih te leh quality education kan han tih te zing a ka ngaih pawimawh leh pakhat helaiah hianin a coaching class angte pawh hi sawi a tlem em em a, tlem kan sawi lang lawk teh ang Pu Speaker, Mizoram ah hna avang chho zel a, kan nula tlangval BA, MA tha tak tak pass ho tan pawh hna avang tih chu kan hre theuh tawhin ka'n ring a. BA, MA nih ngawt vang a Central Service nih ngawt theih ani lova, hna hmuh ngawt theih ani bawk si lova. A pawimawh ber chu, a bul atanga a cheh pakai a zirlaite thiam chhoh zel ani tih hi ka'n sawi uar a pawimawh khawp mai ang a. Chuan training na hrang hrang, IIT han tih te leh technical leh engemaw Central Service a lut tur hian hengah hian tih tur tam tak a awm a. Vawiin ah kan sawi vek hman lo ang a, chuan quality education pawh hi Pu Speaker vawiin a kan englo nen hian sawi tel hi a ngai hian ka hre tho a. Chuan heng kan career guidance han tih hi Pu Speaker tlemte in zirna inkaihhraina hi a pawimawh a, uar deuh deuh a sawi a tha.

Mitinin tui zawng leh chak zawng kan nei theuh a. Amaherawh chu kan tui zawng leh chak zawng ti thei tura thil pawimawh te kan nei em tih hriat hmasak a pawimawh fo thin. Entirnan, matric zir peihlo tan BE leh B Tech zir a harsa ang, tih a hriat theih. Chutiang bawkin English language a chaklo tan IAS nih a harsa thei bawk ang. Chuvangin, zirlai ten zir zel dan tur emaw hna a zawng dawn emaw, thurawn petu mentor hi kan mamawh in ka hria a. Chuan Pu Speaker, a tawp ber atan chuan, he kan Youth Commission thalaite khawvel an lo daizau theih nan. Mizoram dung leh vang a nula leh tlangval zawng zawng te khaweng an lo hmuh theih nan he Youth Commission Bill hi kan pass tur hian Mizoram dung leh vangah thalai nula leh tlangval zawng zawng te tan malsawmna a lo nih na turin he Bill hi pass theuh turin kan han sawm ve ani e. Ka lawm e.

PU H. ROHLUNA

: Pu Speaker, ka lawm e. Sawi tur chu tam tak awm mahsela tawi te ti ila, han sawi hian duham hi a awl ta thin a, tawite a han zawh

chu ka tum ang a. North Vanlaiphai bialtu zahawm tak khan a rawn en zel tur thu a sawi a. Arsi en hi chuan zan hi a lo thleng thin a. Zanlaia arsi hi a eng ania. Zannah hian kan awm reng ang tih hi ka hlau angreng khawp a. Inthlan lehah hi chuan chhunah kan awm tawh em ang chu maw.

Tin, hei Youth Commission Bill hi manifesto ah party hrang hrangin kan ngai pawimawh a, kan dah theuh a. A Sorkar na changtu hian a mawh hi chu Sorkar na an lo chelh tawh hnuah an phur ani a. Tichuan, he manifesto a kan dah dawn hian Central lamah chutiang khatiang chuan a bill an peih tawh a, entawn tur a awm e, tia dah kan ni lova. State hrang hrangin an nei tawh hi i entawn ang, i dah ang, chutiang chuan tha takin i kalpui ang tiin manifesto a dah kan ni lo, tih erawh hi chu kan hretlangin ka hria. Chuvangin vawiin a kan chhuanlam hi chhuanlam tlingah ka ngai vak lo a ni. Tichuan Central atang pawhin hei National Youth Commission an lo din tawh a. 2004 ah report an lo pe

tawh a, 2002 a an din tawh kha. Chutah chuan Central a Joint Secretary, Ministry of Youth Affairs and Sports in lehkha 19.4.2005 a a rawn thawna ah pawh khan State ah hian Youth Commission te lo din turin suggestion a rawn pe tawh a. Chutah chuan Youth Affairs te hi Directorate hrana lo siam te, chutiang zelin Youth Welfare Board te pawh hi District tin a lo din tur ang te pawhin suggestion an rawn pe daih tawh a ni. Chung ang chu wawiin ni ah hian Central Sorkar in thurawn min lo pek tawhna ani a. Mahse, wawiin ni a kan thlen chin chu hei chauh hi ala ni. Chuvangin thalaite dinhmun hi inthlan dawn a kan intiam ang hian kan ngaihsak tak tak lo em ni? tih hi wawiin ni ah kan sawitlang duh a. A chhan chu vote kan duhlai hi chuan kan sawi leh mai thin a. Mahse ka sawi tawh ang khan manifesto a kan dah dawn te, thalaite thatna tur kan sawi lai inthlan hma te kha chuan State dang kan entawn ang a, Central kalphung kan entawn ang a ti a dah kan nilo ka tih tawh kha. Chuvangin a tirah Sorkar na kan inbun phat khan he manifesto a kan dah hi chu engchin nge kan dah, engchin nge kan tih theih tih kha uluk takin kan ngaihtuah anga hma kan la tur a ni. Chu chu Zoram mipui tana roreltu kan nih chuan kan tih dan phung tur a niin ka hria a. 1989 Congress party in Sorkar na a lak khan rangva sem manifesto ah a lo dah a, NLUP te a lo dah a, a Sorkar tuk reiloteah a sem mai a, chutiang thi chuan wawiin ni ah hian he Youth Commission pawh hi thalaite'n an vei a, pawl hrang hrang NGO te, Zirlai Association hrang hrangte pawhin ti turin party te min ngen angina hma kan la tlang a, manifesto ah kan dah ani a. Chutiang chuan chak takin party a Sorkar na chelhtu hian hmala nise wawiin ni ah hian hei aiin kan kal thui tawhin ka ring a, chu chu ka'n sawi duh a ni.

Tichuan a Bill hi tunah peih a lo ni ta a. A Bill hi kan chhiar a ka thiam ang tawh hi chuan kan zir a. Amaherawh chu duhthusam tak tak erawh hi chu a move tu kan Minister zahawm tak Department changtu in a sawi tawh ang khan ani pawh a bangbo deuh a, a zan kal hle ani tih kha a hriat theih a. Chuvangin beiseina sang tak erawh chu ka nei hranpa em em lo a ni. A function heta an ziahlan atang pawh hian kan beisei ang ram leh Youth Commission mipuiin a kan lo hmuah dan ang hi chu kan thleng phak lo mai awm mang e aw tih hi ka ngaihtuahna ah a awm a. Wawiin ni ah hian Women Commission te kan nei tawh a. An function leh an hnathawh kan hria a ni. Chumi ang deuh tho chuan he Youth Commission hi a kal palh ang tih ka hlau em em a. Kan thalaite hian beiseina sang tak he Commission ah hian an nei ani tih hi kan hretlang vek a ni. Chuvangin helaia a mawhpurte te hian a Bill hi Act a lo nih a hman theih a nih hunah a Rules leh thil dang dang an siamna kawngah pawh uluk taka an rawn buatsaih a, kan ram thalaite tan hamthatna tur leh tha tur a hi an rawn duan chhuah ngei pawh ka beisei a ni. Ka lo hmuah leh riruat ve danah chuan Youth Commission kan din hi time bound deuh hlekin kan ti ang a. Kum khat atan emaw thlaruk atan emaw kan ti ang a. Recommendation Sorkar ah an rawn thehluat ang a, khami zul zui khan Sorkar in a kaihnawih Department dang dangte pawhin hma an la ang a, chak takin kan thalaite tan kan kal torah ka ngai a. Women Commission ang deuh hlekin Youth Commission hi kan kalpui dawn niin alangin ka hria a. Youth Welfare Corporation emaw anih loh pawhin Youth Development Corporation ang zawngte pawhin emaw kal ta ila. Sum leh pai nen tuna corporation kan neih ang deuh te pawhin power nei law law in kal ta zawk se, chu chuan kan ram tan, thalaite tan an mamawhna zawnah khai chhuah an ngaihna laiah pawh an pui thei ang a. An mamawhna lai hi kan zuk address thei tak tak ang tih ka ring a ni. Wawiin ni ah advisory commission/board ang deuh ngawt a kan siam laiah hian ka duh thawh

deuh hlek a chulai chu ka'n sawi lang duh a ni. Sawi tur tam tak a awm a, mahse hun kan nei tlem si a, a chep bawk si a thui tak ka sawi tawh lovang a. Vawiin ni ah hian kan Sorkar hi kan thalaite tan a inphal a, sum leh pai pawh ruahmanna tha zawk kan siam a, thalaite khai chhuah kan tum tak tak loh chuan he hnam hian hmasawn zel kan tum a nih chuan kan ram, kan hnam tan hian a la pawl thei ang tih ka hlau va. Chuvang chuan tuna Sorkar na chelh mek tute pawh hian tun ai hian sum leh paiah ani emaw thil dangah ani emaw kan ram thalaite tan hian inphal leh inpe zawkin hma la se tih ka duh tak zet a ni. Vawiin nia Bill kan neih ang ang erawh hi chu kan pass chu a tha in ka ring a. Chutih rual rual chuan a keng kawh tute lam hian tih tak zeta he Bill leh a kaihhnawih hi an rawn tihpuitlin hi chu a tha in ka ring. Ka lawm e.

PU H. VANLALTHALIANA

:

Pu Speaker, ka lawm e. Vawiin ah Bill tha tak 'The Mizoram Youth Commission Bill' kan sawi ho hi lawmawm ka ti a. Tha tak a kan pass

pawh ka beisei a. Tun kan Term atana tlai deuh ang a sawina te kha a awm a. Amaherawh chu 'thlen loh ai chuan tlai deuh a pawl lo' sap thufing in a tih angin, neih loh ai chuan neih hrim hrim a hlawk a. Nei thei tur a Mizoram Sorkar aiawh Minister leh Department inbuatsaihna hi lawmawm ka ti a. Mizoram Sorkar hian tun term chung reilote ah hian Sorkar hmel ti danglam dawrh thei tur dan tha tak tak engemawzah a passed a. Fiscal Responsibility and Financial Management tih te, Transparency in Public Procurement tih te hi chu a ropui thlawt in ka hria a. Sorkar in mipui rawngbawl na a lang tlang reng thei tur a ruahmanna a nei chho hi ropui ka ti a. Heng dan zawng zawngte hi ka ngaihtuahin Mizoram Sorkar, kan Chief Minister Pu Zoramthanga kaihhruai hian Mizoram mipui leh Zoram tan hian thahnemngai in hna theitawpin a thawk ani tih a tarlang in ka hria.

Ka sawi tak ang khan, he dan hi a tlai, election manifesto ah vote duh avangin in nei tih te awm bawk mahsela, India ram State dang te pawn an neih loh dan anih avangin, chumi atana inbuatsaihna avang a a lo tlai deuh anih pawhin hriatthiam tha in ka hria a. Neih loh ai chuan nei thei tur a hetia a lo awm ta hi eng hawi pawhin a hlawk ani tih ka tarlang hmasa duh a ni.

He dan hi thalaite, kan ram mihring zawng zawngin a kan ram thalaite dinhmun en a, eng hawi zawngin nge kan thalaite hian hmasawna leh ramdang khawvel umphak tur a awmze nei in ka an pen thei ang tih ngaihtuahna atanga lo chhuak niin ka hria a. Party tinin kan duh vek a. Kan thalaite khawvel, an eizawna leh an hmalam hun tur inbuatsaihna tur kan duhsak vek a, chumi atan chuan election manifesto ah pawh kan telh a ni. Chutiang kawng ngaihtuah chuan Department leh a changtu Minister pawh hi hemi hawi zawng a Minister zahawm tak thusawi ka hriat chu, Labour Law mumal pawh Mizoram ah kan la neilo ani tih a sawi chhuak a, chu chuan ngaihtuahna thui tak min pe a, kan ramah hian kuthna thawka eizawng mi tam tak an awm a chungte dinhmun ngaihtuahna tur dan pawh kan la nei mumal lova, hmasak tam tak kan neih laiin a sulsutu pawimawh tak mai Youth Commission Bill a rawn lut hi lawmawm ka ti em em a, lungual taka kan pass pawh thain ka hria a ni.

Politics luh ve min ti chak em em tu chu ram mipuite tanah eizawna ngelnghet an neih theihna turin engtin nge Sorkarin tan a lak theih ang tih hi ka rilru a awm ve thin ani a. Chutiang atana tangkaina te kan neih ve takin tiin kan lut ve ani a. Heng hi ka ngaihtuah lai a hetiang Bill alo lut ta hi kan thalaite lehkhate zir a an hmalam tur ngaihtuah thiamlo tam tak an awm a, chutiang kaihruai a, tanpui a, finchhuah theitu tur Commission pawimawh tak alo chhuak thei ta hi a lawmawm ka ti a. Mizoram thalaite zawng zawng leh mipuite pawh hian kan support in tha kan tih ka beisei a ni. Kan ram thalaite hriatna kawngah an harhvanga, nichina Lunglei South bialtu zahawm takin a sawi ang khan kan potential a tha em em a, hnamdang thil tih kan live zung zung thei a, chutihlai chuan chhungkaw enkawl a, kut ke a in ruahmanna kawngah kan ram hmasawnnate duh angina a chak tawk lo em em a, chutiang thlirna kawnga khatiang ang mihring kaihruaitu tur Commission lo awm thei ta hian kan politics ah, kan economics ah awmzia a neih chhoh hle ka beisei a, hun lokal turah. Chutiang hawi zawnga Sorkar pawhin tan alak a hma alak chhoh thain ka hria a ni. Kum 2004 November thla niin ka hria a, kan Planning Board Vice Chairman zahawm tak hi Hnahlan ah ka zui a, Hnahlan khua a an thusawi khan ka rilru a la em em a “Grape kan chinga, theih tawp a kan beih chinah chuan thalaite hi khua ah kan awm hman tawh lo, kan grape hmunah hlir kan awm a, khawlaia bawng ek, tunhmaa la zak thin kha bawng ek hi a chuhin kan inchuh tawh a, hnathawh hi kan zak miah lo a ni, hnathawhin awmzia a neih tawh avangin” an ti a, chu chuan kan thalaite leh Mizoram mipuite an thatchhia ni lovin eizawna tur kawng zawh tur mumal tak kan hriat loh avanga inthlahdah anga min awmtirna kha a kawkin ka hria a. Chutiang ka ngaihtuah chuan he Bill hian kawng tinrengah hnathawka ei zawng tan te thiamna bik nei IT lamah te leh kawng hrang hrang professional kawng, sports lamah te pawh ani ang chu, chutiang te tanpuia fuih theitu a nih ka ring a. Chuvang chuan he Bill lo lut hi lawmawm ka ti takzet a ni. Kan eizawna tur ngaihtuahin kan hnathawh thiam tur zawng ngaihtuahin kan thalaite, Mizoram mipui te kan thatchhe lova, a kawng kan hriat lohna lai tak min kawhhmuh theitu tur Commission lo ding ta hi a lawmawm em em in ka hria a. Chuvang chuan lunrual tlang taka kan pass a thain ka hria a, Sorkar naupang tak kan ni a, UT kan nih atanga vawiin ni thlenga kan chhut hian development a kal chak lo em em a. A chhan chu India Sorkar sum leh pai dinhmun a tha lova, India Sorkar sum ring kan ni bawk si a. Kum 2000 AD, Millenium tharah India Economic a lo tha chhova, development pawh a chak a. Chu chuan eizawna kawng hrang hrang a rawn hawng a. Chutiang eizawna kawng lo kawhhmuh leh kaihruai tu tur chu he Youth Commission hi ani a. India ram States dangte pawhin an nei rih lo ani a. Chuvangin famkim tawk lo leh tha tawk lo lai a awm ngei ang. A hun tawng mil a mamawhna ang siam that thin a ngai ang. Chuvangin, he Bill hi lunrual takin i pass ang u, tih hi ka'n tarlang duh a ni. Ka lawm e.

SPEAKER

: Dar 4:00 pelh loh kha kan remti-tlang niawm takin ka hria a, ka dinglam ah hian pakhat a phar a, bakah kan Leader te pahnih hian an

la sawi lova, an sawi duh ka ring a. Engtinngge kan tih ang? Tuna phar chhin a kha ko ta ila, Leader te nen khan, tichuan dar 4:00 kan pelh hret pawhin a pawl lo kan ti mai dawn em ni ang? A nih leh chutiang chuan ti ang aw! Chumi zawhah chuan Wind Up turin Minister kan sawm ang a. Kha kan ngaihthlak chinah pawh kan duh

tlang a niin ka hria a, rei tak Wind Up tur pawh a awm loh hmelin ka hria a. Pu Lalrinliana Sailo.

PU LALRINLIANA SAILO

: Pu Speaker, ka lawm e. Hun rei ka hmang lovang. Tuna kan Bill sawikhawm mek 'The Mizoram Youth Commission Bill, 2008' tih an

rawn pulut a. Sawipui theia kan awm hi lawmawm ka ti a. Tin, ka hmalama min an sawi tawh a. Hei kan hun ve a, kan Budget Session hnunung berah hian lawmthu sawi tur tam tak ka neiin ka hria a. Ka bial mipuite, tin, nangma min kaihhraina te leh thawhpuite lakah hian lawmthu sawi ka bain ka hria a. Chutih rualin he Bill hi a tha ka ti a. Pass pui pawh ka rawn duh a. Tin, kan Minister zahawm takin hmanhmawh leh hnawhsarum deuh hlek leh duhthal a chulmam hman loh a nih thu pawh a rawn sawifiah tawh a. Ka pawm a, ka pawm mai a. A chhungthu te pawh engemaw phuailuai palh a awm a nih pawhin khang pawh kha hriatthiamna zau tak neiin ka rawn ding a ni. Chutih rualin ka rilrua awm chu hetiang ang thalaite hmakhaw thlir thui tak Bill tha tak mai siam tura a hnunung ber mai a kan han ti hian kan Sorkar hian thalaite dinhmun tak tak hi a ngaihtuah lo a mawni chu aw tih tur hian Bill hnunung ber mai a an chang a hi a mawngphah Bill ti ila, tawngkam mawilo ani lovang a. A pawi ka ti a. Tin, hemi chung leh a kaihhnawih thua kan Chief Minister zahawm tak, kan House Leader zahawm tak awmlaia sawi chak, a hriat ngei a sawi tur leh han in share tlan tur pawh awm in ka hria a. Amaherawh chu a awm loh avangin chung chu ka thlir thui lovang a. Kan Minister hi thil tih pawh a tum khawp in ka hria a. Amaherawh chu dan chepin a awm a. He thalaite tan a hmakhaw han thlirna tur leh sport chho ah pawh hian chulai te a chu financial problem tam tak awm thin a hi kan lo hmuh phak ve te pawi ka ti a. Tin, hei NCC ah te a member kan han ni a, min han ti ve a. Amaherawh chu Committee te hi a awm mang reng reng lo mai a. Khatiang khan thalaite tan a hma chak taka la Sorkar ani em tih chu a chiang mai a. Tin, hmalam ah an sawi tawh a. Hei, a hma khan thalai hrang hrangte leh organization hrang hrang ten Youth Commission a pawimawh thu te kan kan lehkhathiam thangthar te leh thahnemngai ten an rawn sawi tawh thin a. Kan neive ta cheng a, kan han en a, hei, ni e, Minister zahawm takin a sawi a, ti thar leh in dintir kan ni a. Zirchawp nen a tih kha kan pawm rualin, ka'n tehkhin berah chuan su a ti se niin ka'n hria a.

Sial khawmawiah, a run dalah kan ti dawn em ni, kan han pass dawn chu ani a. Eng le khawle, a tha vekah ka ngai a. Kan dan pass, tuntum a kan Budget Session a kan dan pass hi dan tha tak tak chu kan pass ngei mai a, amaherawh chu mi te hmuh a mawi, sial khawmawi ang chi kha ani tlangpuiin ka hria a, lo pass hmasak a, kan hnam tan, kan ram tan, khawtlang mipui tan pawh a tangkai tur ang a hi kan bawhpelh tawh niin ka hria a. Amaherawh chu kan la tlai lo turah thil siamthat theih turah ka'n ngai a. Tin, hei ka'n sawi duh chu a point tawpna atan Look East kan ti emaw, International Trade Corridor kan nei dawn emaw, engpawh hi thalaite tan leh Zoram hmasawn na tur hmakhaw thlir tha hi nei dawn ila, pawimawh ka tih ber chu kan term chhunga Budget Session nei hnunung, ka thusawi hnunun ber duh chu kan ram hi a him tawk em? tih hi a ni.

Thalaite hmasawna tur kawng engkimah, kan hma a mi ten an sawi tawh a ka sawi vek lo ang a. chumi thil tak tak ti tur chuan kan ram hi corner hrang hrang, chhak, thlang, kil leh a laium atangte in a him tawk em? Security a tha em? Kan thalaite hi an him em? He Sorkar ah hian rinna an nghat em? Chutiang chuan hel kan khawi em? Hel free na State ani em? Ram ralmuang tak tak ani em? tih hi a pawimawh ka tih avangin ka thusawi vawiin a kan sawi tlangkawm nan chuan hun lokal torah helai member zahawm tak te kan hriat sa ni mahse, kan ram kan hnam dam nan security a pawimawh a, chu kan lungmuanna, peace leh remna leh muanna tha tak Mizoram a awm a hi sawinghin leh tihngina a awm hi ka phal lova, chumi tur chuan kan vai a tan la tlangin ngaihtuahna hun lokal tur atan vawiin atang hian hmang leh zual turin pawimawh ka tih thu ka rawn sawi leh tak meuh meuh a, chu chu a pawimawh ka tih em avangin ka rawn sawi a ni. Kan ram security hi a him tur ani, chhak, thlang, chhim a laili thlengin chumi himna chu i thawk ang u tih hi ka rawn sawi ani e. Pu Speaker, ka lawm e.

PU R. KHAWPUITHANGA

: Pu Speaker, ka lawm e. ' The Mizoram Youth Commission Bill, 2008' a lo lut hi a lawmawm hle in ka hria a. A pulut tu Minister

zahawm tak Pu Z.H Ropuia khan a lo luh dan te, buatsaih a nih dan te, a rawn sawi a. Rei tak chung hemi atan hun an hman thute pawh a rawn sawi bawk a. A tawpah Drafting Committee te siam ani a. Mi experienced tak tak, an Chairman te leh an member te pawh anni a. Hetiang hian a lo chhuak ta ani a. Hei kan han sawi a, kan sawihona pawh kha a tha hle in ka hria a. India ramah hian hetiang Bill, Youth Commission Bill hi sawiho hmasa ber kan ni em ka hre chiah lova. Engpawh nise a pass hmasa ber chu kan ni dawnin ka hria a. Pu Speaker, I veilam a mi te pawh khan a dodal zawngin an sawi lova, a lawmawm ziate an rawn sawi theuh bawk a. Chuvangin, vawiin ni ah hian lawmawm ka ti a. A chhungthu ah hian chapter 3 na lai a thawh dan tur hi a pawimawhin ka hria a. Functions of the Commission tih ah hianin, tin, ka'n sawi duh deuh ber a chu a (b) na lai tak hi ani a. Nichinah khan ka hma ami te khan an sawi tawh a. 'To inculcate and educate among the youth the dignity of labour and hard work' tih hi ani a. Mizo te hi kan thatchhe lo kan ti a, amaherawh chu, tuna kan hnathawh dan tlangpui, kuthnathawktu tena kan thawh dan a hi chu kan in en chu a ngai hle in ka hria a. Thalai kan ni emaw, ni lo emaw, hei kan han zin chhuak thin a, kan feh chhuakte hi tunhma chuan ni chhuah rual te in thenkhat chu an fehchhuak thin a. Tun hnu hi chuan zing dar 10:00 velah te kan zin chhuah pawh hian, tlai deuh deuh ah te an lo chhuak kan hmu a, kan tawk thin a, in nih ve ka ring a. A tlangpui thu in Mizote hi kan thatchhe ta deuh em ni? kan kut hnathawh lamah te, kan lo neih lamah te, kan huan kan feh duh danah te pawh hian kan hna lak hi a zawmthaw ta deuh emawni aw! tih te min ngaihtuah tir hial a ni. Chuvangin nu leh pate pawh kan inen deuh chu thain ka hria a. Kan chhungkua kan enkawl na theuhah te pawh hian, kei pawh ka ni tho va. Chuvangin, labour leh hard work helaia hnathawh dan tur in zirtirna hi ram dang mi te kan hmuh ve chin a kan han zawh hian hei India ramchungah ngeite pawh hian, zing ah an tho va, tiang khan in, an thawk a, ram lum deuhah te phei chuan a lo tul pawh a niang a. Amaherawh chu, a tlangpui thu in an hnalak dan hi keini ai chuan an la na deuh ani lo maw tih

te min ngaihtuah tir a. Chumi ah chuan, Youth Commission hian a zirtirna hna a rawn thawk dawn hi a lawmawm ka ti a ni.

Tin, chubakah chuan, thalaite anmahni intodelhna tur ani tih hi ani a. Zirna kawngah te pawh ram dangah chuan mahni intodelha lehkha zirte hlawhtling tak tak chanchin te kan hre thin a. A tlangpui thuin mahni intodelh a zirte, an awm nawk Mizo zingah pawh hian. Amaherawh chu, nasa zawka in zirtirna hi a tul hle bawkin ka hria a ni.

Tin, chu lo lehah chuan, pakuana ah hian a tawp berah hianin 'I' tihna hi 'to advise the Government in any matter as may be referred to it from time to time' tih ani a. Hetah hianin, Sorkar pawh hi a finchhuah a tul hle a. Tun, kan kalchhohna lamah pawh hianin thalaite zingah hetiang ngaihtuahna hmgang tak tak an awm a, Sorkar hotute hnenah pawh an thlen zauh zauh a. Amaherawh chu a ti tu bik an awm loh vang nge a tak ram hi kan thlenpui vak lo in ka hria a. Chuvang chuanin, Youth Commission hianin Sorkar hnenah hianin hemi Department hrang hrang leh Ministry hrang hrang hnathawh ah te pawh hian thalaite kan chhawr theihna tur lai leh uar tur laia hi an rawn thurchhuak thiam dawn niin ka hria a. Hetah hian Commission tan pawh helai point hi an hman tangkai hle turin kan ring a ni.

Tin, a power ah hian 10 na ah hianin, Sorkar Officer te leh Co-operation te leh body hrang hrang an duh duh kha an hmgang thei dawn kha a pawimawhin ka ring a. Anmahni hi tlem te anni a, chuvangin mi tam zawk an hman tangkai loh chuanin ani tur ang hian kan ram hian kan chhawr pha lo ang tih a hlauhawmin ka hre bawk a ni.

A point te te in kal mai ila tha in ka hria a, tin, a 10 naa hemi thlanglam B na ah hian 'The Commission shall export the possibility of finding resources' tih ani a. Chuvangin, a intodelhna lai tura hi an zawn chhuah thiam kha a pawimawh vein ka hria a. Tin, Sorkar pawhin hemi chungchang thu ah hian nakinah Budget te leh thil dangah pawh a thil phal a tulin ka ring a. Commission hi hna a thawh theihna tur atan chuan sum a duh tam dawnin ka ring a, an mahni ngei an kal emaw, mi tam zawk an tirh chhuah emaw kha a ngai dawn a, chuvang chuanin sum tam tawk tak dah a, hemi hlawhtlinna kawng hi in thlenpui ngei hi ka ring a. Chumi atan chuan sum tam tawk a inruahman thin hi tulin ka ring a ni. Le, he Bill tha tak maia hi kan pass thei ngei dawnin ka hria a, a kalh zawng a sawi kan awm lo bawkin ka hria a, lungtual takin i pass ang u, tih hi kan sawi ve duh ani e. Ka lawm e.

SPEAKER

: Pu Lalduhawma.

PU LALDUHAWMA

: Pu Speaker, an patent error kha an sawi tawh tak na in hemi Section 7 a 'Any vacancy or

defect is the constitution of the commission' han tih kha 'is' hmanna tur ani lo thei ang em? tih lai kha en nise tha kan ti a, 'in' tih tur niawm tak ani a. Tin, section 9 naa 'it shall be the day duty of the commission' han tih hi 'day duty' hi dan a ka chhiar vawikhatna ani a, engnge a nih tih hi min rawn hrilhfiah chiang se ka duh bawk a. Hei kan Commission Body ani dawn a, hetiang hi engemaw zat Mizoram ah kan lo nei ve ta a. Kan experience ah chuan a pawimawh lai ber Board emaw Corporation emaw Chairman atan Ruling Party candidate chang lo te leh Minister chang lo te dah khawm nan kan hmang emaw ni chu aw a tih theih a, khatiang mi kan va dah te kha an tuina zawngte, an talent neihna zawngte pawh alo ni lo palh thei a, chuti a nih chuan kha Board/ Commission emaw khan a thatpui lo thei a, a tuar zawk thei tih hi chiangin ka hria a. Leh lamah tui leh lutuk, phur leh lutuk te pawh a dah palh theih a, entirnan, tu kan tih na ni lovin, Mamit bialtu zahawm tak ang chi te, MLA ten he House chhunga zawhna an han zawh pawh a, Minister chhan hma hmaa lo chhan khalth zel tum ang chi kha an phur leh lutuk a, a thalo ve thei tho va, a lawmawm rual rualin. Chuvangin Chairman va dah dan turah hian kan dah tur mihring kha vantlang ngaih pawh a a awm e, an tih tur hi dah theih a pawimawh dawn ani tih kan sawi duh a. Tin, Member Secretary hi a executive head an nih thin avangin full time an nih hi a pawimawh a. Governor in a appoint kha a tha ber mai a, helaia provision dang Sorkar in a depute theih dan han dah tel khanglan hian a ti dal deuh ka ti a. Deputation a va kal ringawt te kha chu parent department ah khan a la kir leh dawn tih kha a in hrereng a, Sorkar kha a ngam dawn tak tak lo va, a career kha a ngaihtuah dawn tlat thin a. Khatiang khan heng Autonomous Body kan han neih te hi a ti Autonomous lo zo zel thin a. Chuvangin kan mi leh sa te duhsaknaa Chairmab a kan dahna ang, intuamhlawmna anga ka dah chhung chuan Chairman hna te pawh hi a Autonomous tak tak dawn lova, Sorkar kha a sawisel tak tak ngam dawn lo va. Dik chiah chuan tunah te pawh kan Board neih engemaw zat a Chairman ni lai te hian mamawh leh ngaih pawimawh leh ngaihtiam loh an nei ve reng tih hi chu a tak chuan kan hria a lawm. Mahse, House ah chuan an ngaihdan ni lovin an tawng an tawng tlat a ni. Chuvang chuan hei hian ziaka Autonomous a pek hi a chhuhsak leh tlat thin a. Khatiang chi kha a kalpui tak tak na ah hian awmlo thei tur ang bera kan tih pawimawhin ka hria. Tin, Section 9 na a function hi a zau hle a 'Any matter that may be referred to from time to time' han tih te hi a, huap loh a nei lova. A huap zau a lawm a tih theih a. Khatiang a huap zau taka kan tih kha a lawmawm ka ti a. Chutih rual rual chuan sawi lan bik kan han nei leh lawi si a, ngaih pawimawh bik, sawi lan bik kan neiin a lang tlat mai a. Sawi lan bik deuh kan nei rau rau a nih chuan kan rilrua khatiang pawimawh zual kan nei dawn a nih chuan IT han tih te, IIM Management lampangte leh hemi Information Technology te, Enterpreneurship a kan thalaite an kal chhoh a, export leh import licence tam tak an neih chhoh ve theihna tur lai te hi han tarlan a tha hle in ka hria a. Privatisation kawng a lang tello te hi pawi ka ti a. Tunah hian bawngnhute ah lo intodelh dawn tak tak ta ilangin, a market a that tawk a ngai a. Chutiang market a that chuan bawng chaw ching pawl an awm a ngai a. Ran chaw siam pawl an awm a ngai a. Department in a ran chaw a siam zel chuan chance a awm thei dawn lova. Sa lo intodelh dawn ila, kan Vety Department ram leh a senso leh a khawl Budget an hman tawh zawng zawng hi private kutah lut se millionaire nih theihna ani tawh a ni. Mahse, kan thar chhuah chuan an hlawh pawh a la tum thei lo a nih si chuan tuna kan Corporate Body awmsa te pawh privatize an nih theih dan kawng ngaihtuah a, thlai pawh kan ching a nih chuan a chingtu ten market an hmuh that a leh a raw material a hralh ngawt

lova a process tu turin thalaite kan hman a ngai ang. Khatiang zawng khan kawng inhawng se ka duh a ni.

A tawp berah chuan kan Bill a relevant ka tihlai ber chu Vanlaiphai bialtu in arsi chungchang a sawi kha ani a. Arsi neitu tih te, kutpah neitu, arpa neitu, ni neitu tih hi pakhat vek ani a, Pathian sawina a ni. Arsi neitu chuan, "In hmel kha han in enchiang teh u a lo ti a, an in enchiang ngarn lova, an kun tlat mai a," tih kha a lo thleng dik tan ta a. Khawhar lenkhawmna ah te pawh "Kan ram dinhmun hi," han ti dek dek ila arsi symbol hmangtu ho hi chu an muthlu der nghal zel mai a. Muthlu der hi muthlu tak aiin kaihthawh an har leh nghal a. Kha arsi neitu kha, "Ka rel a, ka rel zo tawh, in ram thu chu tuman an ti danglam tawh lovang, Mahal Mahal Sakat Lai," titu kha a ni. An kun tlat avang khan, "Khati kha in nih avangin an kalkawng eng ruih thin chu a lo thim zo ta a," tih a ni. Khami dawt chiah ah khan khua a lo var dawn a. Arsi neitu chuan, "Ka eng hi niin a rawn thlak dawn ani a ti a, mawi em emin ni chu a lo chhuak ta a, malsawmna maicham chu mihlim rual nen panin kan lam mup mup," tih ani ta a nih kha a. Chumi hun a hman tur chu ani he Commission hi. Zan thima hman chi ani lo. Thalaite tan khua a var dawn tawh a, chumi hun a hman tur an lo chhawp lawk hi a pass hi ka phur em em mai a. Pu Speaker, chuvang chuanin arsi dawt ni ti na na na a, 'kan dawt pawh kan ni leh dawn.' Tih talh hi chu a duham thlak deuh ka ti a. Khawvel ah mahni dawt ni thei hi ka la hre miah lova, chuvang chuan mahni dawt leh zel hauh hi chu a diklo ang a, he arsi dawt ah hian ni a lo chhuak dawn a, chuta kan hman tur an lo buatsaih hi a lunglen thlakin a lawmawm ka ti bawk si a, a phurawm ka ti em em mai a, chumi atana buatsaihna tha tak mai an hun tawp dawn lama an rawn ti hi a pulut tu Minister chungah leh Sorkar chungah pawh hian lawmthu ka sawi a ni. Ka lawm e.

SPEAKER

: A sawi tur awm kan sawifel lai khan Pu K. Vanlalauva hi a awm lo aniang. Kan lo in tifel deuh tawh a nia. Ani hi ti hram ila a tha angge. Pu K. Vanlalauva.

PU K. VANLALAUVA

: Pu Speaker, ka resolution nen kan a inmil riau a sawi loh teih loh ka nei tlat mai. Tawi tein. I member te hi Pu Speaker, min

en vel la kan tha khawp mai a. Kan dan tha tak tak pass te pawh kha hmana ka lo sawi chhuah tawh hmana ka mumang, hmana ka lo rawt chhuah tawh kan ti thei zat zat mai hi kan fel khawp mai a. Ka hma lawk a sawitu te thleng khanin. Chuvangin i naute hi kan duailoh zia min hriat sak a thain ka ring a. Chutih rual erawh chuan kan vanduai nge kan vannei, kan free travel kan hman chungchang thil ah dik taka kan hman laia hek leh beih kan ni te hi a mak ka ti a. Chutah i remruatna zahawm takin Committee insiam a, Chairman fel tak leh member fel tak nen. Khung mi 15 hek te chu Ethics Committee in min ko a, (Speaker : Ngawi rawh, khawngaih takin, khami report kha chu motion a nih loh chuan I mention lo ang u.). Tah chuanin, he i member te hi engkimah hian an tha tih a lang reng a. Chuvangin he Bill duhawm tak

Mizoram Youth Commission Bill pass tur pawh hian kan rintlak ani tih ka tarlang duh a. Tichuan, he Bill ah hian fimkhur ngai a tam viau a, a ziak tam dup lo mahse kan kalpui dawn tawh tak tak avangin he mi te hi he House hian in kalpui tur a a ngaihna lian tak kan neihna ah hian, member ten kan sawi tawh zawng zawng ah khan 'an hmang dawn tak tak a' tih nen lam kan han sawitlang te kha a ropui ka ti a. He Bill hian beih leh tawn a hlawh dawn chauh a, amaherawh chu nghet tak leh dik tak a kan kal chuan kan kal sual lovang tih ka ring a. He Bill hi kum 2005 atanga in tan tawh, State dangah leh Central ah pawh kan dap kan dap, mahse National Commission for Youth in an lo ruahman te pawh zuk zir atan kan zuk la chhuak ani a. Chutiang a buaipui ani a, heng zawng zawng hi vawiin a member zahawm tak tak te'n a thahnem kan ngaihna rah vek a ni. In ta, kan ta tih theih ani lo, kan vai a ta ani a, kan thahnemngaihna rah lo par chhuak dawn ta hi ropui ka ti a. Chuvangin lungrual takin he kan thalaite hmakhua ngai em em tu te hian kan pass ka duh a ni. Ka lawm e.

SPEAKER : Pu Lal Thanhawla kan sawm ang a, mahse dar 4:00 a pelh ka ring deuh a, a hmaa agreement awm tawh a kha, pass hma chuan kan kaltlang zel ang chu.

PU LAL THANHAWLA : Pu Speaker, hei vawiin ah lusun chungin i thisen zawmpui vuiliam zo chauhin helai a minrawn hura i lokal hi ropui ka ti a. Ram leh hnam leh helaia i thawhpuite i dah pawimawh zia a langin ka hria, ropui ka tiin lawmthu kan sawi hmasa duh a ni.

A hun hi a hma emaw a tlai emaw Youth Commission Bill han sawi ho tur kan nei ta hrim hrim hi thil tha tak ani a, amaherawh chu kan Sorkar hi a khalh a khalh kal a ngai deuh reng hi a pawl khawp a. Nichinah khan thudik ziktluak lo leh puar pawleng deuh te kan lo ngaithla a. Right to Information Act te hi Central in State tin te ti tura a nawr a nawr ani a. Kan State ah hian a theih chen chen a ti thei tu ten an lo delay a ni. Mahse hman loh theih loh kalpui loh theih loh a nih avangin kan kalpui ve ta a. Tunah hian a nih tur ang pawh la ni theilo hi thil pawl tak ani a. Kan ramah Corruption leh thil diklo tih bona tur atana hmanraw tha tak, mahse, a nih tur ang ni lo te hi thil zahthlak tak ani a. Kan ram kan hnam tan thil pawl tak a ni.

Tin ni 100 inhlawhna kan tih mai te hi National Rural Employment Quarantee Act ani a. Mizoram Rural Employment Quarantee Act ani lo ani, tih hi Mizo mipuite hriat kan hlau hi a dik lova. Hengte pawh hi a nih tur ang a hman ani thei lo hi Mizoram mipuite, ka tawng an huatthu suhah mirethei zawkte tan hian a pawl em em a ni. Vawiin thleng hian a dik thei chuang lo a ni. Kan Sorkar hian mipuite hi a hmangaiha an hmakhua inggai a nih chuan tih tur a nei a ni. Hemi Youth Commission Bill ah pawh hian Pu Speaker, thalaite'n an mamawh a, tu te pawhin kan sawi a, vawiin hian a rawn nawr kal tu tak

tak chu tun ami anni emaw a hma ami anni emaw MZP te anni tih a hriat theih a, kan hria a. Tin, chumi rual chuan Central pawhin kum 2005 daih tawh khan hetiang zawnga kal tur hian State tin te a lo nawr tawh a. Chutah chuan a ti chhun kan la nih pawhin a lawmawm tho tho a. Mahse, kan hmanhmawh lo hle ani tih erawh chu a lang thei ang em? Vawiinah hian tun ang zela kan kal chuan Manipur ang saw kan hlat tawh lo a ni. Kan thalaite hi kan hnam ro an nih si chuan naktuk, naktipa kan hruaitu tur te khawtlang leh kohhran leh kawng engkimah an nih si chuan vawiin ah an hmakhua hi uluk thei ang ber a kan lo ngaihtuah a pawimawh khawp a. Tin, nichinah khan kan ngaithla a, remna leh muanna hi he ram ah hian a tluantling tur ani, chumi chu kan humhalh tur ani kan ti a, chung atan pawh chuan kan thalaite hmakhua, an rahbi tha tak a kan tuk sak loh chuan harsatna ah kan lut leh ang tih a hlauhawm khawp mai. Vawiin ah Mizoram Youth Commission Bill a lo lut hi a lawmawm ka ti hrim hrim a. Mahse, a format te, a layout leh engkim hi nalh viau mahselangin eng ang a hmanhmawha buatsaih pawh niselangin typing mistake a tam lutuk hi chu Sorkar tan pawh a thalo hrim hrim, a diklo hrim hrim a ni. A type tu ten saptawng an thiam lo deuh a nih pawhin prove reading ti tu tur tam tak an awm a, an han proceed/move pah a correct ngai fo ang chi te hi Sorkar tan pawh a dik lova, kan fimkhur zelna tur ani tih hi ka'n sawi duh a ni.

Tin, kan thalaite hi directive kan pek a, incentive kan pek chuan India ram ah hian an lawrlak in khawvel pawh hi an hawlh thei ani tih hi a chiang khawp mai. Hman ah khan pilot pakhat mah neilo hnam nih hi a zahthlak e, neih thuai dan i ngaihtuah ang kan hotuten an ti a, training na tur te engkim an han dap sak a, vawiin ah chuan hlawhtling takin kan kal chho va, chutiang zawng a directive tha tak kan kawhhmuh a encouragement kan pek chuan kan thalaite hian engkim an ti thei a, games and sports ani emaw, art and culture ani emaw, modern technology chi hrang hrang information ah te ani emaw, engkim ah hian kan encourage vaklo leh kan kaihruai vak lo chung hian vawiin ah chuan India ram an hawlh zak zak ani a, khawvel te pawh. Chuvangin Youth Commission atang hian beisei tur tam tak a awm a ni. Mahse, a constitution hrim hrim pawh hi a dik tawk a ngem aw!! tih hi a ngaihtuah theih a. Tin, amah Youth Commission a hi, policy programme, hetiang guidelines han formulate a, a execute tu tur ni nghalin a lang tlat a. Hei hi a dikhlel ang tih ka hlauthawng a. Anni hi an term hi six months emaw one year emaw niselangin. Tin, politician te leh official te tel lohna tur ang a ruahman hi a dik famkim lovang tih ka hlau a. Politician eng ang pawh niselangin, official eng ang pawh sport administration lamah an that phawt chuan experience an neih chuan, kan ram tan an that chuan, khang te pawh kha eligible turin ka ngai a ni.

Tin, an kalphung tur chungchang hrim hrimah pawh hian, hemi Commission hi chu, ka sawi tawh ang khan a policy programme guidelines kha formulate selangin a implementing agency a hi chu a Department kan neih sa anih loh pawhin, Youth Development Co-operation ang zawngte pawhin a kal theih ang em aw? tih te ka ngaihtuah a. Chuvangin, hemi kan sawilai hian khatiang zawng khan kan Sorkar hotute leh Minister concern te pawh hian ngaihtuahna hman a tha ang em? tih ka ngaihtuah a ni.

Tin, Sorkar ah kan indah a ngai dawn lova, tin out sourcing pawh han ti dawn ilangin, a ti theilo tam tak an awm dawn a. Chuvangin, kan ramin a afford ang ang hian raw material leh chi hrang hrangah

cottage industry ani emaw, self employment ang chi hi a pawimawh ber tur te zing ami ani a. Nichinah kan ngaithla tawh a, Ratu bialtu zahawm takin a sawi tawh a, 'Any matter' ti siin, helaiah pawh hian a ngaihpawimawh ni awm bik tak a rawn specify te hi, hetia kan specify hrim hrim dawn chuan a tlem lutuk a, a huamzau lo lutuk a. Amaherawh chu, rules ah te leh nakinah a la take care theih tho e kan ti a nih chuan ka pawm tho a. Amaherawh chu, a Minister te leh a titheitu te ngaihtuahna ah hian khatiang kha awm se tha in ka hria a. Chuvangin chung chu Pu Speaker ka'n sawi duh a ni. Ka lawm e.

SPEAKER : House Leader aiawhtu Home Minister in sawi duh a nei a niang i lo sawm ang.

PU TAWNLUIA MINISTER : Pu Speaker, ka lawm e. Hei kan House Leader ber a awm lova. Tawi tein kan din ve kha a dik awm mang e ka ti a. Kan ngaihtlak tak ang khan vawiin ni ah hian vanduin House in kan hriatpui che in a hnu min rawn kharpu leh hi kan fak che ani tih kha ka'n sawi duh a ni.

A hmasain tun term ah chuan ti te hian Pathian hruaina in hlim takin kan hun kan hmang chho zel a. Budget Session tak phei chu tun hi a hnuhung ani ta a. Kan ngaihtlak tak ang khan kan hmawr bawb berna ni ah pawh kan zavaia kan sulhnu kan manifesto a kan neih theuh mai Youth Commission Bill te in a hnu kan khar thei hi tun Budget Session a hetiang a hun kan nei thei hi a inhmeah ka ti a, lawmawm ka ti a. Kan Budget Session pawh a hmawr kan bawkna ah hian kan hlimtlang hle dawn pawh niin ka hria a, lawmawm ka ti a. Youth Commission buatsaih hi kan ngai pawimawh theuh a. A pawimawhna kan hria a, amaherawh chu a harsa tih erawh chu kan hria. India ramah Sorkar heti riang ruang pawhin a la puitlin bik lova, chutih karah chuan a pawimawhna hria in ti hian tangrualin kan zavaiin inrawn tlangin hei hi kan han duang chhuak chhova. Vawiin ni pawh lehlamah phei chuan a formality ang deuh mai, a kalphung lo kal chho mai ani a. Chuvang chuan tuma thawhchhuah bik leh va rawt chhuah bik ni lo vawiin ni a kan zavaia kan rawt chhuah, kan zavaia sulhnu ani e, tih kha kan hriat tlan theuh ka ring a ni. Tin, hei Power and Function of the Commission tih chapter 3 ah khan kan sawi nawn ve duh chu nichinah khan Pu Hminga'n a sawiin ka hria a. Pu Khawpuia pawhin a sawiin ka hria a. 'To inculcate and educate among the youth, the dignity of labour and hardwork', tih hi kan Mizo zia ah pawh tunah hian kan ngaihsan tur leh tan kan lakna tur pawimawh em em mai ani tih kha ka'n sawi nawn niselangin.

Tin, (d) na ah khan 'to become economically self-reliance productive' te hi a ropui hle mai a. Economically self-reliance productive tih te kha a tum dawn ani a. Tin, kan thalaite medical lamah te a management lamah te vocational and technical te hetah chak zawk a an kal theihna tur a khatiang an kawh hmuhna ah te leh social economic development of the youth chungchang ah te tan an la dawn ani a. A tum hi a ropui em em mai a, chuvang chuan vawiin ni ah hian kan thalaite pawhin heng hi an appretiate thiam ka ring. Kan

thalaite music lamah te sports lamah te economic persue lamah te pawh hetiang hian hma an sawn zel theihna turin a kawhhmuh tu tur te a lo ni a. A lawmawm a, tichuan kan thalaite trained a tanpui a tiphur a kaihruai a India ram chhungah leh foreign ah te pawh employment an hmuh theihna tura kawng dap pui tu tur chu a nih avangin vawiin ni ah hian Pu Speaker, hemi a tumna tipuitling tura Bill lungrual taka kan pass turah ka'n ngai a. Hei hi kan sawiho thei hi lawmawm ka ti a ni.

Tin, Pu Speaker, vawiin ni ah hian kan hriat angina matric result a chhuak a. Matric result chhuak tawh ah chuan a percentage pawh a that ber kum ni ten ka'n hria a. 62% zet zawt niin ka hria a. A Minister changtu leh zirtirtu zawng zawngte hetah hian ka lawmpuina thu pawh ka'n sawi duh a. Tin, chu chuan a kawh chu Zoram Sorkar hian youth te a ngaihsak a, an educational hi nasa takin tan a la a, tunah hian kan tan lakna chu kumdang zawng zawng aia kan result pawh a that kum ani tih khan kan Sorkar in youth tan hma ala ani tih a chiang hle a. Chu chu a nih avangin vawiin ah hian kan thalai lehkha thiamte kan ngaihven na ah tuna kan Sorkar dinglai mekah pah hian kan ngaihthlak tawh ang khan kan Sorkar chhung hian post thar pawh hi 5900 kan siam a. Tin, appointment thar pawh 6200 zet kan thalaite kan pe ani tih kan hria a. Hemi contract leh co-terminus leh work charge pawh 5000 dawn thaw miin appointment an hmu a ni. Chuvangin kan Sorkar hian kan thalaite hi a take care a, chu chu Sorkar hna lamah pawh khan theih tawp a chhuah a ni.

Ka'n sawi leh duh chu constable recruitment pawh a battalion thum lai mai leh vacancy fill up te in kan ti a. A nawlpuiin recruitment kan han tihah hian kan manual ah chuan matric pass chin lak tur ani a, mahse thalaite kan Sorkar in a duhsak avangin a hmakhua a ngaih avangin kan thalai nawlpuiin interview an bei theih nan pawlriat pass chin chu Sorkar in pawm nise ati a. Educational ah pawh khan condonation a siam a ni. Chung chu kan thalaite duhsakna ani kan ti lo thei lo a ni. Mahse chu chu a tawk lo, chuvangin hemi Sorkar hna lo ah pawh kan sawi tak ang khan heta a tum chapter 3 ami te hi enkawl turin he Youth Commission Bill siam a ngai ani kan ti a. Chutiang a kan tanlakna zelah chuan hei hi a lo chhuak ta ani tih kan hmu a. Kan hre theuh a, India ram pum pui ah thil chiang tak pawm tlak chu Mizoram hi.....ship ah percentage ah chuan India Today ah pakhatna kan ni tih kha tu urgue theih ani lo. Chu chuan kan youth hi youth lo ni tur children pawh kha kan take care a ni. Naupang pawh kan take care a, khatiang khan naupangte kan va la a..... (Pu Lalduhoma : Pu Speaker, clarification ka duh tlat mai a helaiiah hi chuan. Ram engemaw zat kan Governor thlengin India Today figure hi he House ah meuh an sawilang thin a. Hei hi official data rintlak ani em? Nilo em? tih hi min hriih thei sela. Chuti a nih loh chuan magazine pakhat kha rorelna sang berah hian in base nana kan hmang a nih chuan a fel lovang. Helaiiah zawhna kan zawh min chhanna ngeiah pawh pahnihna kan ni tiin min la chhang tho si a kan Sorkarin. A in contradict tlat mai a. India Today a thu inziak hi official information nen a tling em? India Sorkar in official record a nei tawh em? tih lai kha min clarify sak a ngai a ni.). India Today record ani a, chu chu a kalphung ani a, khami ang khan Central Minister te pawhin hemi lawman hlanna ah hian an telpui a ni. Chuvangin ngaihsan tlan leh tehna ani tih kha chu a chiang a ni.

Awle, engpawh nise kha kha kan lawm torah pawh ka ngai a. Khatiang zawng khan chuan thil hi a har em em thin a. Chuvang chuan khalai a ka sawi duh chu, zirna lamah hian hma kan sawn ani tih kha vawiin hian a lang chiang hle a. Chu chu kan thalaite lokal zel te than duanna turin Mizoram hi a fertile tha tawh ve zel e tih a kawh a. Chuvang chuan kan Youth Commission Bill pawh hi vawiin hian lungual takin pass in, engmah hnialkahlhna awm lovin kan tlanchhuak dawn ni te pawhin a lang a, a lawmawm ka ti a ni.

Vawiin ni ah hian Pu Speaker, kan zavaiin hlim takin he Youth Commission Bill hi a hnukharna atan kan pass tur hi lawmawm ka ti a, ka thlawpna thusawi pahin lawmthu sawina nen kha kha ka han sawi ve ani e. Ka lawm e.

SPEAKER

: Kan sawihona kan duh tawh ang a. A Bill neitu Minister khan sawifiah ngaite sawifiah a pass dil nghal turin ilo sawm ang.

**PU Z.H. ROPUIA
MINISTER**

: Pu Speaker, hei hun tha tak mai min pe a. Vawiin a kan Bill tlangkawmna hun min siamsak a ka lawm hle a. Tin, nichin ka hma

amite sawi ang khan chhungkaw harsatna leh chhiat in tawh chungchang pawh ka ti a, chutichung pawh a min rawn ho a, tlang min rawn kawm sak hi lawmawm ka ti a ni.

A hmasa in MZP chungah leh All Mizoram Graduate Unemployed Association te, tin Central YMA hruaitu Study Group chungah lawmthu ka sawi duh a. Study Group ten theihtawp an chhuahna te lakhawm a kan Drafting Committee in uluk taka an rawn duang chhuak hi lawmawm ka ti a, a hmasa in an chungah lawmthu ka sawi duh a. India ramah Youth Commission hi ala awm ngai lova, State dangah pawh a awm lova, kan hria a. Chung han ti chhuaka mawhpurthu nih chu ka tlinglo hle in ka hria. Amaherawh chu tih makmawh ka kovah a tla e tih ang khan ka kovah a tla ve miao si a keini aia fel tak tak buaipui leh mawhpurhna la atan pawh a awm zawk mah a hriatte pawh ka nei a. Sports and Youth Services ka chan tirh atang khan mipuiin kan recognize dan dik tawh lova ka hriat avangin ka sawichhuak thin a. Sports Minister tih loh hi chuan min hre tlat lova, chuvangin Youth Services ani tih hi kan hriat angai ani tih hi ka sawi tam berte zinga mi ani a. Central ah phei chuan Youth Affairs and Sports an ti thin ani, chuvangin Youth Affairs hi kan ngaih pawimawh tur a ni. Tin, thalaite Minister kan ni a, Sports Minister mai kan nilo tih te hi ka sawi var a. Min tawiamna in vawiin hi kan thleng ta a, Pu Speaker, i veilama thu member tam takte nen ngaihtuahna te kan hmang ho thin a, nichina sawi ang khan Zoram ah hian a beidawng zawng, engmah beisei tur awm tawh lo ang lek lek a inzirtirna te a nasa in thalaite a beidawng zawng, beidawna vawrtawp thleng ang lek lek a tarlan a awm leh thin a, politics emaw, engemaw pawh lo awm se he inzirtirna lian tak hi nichinah a vawrtawp kan thleng tawh tih angin Saitual bialtu zahawm takin a sawi kha kan sawifiah duh chu

beidawn tur ani lo a ni. (Pu R. Lalzirliana : Pu Speaker, amah zawk hian thalaite hian a vawrtawp an thleng tawh a ti a. An la thlen loh thu kha ka sawi zawk ani, a tvisual deuh ani, a tawngsual reng mai a buaithlak) Pu Speaker, a vawrtawp a hi beidawwna vawrtawp anga thalaite zirtirna tam lutuk hi tha lovin ka'n hria a, a vawrtawp an la thleng lo a ni. Amaherawh chu, employment problem hi nasa tak lehkhathiam kan tam tak avang hian a awm a. Entirman : Europe ram ah te harsatna engemaw nei a inggaihna tlat leh ngaihtuahna tam tak an hman chhohna khan Industrial Revolution te siamin Khawvel masawwna bul nasa takin a rawn irhchhuah phah a. Chuvang chuan he Bill hian chutiang a thalaite kawng nasa taka rawn sut en a, Zoram leh hmun dang tanah pawh chenpakawm leh future tha kan siam theih kan ring a. Chuvang chuan a chhung thuah khan ni e, hei Pu Speaker, han tihfel tawh loh neuh neuh te a typing mistake kan nei a. Nichina phek 4 na chapter 2, section 7 na khami second last line a kha 'defect is' tih ni lova 'in the constitution of the commission' tih tur a niin a lang a. Khang te leh khang ang siam that ngai section 5, chapter 2 clause 4 a 'chairman' tih pawh kha 'chair person' tih a khatianga min siam that sak turin ka'n ngen che a ni.

Ni e, hei han sawitu kan tam hle mai a, a lawmawm a, pass duh leh thahnemngai vek kan ni a. Mi 17 in kan sawi a, pass duh vek kan ni a, a lawmawm hle mai a. Hei vawiin ni ah hian, thenkhat han sawi....(Pu R. Lalzirliana : Pu Speaker, chairman tih te, day duty tih lai taka, eng e ni a thupui deuh tak a awm em ni?). Khalai kha Pu Speaker, chhut sual palh nge ni ka hmu zo lo na, day to day tih na niawm tak chu ani a. Khami a rawn sawi kha kan zawng thin a, ka zawng hmu zo lova. Aw, chapter 3, 9 na, chhut sual palh ani a, day to day duty of the commission tih na tur niin alang a. Khang kha chu, hemi hi a principle in tha thawkhat in kan hria a. Duhthusam chuan a tih theih loh a. Kan zawh tawh ngun taka kan ngaihtuahin, amaherawh chu hetiang engemaw neuh neuh erawh chu han tih fel tawh loh te kan han nei a. Thil hi detail lutuk a siam a kha, thil feltawh lo awm thei a kan hriat zawk avang leh kawngka inhawng sa a khatianga a ruahmanna siam a kha kan ngaihtuah ho pawh khan Pu Speaker, I vei lama thu te pawh khan detail lutuk a siam a hi fimkhur ngai zawk a hriatna te an nei ve niin ka hria a. Tin, NEC ah hmanni ah kan officer pakhat kan zawt a. Hei hi guideline ah a awm em? Kan rawn ti ang chu kan i a. Guideline fel hetah hian mumal kan nei lova, a chhan chu guideline kan neih hian guideline khan min phuar tlat mai a. Chuvang chuan guideline neih loh hi thain kan hria a, min ti a. Chuvang chuan helai a detail lutuk a thil kalpuite fuh tawh lova hriatna kan nei a, chuvang chuan hei hi member in inhriatthiam ka duh a. (Pu H. Liansailova : Pu Speaker, khang tuna a dik lo kan han sawi a kha chu grammatical error leh a awm lohna tura saptawng chhut lo tla palh ani mai in alang a. Grammatical error leh patent errors a nih ang a pawm tura rawn rawt ni mai selangin, eng nge ni a detail leh detail loh lampang kha lam hawi vak lo khan in chuti zawnga pass tur chuan han sawi mai kha a dik mai em aw ka ti). (Pu Lalduhoma : Pu Speaker, lawk kha ti zawng pawh khan lo kal dawn ila, a eng ber kha nge kan pass tur a hi chu chian ve reng reng angai a. The day duty kan ti dawn nge, day to day duty kan ti dawn nge, a eng zawk zawk a maw kha thu tlukna kha chu a awm angai a. Day to day duty a nih chuan holiday te an nei dawn lo tih na nge, engnge ni dawn?). (Pu Liansuama : Pu Speaker, it shall be the duty of the commission tih ani mai a. Heta Aizawl North II bialtu ina a rawn sawi ang khan grammatical error leh patent error hi kan ngaidam vek member te hian. Tichuan rawn siam tha mai rawh u.)

Ka zu hmuh theih lawk loh avang khan kan sawi buai deuh a, day tih a kha an lo chhut hmaih palh niin alang a, kha kha member ten min hriatthiam kan ngen a. Ni e, kan hriat angina thalaite hian hna te pe pawp pawp tura ngaihna te kan han nei hi he commission ina a tum ber ani lova, hna zawnpui tu tur ani ber. A tlangpuiin han sawi ta ila, hei Department hrang hrang tepawh programme an han nei ta a, chung te tie-up thei turin Department hrang hrang Technical Department tepawh. Nichina an han sawi ang khan Look East Policy leh kan ram leihnuai hausakna han haichhuah te, khang hawi zawnga employment generate thei tur ang zirna te, Education Department ani emaw eng Department ah pawh an hmalakna leh an project siam ah te, khang ang hawi zawnga kalpui a, he Youth Commission in a theihtawpa hmalakpui a thurawn petu tur ang a ruahman ani tih kha kan hriat a tha a, chu chu employment hei hian a pe duak duak ang tihna ni lovin. Chutih rual chuan IT Department lampang tekha tilang lo mahse technical, education tih te kha tlema huam zau deuh, khalam hawi deuh lo hmaih palh te a awm pawh a nakina khungleng thei turin tih ang deuh a ruahman ani a.

Tin, Lunglei 'S' bialtu zahawm tak ina a rawn sawi nichina pawimawh deuh pakhat leh kan House Leader ina a sawi zinga pawimawh em em mai chu, educated leh mi bright leh brilliant tak takte tan ringawt ni lovin, tlema chuanhnuai deuh te leh lehkha thiamlo zawk te tan pawh a kawng lo dap tu tu anih na kan hriat chian a tha in ka hria a, a chhan chu hei dan tepawh han siam ila, hremna dan leh eng ilo tepawh, mi thalo deuh tanah te alo ni thin a. Chuvangin heng dan tepawh hi mithiam chung chuang te tan hian a ngai em em lo, mahni in kawng an indap thei. Amaherawh chu 2nd class leh 3rd class te leh lehkha thiamlo te tana kawng hawng tu tur te ani tih a kha kan hriatsa mah nise sawi a tha in ka hria a. Tin, kan media tepawh, khang kan talent te an han haichhuak te, hei tunah Lunglei ah tepawh saw Eldo Cable te, LDF te leh JB te, Aizawl ah Skylink, LPS te leh Zonet te leh chi hrang hrang ten a hma an lakna te ang a mi talent promote dan kawngte, khatiang a kha hei hian a dap ang tih thui/ zau taka kaww thei turin he thil hi duan a ni.

Tin, hei hmun dang ami investor te pawh zawm a, khang business leh a! sawi tur a tam mai, kha kha ka sawi vek seng lovang a. Khang kha in hre vek thovin ka hria a. Chutiang ang a kan employment leh sum dawng/ sum tuakna leh sum dawna engkim mai Zoram tana thalai tena hma kan lak leh kan mawhphurhna te, a thawh a kan thawh chhuah a ngaih zia te, inzirtirna ni fawm a, a tak taka thawk chho tura kawng kawhmmuh tur leh foreign employment te pawh han ti dawn ila Sports and Youth Services chuan mihring pawh kan nei lo, khami han ti tur khan kan nei lo. Hetah Labour and Employment atangin mihring pawh kan nei lo. Khatiang chanellised dan te leh kawng engkim lo dap puitu tur chu he commission hi ani tih kha ka han tarlang ve duh a. A tlangpui thuin ni e Pu Speaker, hei vawiin ni ah duhthusam taka sawi ngam pawh ani chuang lova, kan Bill hi a kim lovang tih pawh kan ring. Duhthusam taka siam pawh ani lova, kan ram dinhmunte en in, tha thei ang ber leh kan tlin tawka kan ngaih leh tha a kan hriata kan rawn duan ani a. Chuvangin he ka Bill 'The Mizoram Youth Commission, 2008' hi he House zahawm tak hian min pass sak turin ka rawn ngen a ni.

SPEAKER

: Awle, Bill neitu Minister zahawm takin a Bill kan sawihona te rawn wind - up in pass a rawn dil a. Kan tih dan thin angina a pass chauh

tal hi chu clause by clause in kan buk ang a.

Tunah, clause 3 atanga clause 8 'The State Commission for Youth' hi pass remti apiangin 'remti' tiru le, aw remti lo kan awm chuan 'remti lo' ti rawh u le. Awle, House in lungrual takin a pass a ni. Hei hi Bill a telh a ni. Clause 9 atanga clause 11 na 'Power and Functions of the Commission' hi pass remti apiangin 'remti' tiru le. A remti lo kan awm chuan 'remti lo' ti rawh u le. Aw remti lo kan awm lova, House in lungrual takin a pass a ni. Hei hi Bill a telh a ni. Tunah clause 12 atanga 15 na 'Finance Account, Audit and Report' hi pass remti apiangin 'remti' tiru le. Remti lo kan awm chuan 'remti lo' tiru le. Remti lo kan awm lova, House in lungrual takin a pass a ni. Hei hi Bill a telh a ni.

Tunah clause 16 atanga clause 20 na 'Miscellaneous' hi pass remti apiangin 'remti' tiru le. 'Remti lo' kan awm chuan 'remti lo' tiru le. Remti lo kan awm lova House in lungrual takin a pass a ni. Hei hi Bill a telh a ni.

Awle, tunah Preamble and Acting Formula clause 1 leh 2 short title extend and commencement leh definition hi pass remti apiangin 'remti' tiru le, remti lo chuan 'remti lo' tiru le. Remti lo kan awm lova House in lungrual takin a pass a ni. Hei hi Bill a telh a ni.

Awle, tikhan 'The Mizoram Youth Commission Bill 2008' House in lungrual takin a pass a ni.

Le, kan business kan lo zo dawn a, chumi hma chuan thupuan tur leh thil thenkhat han sawi duh ka nei a, khawngaih taka min lo ngaihthlak sak ka ngen a ni. A hmasa berin, tun tum kan Session hi wawi sawm leh pahnihna niin Budget Session a ni bawk a. Business Advisory Committee thukhawmin a rel angin ni sawm leh panga (15) chhung awh tura duan angin Budget 2008- zawnha ni a lo ni ta reng mai a, tichuan a tlangpuiin tun Session chhunga kan hnathawhte chu hetiang hi a ni :-

ZAWHNA CHUNGCHANG :

1. STARRED QUESTIONS :

a)	Lut zat	-	610
b)	Admitted	-	563
c)	Rejected	-	47
d)	Clubbed	-	28
e)	List of Business a dah	-	260
f)	House chhunga chhan	-	42
g)	House chhunga chhan hman loh	-	218
h)	Starred Question Unstarred a leh	-	267

2. UNSTARRED QUESTIONS :

a)	Lut zat	-	187
b)	Admitted	-	161
c)	Rejected	-	26
d)	Clubbed	-	1
e)	House Table a lay	-	427
f)	Stared Question Unstarred a leh zat	-	267

3. OBITUARY :

Pu Zoramthanga House Leader – in Member hlui boralte Pu R. Thangliana, former Minister of Mizoram leh Pu K. Zahungliana former MLA te sunna hun leh an chanchin tawi sawina hun hman bakah heng Member te hian hun an hmang a :

- a) Pu Lal Thanhawla.
- b) Pu Saikapthianga.
- c) Pu Lalhmingthanga.
- d) Pu Lalduhoma.

Thusawi zawhah zahna leh sunna entirnan minute khat chhung ngawi renga din a ni.

4. GOVERNOR'S ADDRESS :

Tun tum Assembly Session hi Budget Session leh kumina Session hmasaber a nih avangin His Excellency, the Governor of Mizoram- in House a Address a, Motion of Thanks chungchangah Member, zahawm tak tak te hian sawi hona hun an hmang a :

- a) Pu A.B. Chakma.
- b) Pu R. Lalzirliana.
- c) Pu Lalchandama Ralte.
- d) Pu Zodintluanga.
- e) Pu Andrew Lalherliana.
- f) Pu Sailothanga Sailo.
- g) Pu K. Vanlalauva.
- h) Pu S. Hiato.

5. RESOLUTION

Private Members' Resolutions hi 48 a lut a, 8 reject a ni. Private Members' Resolutions 40 pawm zingah hian Pu K. Vanlalauva resolution - "Mizoram atanga Sitwe/ Akyab Lawng chawlhna pawh tura Tui kawng leh Motor

kawngpui siam tura hma lak ani ta hi lawmawm kan ti a. Chak taka hma lak a nih theih nan Central Sorkarah nawr ni rawh se" tih hi sawiho a nih hnuah lungrual taka pawm a ni.

Kan House hian resolution tam tak kan pawm tawhin chungte chu Dan 137- na hmangin Sorkarah kan thawn thin a. Sorkar lamin heng resolutions pawm tak te chungah action a lak dan hi Assembly Secretariat- ah report leh tur anih laiin Sorkar report kan dawng ngai lova. Tan lak thar leh nise.

6. REPORTS :

House- ah heng Report te hi present an ni.

- (a) Report of Business Advisory Committee.
- (b) 2nd Report of Subject Committee - III.
- (c) 4th Report of Subject Committee - I 2007 - 2008.
- (d) 13th Report of Subject Committee - V.
- (e) 1st Report of Ethics Committee.

7. BILLS :

Tun tum Session ah hian Bill 11 (sawmpakhat) a lo lut a, a vaiin pawm ani a. Member ten thahnemngai taka sawi tlan a nih hnuin House- in lungrual taka passed a ni.

1. The Mizoram Industrial Area (Management, Regulation and Control) Bill, 2008.
2. The Aizawl Development Authority (Amendment) Bill, 2008.
3. The Mizoram Organic Farming (Amendment) Bill, 2008.
4. The Mizoram State Agricultural Produce Marketing (Development & Regulation) Bill, 2008.
5. The Mizoram Transparency in Public Procurement Bill, 2008.
6. The Mizoram Youth Commission Bill, 2008.
7. The Mizoram Board of School Education (Second Amendment) Bill, 2008.
8. The Mizoram (Land Survey and Settlement Operation Amendment) Bill, 2008.
9. The Mizoram Appropriation (No. 1) Bill, 2008.

10. The Mizoram Appropriation (No. 2) Bill, 2008.
11. The Mizoram Appropriation (No. 3) Bill, 2008.

Tin, House – in Bill a passed tawh Governor assent lak tawh te
chu hengte hi anni :

(Eleventh Session ami)

1. The Mizoram Civil Courts (Amendment) Bill, 2007.
2. The Indian Stamp (Mizoram Amendment) Amending Bill, 2007.
3. The Mizoram Oil Palm (Regulation of Procedure and Processing Amendment) Bill, 2008.

Bill passed Governor assent lak te :

(Twelfth Session ami)

1. The Mizoram Industrial Areas (Management, Regulation and Control) Bill, 2008.
2. The Mizoram Appropriation (No. 1) Bill, 2008.
3. The Mizoram Appropriation (No. 2) Bill, 2008.
4. The Mizoram Appropriation (No. 3) Bill, 2008.
5. The Mizoram Organic Farming (Amendment) Bill, 2008.
6. The Mizoram Transparency in Public Procurement Bill, 2008.
7. The Aizawl Development Authority (Amendment) Bill, 2008.

8. LAYING OF PAPERS

Heng a hnuai mi te hi House Table ah lay a ni.

1. Gazette Notification relating to RTI Act, 2005 (Exemption).
2. The Mizoram Municipalities (Election of Councillors) Rules, 2007.
3. The Mizoram Municipalities (Procedure and Conduct of Business) Rules, 2007.
4. Finance Accounts for the year 2006 – 2007.
5. Appropriation Accounts for the year 2006 – 2007.
6. 21st Annual Report of Mizoram Khadi & Village Industries Board, 2005 – 2006.
7. The Mizoram Grant – in – aids to Village Council Rules, 2007.
8. The Mizoram Special Grant – in – aid for Housing Rules, 2007.

9. The Mizoram State Information Commission Annual Report, 2006 – 2007.
10. Order of the Governor of Mizoram (Under Paragraph 16 of the Sixth Schedule to the Constitution).
11. The Aizawl Development Authority Regulations, 2007.
12. The Mizoram Rural Employment Gurantee Rules, 2007.
13. The Mizoram Municipalities (Delimitation of Wards) Rules, 2008.
14. The Mizoram Excise & Narcotics (Wine) Rules, 2008.
15. Report of the Comptroller and Auditor General of India for the year ended 31st March, 2007.
16. The Aizawl Development Authority Building Regulations, 2008.
17. The Mizoram Education (Inspection of Recognised Schools) Rules, 2008.
18. Statement on Six monthly review of the Finance Minister on the Fiscal Position of the Government of Mizoram for the First half of 2007 – 2008 (April – September, 2007).
19. Report of the Assembly Committee to enquire into alleged involvement of the Government of Mizoram in illegal transportation and supply of Arms.
20. Statement of Action taken on Report of Public Accounts Committee.
21. Statement of Action taken on Action taken Report of Public Accounts Committee.

9. SPECIAL MENTION :

Tun tum Session – ah hian Special Mention a awm nual a,

1. Pu Andrew Lalherliana – Pianphunga rualbanlote tan Sorkar hnaa reservation chungchang.
2. Pu R. Lalzirliana – Water Tariff chungchang.
3. Pu H. Rohluna – Sangha zawrhna chungchang.
4. Pu Andrew Lalherliana – ICICI a medical reimbursement chungchang.
5. Pu Zodintluanga – Cancer patients refer case chungchang.

Tin, heng bakah hian sawibelh duh ka nei a, Department te hian Chhanna dik tawklo, typing mistake te, Member zahawm takte hming ziah diklo, calculation diklo te leh enclosure tellova question chhanna submit a awm nual mai a. Hei hian kei ni Assembly Secretariat harsatna tam tak a thlen thin a. Heng hi Department lam pawhin hre thar leh turin ka ngen a ni.

Tin, a tawpber dawttu tu leh ah thupha chawi ka duh a. Kan hriat theuh angin PA System thar kan install a, kan chhuang viau rilru a amaherawhchu thla hnih lek kan hman hnuah a chhe ta mai a, paw ka ti takzet a, theihtawpin a rawn titu Company leh helaia an agent te nen kan in dawr a siamthat an tum a mahse a lo ril deuh hlek a, a cable zawng zawng hi lei that vek a ngai

ang a, ni 7- 10 tal a ngai ang an ti a, chuang chuan ti hianin phuah chawp deuh hlek in kan ti ta a, kan in hrethiam tlang a, thupha chawi rual rualin lawmthu kan sawi duh baw a ni.

Kan Budget Session hnukung ber tun term atan chuan a nih avangin Budget kaihnhawih bik ah thil pahnih ka rilru a awm reng, hrehawm ka tih phah deuh na thin a awm a. Hei hi kan inthlan leh hunah tun ami te an Sorkar leh emaw, midang an lo Sorkar a nih pawhin thil ni thei se ka duh a chu, hei Subject Committee hrang hrang kan siam ve a. Parliament ah Standing Committee an tih zulzuiin chungte chuan Budget te hi a lo luh hlimin an scrutinized ang a, kar hnih / khat vel an ching ang a, suggestion fel tak tak House aiawhin an siam ang a, Budget leh ah chuan fel zawk a alo kal theih na tur a tih ani a. Mahse kan Subject Committee te hi theih tawp an chhuah chungin khalam kawngah khan an function tur angina kan function tir lova. Hei hi Assembly atanga kan zir loh a nih rual rualin kan Executive lam pawhin an zir lo ve tho niin ka hria. Chuvingin Assembly thar lo awm leh turah tepawh thu neitu lo ni ta sela Subject Committee te hi an function tur ang tak a an function theih na turin tupawhin rilru siam tlang ila, chu chu ngenna ka'n siam a ni.

Performance Budget hi Planning Department chuan Department in siam vek tur a ti chungin thelut Department an awm lova. Legislature in Check and Balance System a Executive te kan va check ve theihna hmanraw pawimawh ani a. Heng hi kan hmalawk May a NERCPA ah telh hram kan duhna chhan pakhat ani a. Tichuan, Sorkar tha lehzuala a kal zel theihna tur kawngah tan la tlang turin leh thil pahnih ka'n sawilante hi tute pawn hretlang turin kan ngen che u a ni. Kan Session chhung zawng zawngin leh a hma zawng zawng pawhin Member te leh opposition lamte ruling lamte leh kan Minister te pawhin in tawiamna tha tak ka dawng thin a. Ka lawm tak zet a, in zavai a chungah lawmthu ka sawi a. Chumai bakah hei kan Secretariat a thawk, an Secretary a lian ber atanga a te ber thlengin taima tak leh thahnemngai takin an tih tur theuh te an ti thin a. Member ten khawi laiah emaw a fel tawk lo te kan lo hmu a nih pawhin kei chuan ka hre lova. Kan thawktute zawng zawng chungah lawmthu ka sawi a ni.

A tawp ber atan chuan kha sawmna in hmu theuhin ka ring a, hei tun tum hi kan Budget Session hnukung ber tun term atan anih avangin dinner siam ila tih ka rilruah a awm lain, kan House Leader - in ka zin dawn si a, I lo siam a ngai ani a ti hlauh mai a, a vanneihthlak ka ti a. Kan nupain in nupa theuha zanin dinner ah khan lo tel theuh turin in hun hlu tak senga lo tel ngei turin ka sawm nawn leh che u a ni.

Awle, tun tum Session atana kan tih tur chu kan lo ti zo ta a.

The House is adjourned sine die.

At 4:42 P.M.

LEGISLATIVE ASSEMBLY

LIBRARY

Ms. No. 14802-4
Dt. 3.2.09